

The monthly magazine "North Star"



ВОЙВЫВ КОДЗУВ

ISSN 0134 — 4323

КОМИ
ЙӖЗЛӖН
ЖУРНАЛ


93 • 7

• Альберт ВАНЕЕВЛЫ

60 арӖс

Пӧся чолӧмалам

юбиярӧс!



Радейтана ворсанторйыд — ёртсьыс на ёрт.

Снимокыс Г. Лисецкийлөн.



ВОЙВЫВ КОДЗУВ

КОМИ ЙӖЗЛӦН БЫД ТӖЛЫСЯ ЛИТЕРАТУРНО-
ХУДОЖЕСТВЕННОЙ ЖУРНАЛ

7

ИЮЛЬ

1993

ПЕТӖ 1926 ВОСЯНЬ

■
ЛЭДЗӖНЫ:

КОМИ
ПИСАТЕЛЬЯСЛӦН
КОТЫР

ЖУРНАЛЛӦН
РЕДАКЦИЯ

■



ТАЙӖ НОМЕРЫН:

Альберт ВАНЕЕВ. Виль кывбурьяс	3
В. И. МАРТЫНОВ. А. Е. Ванеевлӧн поэзия	12
Александр ПАРНАЧЕВ. Кык керка костын. Повесть	15

ВОЯС ДА ЙӖЗ

Александр ПАНЮКОВ. Ыпъялысь шонді кодъ ань	38
--	----

ГИЖЫСЬЛӦН ОЛӖМ-ВЫЛӖМ

Алексей ТИМУШЕВ. Дневникысь пасйӧдыяс	53
Игнатий МӖСШЕГ. Асшӧрлун — комилӧн виль кадкопаст	67

МИЯНЛЫ ГИЖӖНЫ

В. САЖИН. Кыдзи сӧвмӧдны коми кыв!	78
--	----



СЕВЕРНАЯ ЗВЕЗДА



*Ежемесячный
литературно-художественный
журнал*



Учредители:

СОЮЗ ПИСАТЕЛЕЙ РЕСПУБЛИКИ КОМИ
РЕДАКЦИЯ ЖУРНАЛА



РЕДАКЦИОННАЯ КОЛЛЕГИЯ:

Главный редактор

Владимир
ТИМИН

Альберт
ВАНЕЕВ

Федор
ИСТОМИН (Кудымкар)

Елена
КОЗЛОВА

Василий
ЛОДЫГИН

Виктор
НАПАЛКОВ

Ответственный
секретарь

Алексей
ОДИНЦОВ

Зам. главного
редактора

Александр
УЛЬЯНОВ

Кузь нэм да бур шуд тэн, Альберт Егорович!

Коми Республикаса гижысь котыр да «Войвыв кодзув» журналлөн редколлегия пöся чолöмалöны тэнö квайтымын арöс тырöмнад. Косланса шöр школаын велöдчигад на тэ босьтчин гижны кывбурьяс да сэксянь эн нин орöдчыв тайö уджсыс-тöждсыс, йöзöдін комион да роч вылö вуджöдöмөн уна-уна небöг. Таысь öтдор тэ туялін коми поэзиялысь сöвмöмсö, чукöрталін да лöсьöдалін мукöд коми гижысьяслысь небöгьяссö. Тöдчанаон лоины и миян литератураын тэнад сонетьясыд.

Коми поэзияын да филологияын тэнсыд уджтö пасйöма И. А. Куратов нима государственнöй премияон, сетöма республикаса культураын уджалысьлысь вылö пуктана ним. Эмöсь тэнад и мукöд наградаяс.

Аслад тшупöда арлыдö тэ воин нималана коми поэтön да учёнöйön. Öнi дасьтан миян республикалысь медводдза энциклопедия.

Кузь нэм да бур шуд тэныд!

Альберт ВАНЕЕВ

Öзтны кодзувьяс

Владилен Крюковлөн
югыд паметьлы

«Петук горöдтöг
Воас асылыд»,—
Мукöддырйиыс
Шуам аслыным,
Мед не орöдны
Чöскыд уннымöс,
Мед не курдöдны
Юмов думнымöс.

Медым кодкö мöд
Войсö разöдас,
Шуштöм чöв-лөнсьö
Жуглас-пазöдас,
Медым кодкö мöд
Нэмсö дженьдöдас,
Сотас сьölöмсö
Гудыр пемыдас.

Тырмö вежöрным
Гөгöрвоньсö,
Водзмöстчöмьяслысь

Төдны донъяссө:
Сылысь лэбачёс
Тывйён кыйлоны,
Лэчкөн дзуглоны,
Биён лыйлоны.

Петук горөдөм
Медым кывлам ми,
Медым асылөдз
Олам-вылам ми,
Колө кодлыкө
Петны водзиас,
Өзтны кодзувъяс,
Өзтны кодзувъяс...

Шонді улын пожом быдмө көн

Войвыв кодзув югөр төвнас усьö,
Лымсö тöлысь эзысьтлывлö скöнь.
Чужанінөн шуа дона мусö,
Шонді улын пожом быдмө көн.

Медся чöскыд вотöс тани кисьмö,
Дзоридзалö муслун чужтысь льöм.
Тайö муыс бурдöдö быд висьöм,
Шонді улын пожом быдмө көн.

Чужан мулы яндысьны оз ковмы —
Оз кыв сэсянь ошйысяна звөн.
Ас нянь-солөн век ми кужим овны,
Шонді улын пожом быдмө көн.

Козьналі быд лолыштöм ме сылы
Шойччигөн и сөнъяс зэвтігөн.
Чужанін ог веж ме нинöм вылö,
Шонді улын пожом быдмө көн.

* * *

Воркутаын ачыс енмыс дурис:
Көдздөдліс, мый шонді вöлі кын,
Сэсся гартчис нем виччысьтöм турöб,
Сэсся ньöжйö усис небыд лым.

Йöз олöмын нинöм эз вöv ясыд —
Кодкө вöлі жугыль,
Кодкө — яр:
Шызьöм йöзлөн забастовкаясөн
Нöбасис сэк из шом перйысь кар.

Чайті:
Татшöм чорыд лунö-войö
Йизьö мортлөн сьöлöм,
Қынмö лов,
Тундра дзибийö весьшөрö ме вöи —
Кывбуръяса сёрни тан оз ков.

Вöлі сьökыд из шом перъянінын,
Вöлі сэн, көн изöны цемент,
Но дзик некөн бур войтырыс дінын
Кöритана син улö эг шед.

Вой төв гыпкөм өшинь сайын кыліс...
Кывзысь войтыр тшөктіс,
Мый эг чайт:
«Шоныд тулыс,
Югыз муслун йылысь,
Мыйтта верман,
Кывбур лыдды вай!..»

Мөвпышти:
Быд ловъя би он кусод,
Олөмыс оз табанитчы-сувт:
Весиг гудыр кадө мелі Муза
Регыдөн да кокниа оз кув...

* * *

Жугыль пуясысь нетшкалөм зарни
Бара шебралө узьмөдчысь му.
Менө пужъялө-гыбртө ар нин —
Пышйом гожом ог вөтөд, ни су.

Олөм сюрөсысь медся ён йөзви
Быттё орис...
И лигышмис ки...
Тайө здуксянь оз ыпъяв ни öзйы
Трукав сьөлөмам нимкодълун би.

Зэр да слөт усяс-дөжнасяс арбыд,
Понда ныылавны тшын либө чад.
Олөм сьөктөдө ньөти оз арлыд —
Шуштөм төвъяссө пөлялө кад.

* * *

Лышкыд коми вөр-ва вөзйис-сетіс
Лязъяс нырны льөм
И турипув,
Юмов өмидз,
Чунь пом гырся сэтөр —
Сөмын чукөрт,
Тшыгла он нин кув.

Тыын-юын уявльвліс чери:
Кулөмөн көть тывйөн
Сёян кый.
Рөдмыліс и пөткаыс, и зверыс —
Асьтө вердны мыйтта колө лый.

Сөмын талун нем виччысьтөг локтіс
Удзөдчана-тшыгъялана кад,
И мый вөр-ва вичмөдыштас —
Ог төд,
Важ моз оз тай гыдъясь олан лад.

Өнөдз озыр вөръяснымөс чашйим,
Нюръяс гөрим,
Косьтім ты и ю.
Бара дьөббө коли,
Тшыг и пасьтөм,
Коми морт и коньөр Коми му.

Шузьом кад

Сувтөм кадөн, чөв-лөнъ кадөн, шузьом кадөн
Верстьо вояс менсьым ёрöны том йöз.
Кольөм лун-вой ме ог ловзьöд,
Ни ог садьмöд —
Кöть и енэжöй эз век вöв югыдлöз.

Мустөм кырнышъяс сэк кокавлісны сьöлөм —
Налөн люкалөмысь быд лун вöлі пов:
Няйт кыв кырнышъяслөн
Пищаль кодь жö вöлі —
Ёсь инфарктъяс йöзлысь мырддылісны лов.

Саймовтчөм да ёрөм вояс
Шузьом кадөн,
Сувтөм кадөн,
Узян кадөн лыддям со,
Бытьо вöлі сирөн мавтөм гу кодь адөн,
Сöдзыс-ошканаыс нинөм сэк эз ло.

Но öд сэки ми эг корысялöй-дзайгöй,
И эз лысьтны чөвтны кок уланым лы,
Нöйтөм понъясөн сэк асьнымöс эг чайтöй,
Чужан му весьтаным кывліс сьылөм шы.

Сэки медводдзаөн Космос эрдö кайим,
Кöть и тайöс шоча казьтылöны нин,
И Гагарин нимкодь-ышöдөм сэк вайис —
Кöть и пöдтöны,
Эз вöй на сылөн ним.

Саймовтчөм да ёрөм вояс
Шузьом кадөн,
Сувтөм кадөн,
Узян кадөн нимтім ми,
Кöть и олім бордъя мөвпөн,
Ясыд садьөн,
Югзис шондi сэк,
Эз öнъя дзузган би.

Сёян нянь, сьöлөм би, чужан му...

Пöдтан тшынөн да ыпьялан биөн
Öнöдз нималö челядьдыр кад:
Парма пыдöсын бордьяммысь пиян
Тшыгла-жебмөмла воштывлім садь.
Тайöс көсьян да,
Нэм чöж он вунöд:
Мортлы колö,
Мед рökыс оз су,
Вывті этша и унаысь-уна:
Сёян нянь,
Сьöлөм би,
Чужан му.

Морт нэм вуджиг тай бушколыс петлö
Шог да руд,
Коркö весигтö сьöд:

Горшным гөрддзасяс,
Ловным оз шедлы,
Сьөлөм тпкөмлөн ньөжмылас өд,
Няйтын туплялас,
Чужъялас олөм,
Томъяс-буръяслы кодйылас гу.
Гудыр лун-войо медьёна колө
Сьөлөм би,
Сёян нянь,
Чужан му.

Чужан вөр-валы зэр-слөта арсянь
Кевма дженьыд да небыдик төв:
Бөрдысь-шогсьысь и нюмъялысь парма
Некор-некор мем веськодъ эз вөв.
Вежа ваён тан менө эз резны,
Но и элясян кывъяс ог шу.
Оз позь свет вылас нинөмөн вежны
Сёян нянь,
Сьөлөм би,
Чужан му.

Ставлы төдсатор казъта ме быттьө,
Сөмын талун тай төдчөдны быть,
Медым бур йөзсө лун югыд пыдди
Асыв бөрын эз таяв сёр рят.
Гөгөр ыдждалө пинясьөм-вензьөм,
Өшйис сынөдө сьөкыд сьөд ру,
Сэсся пөшти нин мырддисны менсьым
Сьөлөм би,
Сёян нянь,
Чужан му.

Чернамын гырд асыв

Эз быд морт писъты Чернамса вөръясө:
Быд туй вожын шлагбаум да тас.
Вөрыс нимавліс йөраяс-көръясөн —
Найөс баринъяс лыйлісны тась.

Эз, эз кыйны, эз вөтөдны-туявны,
Немся лов тырөм-мудзөм эз шед,
Импорт паськөмөн сьөртын эз уявны,
Зыбуч нуръяс эз вуджавны сэт.

Пожөм пу дінлань чом вөлі ляскөма —
Выль и ён сэтчө катөдан пос,
Небыд пуклөсьяс чом пытшкас дасьтөма,
Оз ков майшасьны виччысигмоз.

Зөръя му пожөм пу улас шыльквидзө,
Вердчан вирич, көн турун да сов:
Йөра чөсмасьны воливлө мыльк водзө,
Кадөн велалө —
Мортысь оз пов.

Коньөр йөраөс өтчид оз шемөсмөд
Асья кыалөн гырдөсьсөм рөм,
Көть лым вылын выль кок туйяс эмөсь мед,
Мед и адзывтөм серъяса көм,

Мед и ружье нин сыланьё веськөдөм,
Мед и горш синмысь нинөм оз сай —
Помтөм йөралөн морт шаньлы эскөмыс,
Немся лёк бөрья здукөдз оз чайт.

Ньөжйё осьлалас пипу рас пөлөныс,
Лыйөм-шковгөмсө кытчөдз оз кыв,
Сэсья тшөкмунас ёнысь-ён сёлөмыс,
Лымйыс лоас и гырдось, и сыв...

...Эз быд морт письтлы Чернамса вөрьясө:
Быд туй вожын шлагбаум да тас.
Вөрыс нимавліс йөраяс-көрьясөн —
Найөс бариньяс лыйлісны тась.

* * *

Коді ёсьтөм гыжйөн сьөм оз парсав
Да оз вузав, ньббысь кө эм, ставсө,

Мед көть ветлө тшыгөмыскөд орччөн,
Бур нин: яндзимысла көть оз сотчы:

Идравлө, мый тувсов кадө көдзлө,
Нималө, мый олігчөжыс вөчлө.

Авья мортыс жаль, но өттшөттш жаль мем,
Коді чужанінсө зільё тальны:

Сгинитан пө, вөян олөм рудас,
Чужан мутө радейтны кө кутан.

А ме төда-эска: шудтө суан
Сөмын йөзкөд тшөттш да чужан муын.

□

Поснияслы козин

Во гөгөр

Жургөны кө шорьяс,
Одйө сылө лым,
Ыбьяс весьтын гора
Сяркөдчө кө гым,
Сідзкө войвыв мулы
Чолөм ыстө тулыс.

Шонді качө вылө,
Енэж лөзысь-лөз,
Лунтыр видзьяс вылын
Турун пунктө йөз,
Сідзкө Эжва вожө
Бара воис гождөм.

Вөр-ва быттё узё,
Ыбын ставыс куш,
Асья кадө усьө
Лысва пыдди пуж,
Кызлөн корйыс зарни,—
Сідзкө воис ар нин.

Лымья ягын-сёнын
Унзілэ пожөм-коз.
Тыяс-юяс вомөн
Водіс йиа пос.
Вуджам мөдлапөлө...
Видза олан, төлөй!

Ягын петіс дона гоб

Усис лышкыд шоныд зэр,
Мыссьом вөрлөн вежсис сер.

Зэрöй, зэрöшт,
Сэссия коб.
Ягын петіс
Дона гоб.

Вөрö мунны пестер дась,
Ельдög-рыжик аддзам тась.

Зэрöй, зэрöшт,
Сэссия коб.
Ягын петіс
Дона гоб.

Вözъяс мян яла яг
Солалан и пуан тшак.

Зэрöй, зэрöшт,
Сэссия коб.
Ягын петіс
Дона гоб.

Пармаса ёль

Варов ёль ме,
Сельга-тёльга
Изъяс вывті пышйигтыр.
Пета вöрысь,
Парма шöрысь,
Йöзöс юктавла ме пыр.

Чöскыд ваёс
Йöзлы вая —
Аслам нимкодöй оз чин.
Радлун босьтö,
Кор ме вöсьта
Зонпоснильсь унзиль син.

Сылан-ворсан праздник

Челядь садйö волам,
Ёртасям да олам,
Быд лун вöчам асьным
Сылан-ворсан праздник.
Коді кужö йöктыны,
Сылы оз ков тшöктыны:
Тувчы, тувчы,
Тэрыб кок,
Йöктан кытшö,
Татчö лок!
Кыкысь оз ков тшöктыны,
Коді кужö йöктыны.
Киö дзоридз босьтам,
Хоровод ми вöсьтам,

Гудök шы кө кылам,
Йöктігтырйи сылам.

Гажа хоровадын
Нимкодясьом содö:
Сьöлөм вылын долыд
Кокни бордъя долыд.
Коді кужö йöктыны,
Сылы оз ков тшöктыны:
Тувчы, тувчы,
Тэрыб кок,
Йöктан кытшö,
Татчö лок!
Кыкысь оз ков тшöктыны,
Коді кужö йöктыны.

Колип-колип...

Муса ичöt колипкайöй,
Лунвывланьö лэбзян кор,
Ылі муын, саридз сайын
Чужанінтö тэ эн ёр.
Чужан мулөн,
Дона мулөн
Шоныд сьöлөм,

Мелі сыв.

Колип, колип,

Тёлыс коляс —

Сылам тувсов

Сыланкыв.

Кор тэ, колип, гортысь мунін,
Вежсис ывлавывлөн сер:
Пемдіс войыс, дженьдіс луныс,
Бөрдіс енэж, кисьтіс зэр.

Кор тэ, колип, гортё воин,
Турун-цветён эжсис му.
Сэки, югыд тувсов войын,
Кывтіс нюмъялігтыр ю.

Чужан мулён,
Дона мулён
Шоныд сьёлём,
Мелі сыв.
Колип, колип,
Тёлыс колис —
Сылам тувсов
Сыланкыв.

Сюрук

Мёсным еджыд сюра,
Нимыс сылён Сюрук.

Сюрук овлө шуда,
Колльбада кө лудё.

Дөзьөрита бура,
Сета ва и турун.

Иирсянінысь каяс —
Иёвсё уна ваяс.

Пёта чёскыд йёлысь —
Унмовся ме вёлысь.

Катшыс

Батькөд вёравлывлё сійё,
Корсьё тулан, увтё ур,
Парма ягысь пётка кыйё —
Сыысь пелькыс мөд оз сюр.

Лэчыд синма,
Сюсь да ён,
Катшыс нима
Миян пон.

Понйёс виччыся ме сэки,
Кытчөдз вёрысь оз во бать.
Сэсся Катшыс ворсас мекөд —
Исласигён кыскас дадь.

Лэчыд синма,
Сюсь да ён,
Катшыс нима
Миян пон.

Дорйё сійё, коді ичөт,
Овлё сэн, көн челядь тыр,
Төв и гожём керка видзё —
Гусьён некоді оз пыр.

Лэчыд синма,
Сюсь да ён,
Катшыс нима
Миян пон.

Бадь пу пöлян

Быдтор кужысь пöльöй
Вöчис бадь пу пöлян.
Шыыс ылöдз кылö:
Колип ногöн сьылö:
Чив-чив-чив да
Ту-ту-ту,
Садьмы вөр-ва,
Садьмы му.

Асывнас ме чечча,
Эжва дорö лэчча.
Лэчыд пöлян горсьыс
Аслам лолöй ворсö:

Чив-чив-чив да
Ту-ту-ту,
Садьмы вөр-ва,
Садьмы му.

Пöлянойлөн гөлöс
Вуджö мөдлапөлөдз,
Лэбзьö ылö-ылö,
Качö ыллö-ыллö:
Чив-чив-чив да
Ту-ту-ту,
Садьмы вөр-ва,
Садьмы му.

Төлöй, төлöй...

Төлöй, шаньон ло тэ,
Бушколөн эн лэб,
Чорыд, кодзыд ловтö
Пыдö-пыдö дзеб.
Төлöй, төлöй, төлöй,
Пöльышт небыд ру.
Төлöй, төлöй, төлöй,
Шонты чужан му.

Ло тэ, төлöй, бурөн,
Скöравны эн мөд,
Эн тэ гартлы турөб
И эн гудрав слöt.

Төлöй, төлöй, төлöй,
Пöльышт небыд ру.
Төлöй, төлöй, төлöй,
Шонты чужан му.
Гожмнас ло мелі,
Шонты лэбач поз.
Вотчисны мед челядь,
Быдты öмидз-оз.

Төлöй, төлöй, төлöй,
Пöльышт небыд ру.
Төлöй, төлöй, төлöй,
Шонты чужан му.

Вöсни кока истан

Лыа дорын истан,
Вöсни кока истан
Жбыръялö да йöктö,
И оз ланьтлы чöв.
Вöсни кока истан,
Миянлы тэ висьтав,
Коллялан тэ көні
Кузь да кодзыд төв?

Вöсни кока истан,
Гашкö, синва кисьтан,
Казьтылан кор парма,
Дона Эжва ю?
Вöсни кока истан,
Миянлы тэ висьтав,
Кутшöм донөн позьö
Донъявны ас му?

□ □ □

А. Е. Ванеевлөн поэзия

Альберт Егорович Ванеевлысь кывбуръяссö бура тöдöны да вылö донъялöны коми поэзия радейтысьяс — и сыкöд тшöтшъясьяс, и налөн ныв-пияныс — велöдчысьяс. Роч да мукöд кывъя войтырлы тайö поэтыс ас морт жö. А. Ванеевлөн кывбуръясын тöдчöдсьöны чужан му вöсна тöждлун, мортлөн олöм да мог йылысь джуджыд мöвп.

Коми поэт-лирик, учёной-литературовед Альберт Ванеевлысь творчествосö вылö донъялöма. Сійö — Коми комсомоллөн премия лауреат (1968 во), И. А. Куратов нима Коми АССР-са Государственной премия лауреат (1980 во), Коми республикаса культураын заслуженной уджалысь.

Альберт Ванеев кутис йöзöдавны ассьяс кывбуръяссö 1949 воын на. Сэки сылөн кывбуръясьяс «Вогöгöрся кад» да «Сиктса стадион» петисны «Том гөлöсьяс» книгаын. Водз сöвмöм профессиональной сямсö Ванеев шедöдис школаас велöдчигöн на Владилен Васильевич Крюковлөн «Удораса пионерьяс» литературно-творческой кружокын.

Альберт Ванеев медясö гижö ас сиктса йöз йывсьяс, кодьясöс бура тöдö. Тайö и Меланья Григорьевна Желева, и сиктса учительница Мария Ивановна Гнездилова.

Поэтлөн творческой сямис сöвмис национальной фольклорлөн народной традицияс вылын. Сылөн кывбуръясын тöдчö джуджыд философской мöвп. Альберт Ванеевс тырвийö поэбö шуны сонетъяс гижысь мастерöн. Коми литератураöс сійö озырмöдис «Иван Куратов», «Шондёлөн кытш», «Чужан сиктöй менам» сонетъяслөн букетъясöн. Сэни поэт ошкö коми сиктлысь чужöмбансö, олöмсö, сэтчöс йöзсö, тöдчö и аслас авторыслөн олöм вылас видзöдласыс, йöзкöд да чужан мукöд топыд йитöд.

Ме чужи сэн и нэмöс кута кольны,

Көн тöлысь улын бисерасьö лым.

Чужан мусö вылö донъялöмыс да пöся радейтöмыс, ыли Войвыв пельбессянь медся Лунвыв эрдьясöдз сійöс öттшöтш аддзöмыс тöдчöдö

Збыль, волысь куим кад
 Дзик öттшöтш тан,
 Ас Коми муын,
 Аддзывлыны поэбö:
 Кор турöбьясөн
 Дурö Воркута,
 Ухтаын тулыс,
 Леткаланьын — гожöм.
 Дерт, тöдсаджык тэд
 Вой тöвъяслөн сям,
 Но здöвöль овлан
 Аслыд вичмöм шудöн:
 Öд тэнö мыськалö
 Печора-мам
 И дзор Урал
 Ки пыдöс вылас кутö.
 Лым шебрас улын
 Куйлысь чужан му,
 Со кымын бур пи
 Шонтö тэнö, кымын...
 Да-й вой тöвъяссö
 Парма кö эз кут,
 Сэк, гашкö, вöли
 Ыркыдджык и Крымын.

Альберт Ванеев лирикалысь пасьтасо да джуджтасо, сылөн поэтической видзодласлысь аслысполбелунсо.

Коми му зэв топыда, унаторйон йитчёма став странакод, мукод ыли муяскод. Пось кывъясон сийо шыодчо Коммуса Кудымкар дино, нимкодясьо Карпатса зарни арон, сэтчос мелі шондион, Днепрлон джуджыд кыркотш вылын мовпало Тарас Шевченколон олан туй йылысь, откодяло сийос Иван Куратовлон судьбакод.

А. Е. Ванеев поэзиялон шор туйвизыс — войнаборса да ония кад йылысь и кыпид, и майшасяна серни. Сийо ошко веж пармаын уджалысь йозос, войвывса мича вор-ва, нимкодясьо мортлон духовной сотомлунон. Поэтлон лирической геройис зильо сиди овны, мед эсько унджык бур вочны войтырыслы. Татшом мовп чужо «Ас вочом полян», «Мед йозыс чайтоны» да мукод кывбурьяс лыддьом борын.

Поэт косийо, медым эсько морт вермис портны олмо ассыс став бур косийомьяссо, быдонкод отмос пользуйтчис му выв озырлуньяснас, а кутшомко сям босьтом борын востис олмас мыйко выльтор да такод тшотш и важьсыс бурсо, толксо эз вунод.

«Быдмоны, пример выло, мян инженерьяс, доцентьяс, а бур воралысьяслон лыдыс пыр этшаммо», — гижо поэт «Ворса грамота» кывбурын. — Но од тайо медся важ профессияыс и талун на вывти колана да пыдди пуктана,вайо народлы озырлун, нимодо чужан мусо Стефан Пермской кадеянь на, гашко.

Войтырос гогорвоом, на дино сибодчом — пыр воли поэзиялон медшор могон. Лосяло тайо и А. Ванеевлон творчестволы. Нимкодясьо мортыс, кор казялома лым вылысь зэв нин важон аддзывлон гижод да ондз на со куто сийос вежорас.

Лоий шудаось, донаяс,
Быд лун лоас мед праздник!

Лирической геройис радло, мый му вылас олони татшом йозыс, кодьяс и мукодлы везйоны бурсийом.

Котъ кыдзи эз босьтчы гижны морт йылысь поэт, кутшом йозос котъ эз паныдавлы олмас, некор некодос эз дивитлы ни эз коритлы, а пыр сьломсяныс кыскис бур, ерта сернио, мед кылдны сийос ловнас.

А. Е. Ванеевос поэзо шуны квайтымынод воясса поэтон, буретш сэки сюрис сылы ыджыд сямыс, но сылон абу орма йитодыс и война кадея поколеннеыс поэтыаскод — А. П. Размысловкод, В. И. Елькинккод, В. П. Латкинккод да мукод гижысьяскод, кодьяс сетисны олмнысо Родина вюсна. И, тыдало, сы вюсна сийо сиис тайо йозыслы уна бур кывбур, статьяс, научной уджьяс. Ванеев пыр зилис пыдисянь тодмавны поэт-фронтовикьяслысь олан да творческой туйяснысо да тодмодис аслас уджьяснас коми лыддысьсысьясос.

Ванеевлон поэзияыс поэзо аддзыны уна народной заповедьяс, сы лыдын и христианскойясос, кодьяс кылдоны сылон геройяслысь духовной вынсо, а сотом поэзияыс и аслыс авторыслы отсало венны став сьокылуньяссо, кодьяс сылон олмын эз этша вовны.

Мод мыджод, кодэ оз сет кусыньтчыны сьокыд кадыасо — наука. Альберт Егорович — литературовед, а борья кадэ тшотш и энциклопедист, Россияса Наукаса академиялон Коми научной центрын веськодло «Коми республика» энциклопедия гижысьяс котырон. А мод ногыс **од оз** и вермы лоны, мед тайо кыв кутана уджысыс сулалис бокын поэтучёной, кодэ бура гогорвоо да тодо республикалысь материальной, политической да духовной озырлуньяссо, ачыс оло сийон. Энциклопедия — политической удж сы вюсна, мый лоэ петкодлома Коми край, сэтчос йозсо тырвийо ашор история да оланнога войтырон. Оні оз нин ков повны, мый тайо уджыс вермас кусны, кыз куслис комынод вояс шорын, кор энциклопедия лосьодысьяс повстысь унджыксо мыжтог мыжалисны да пуксьодалисны. Энциклопедия ношта петкодлыны кутас Коми мулысь чужомбансо ставнас — экономика, культура,


общественной олоҥ кыдзи войдөр, сідзи и өні. Тайо кум тома изда-
ниеыс лыддысьысылы — дзик быдөнлы — збыльыс лоо козинөн, отса-
лас адзыны воча кыв ставтор вылас, кодос өні уналы и корсынсо
некытысь. Наукан пыр сьокыд шуны медводдза кывсо, лоны босыт-
чысьон. Ванеев кутчысьо сэтчө окотапырысь, повтөг.

Поэзиян Альберт Ванеевлөн медся ыджыд авторитетон лоо И. А.
Куратов. Та йылысь висыталö сьлөн «Иван Куратов» ыджыд поэмаыс,
кодос гижом выло поэт пуктис уна вын, кад да сьолөм пöсьлунсо. Уна
поэтыяслы да исследовательяслы Ванеев вермис эскөдны И. А. Кура-
тов творчестволөн талунья да ставнас коми поэзия выло вывтй ыджыд
тöдчанлун йылысь, сы выло, мый Куратовлөн поэзия — коми поэзиялөн
зэв зумыд подув, кодлы и донсо сетны он куж. Альберт Егорович лыш-
кыда юксьо аслас мөвпьяснас да тöдöмлуньяснас ёртыясыскөд, том
гижысьяскөд, учёнойяскөд, кодьяс сөмын на сувтöны асланыс туй вы-
лө. Сийö гөгөрвоо, кутшөм сьокыд овло мортлөн медводдза босытчө-
мыс, да пыр дась сетны отсөг, но оз сөмын кывйөн и делбөн тшöтш,
кор на веськөдліс Пионерьяслөн да велөдчысьяслөн республиканскöй
дворецын литобъединение кружокон да «Молодежь Севера» газет бер-
дын том йöзлөн литобъединение кружокон, Коми республикаса том ги-
жысьяслөн быд вося семинарыас нуддигөн. Альберт Ванеев лöсьöдліс
«Коми поэзия» антология роч кыв вылын, мукөд исследовательяскөд
тшöтш лöсьöдіс да редактируйтис кум том «Коми литература исто-
рия».

Альберт Ванеевлысь кывбурьяссö вуджөдöма мукөд войтырлөн
кывьяс выло да йöзөдöма Россияса да рубежайса журналъясын да
книгаясын. Сийö и ачыс петкөдлö водзмöстчөм, мед эськө унджык коми
гижысьяслөн произведениеясыс веськалісны мукөд кывья лыддысь-
сьясыслы. Сідз, 1980 воясын сийö чукөртис кывбурьяс коми поэтыяслысь,
кодьяс дорйисны Украина. Книгаыс петіс Ужгородын. Харьковын пе-
тіс А. П. Размысловлөн «Зоряница» книга.

А. Е. Ванеев водзö нуөдö коми гижысьяслысь традиция сы йылысь,
мый олоҥ, история, мортлысь психология научной тöдтөг оз позь лоны
гижысьон, мед көть и бура тöдан литература теория, сылысь законъяс,
правилöяс. И кымын ёнджыка гижысь тöдчө кызд литературовед, кы-
мын вылынджык, научнойджык сьлөн гижөдьясыс, сымын бурджи-
кось, лыддысьянаөсдджык лобын и поэтической книгаясыс.

Альберт Ванеевлөн творчествоыс эскөдö, мый поэтлы колö кужны
вайөдны народлысь кывсö лыддысьысылөн вежөрөдз сөстөмөн, медым
сийö шонтис сылысь сьолөмсö пöсь кывйөн, веськыдлунөн, мичлунөн.
Татшөм мөвпөн и оло да уджалö аслас произведениеяс вылас тайо
авья мортгыс.



Кык керка костын

ПОВЕСТЬ

1

АБЪЯЧОЙСЯНЬ комын верст лунвылынджык, Пожёма ю дорын, эм нейджыд посёлок, кодос ю нимнас жё и шуёмаось, сомын роч ногонджык: Пожемаон.

Водзти тайо вёли ичотик грезд, сэтшомыс Коми муын уна, а кодыр котыртчис лесопункт, грездыс и нюжаліс ю пёлоныс вель ылөдз. Оні татчос йөзлөн став олөмыс йитчөма вөркөд. Тані весиг начальной школа абу — велөдчысьяссө мотовозон новлөдлөны Усть-Лузаөдз; татчос магазиннн вузасьоны сомын нянь-солөн; важиник амбар кодь клубын вежоннас отчыд-ө-кыкысь овлө кино; йөктыны том йөз котралөны Усть-Лузаөдз; вит верстыд налы абу коласт!.. Быд керка весьтын вылө-вылө чургөдөмаось усъяссө талунъя олөмлөн пасыс — телеантеннаяс.

Пожемао Турышев воис лоөмтор бөрас аскинас, министерстволөн оперативной машинаон. Сійөс зэв нин ёна виччысис районса угрозыс-кысь оперуполномоченной Саша Юркин.

А лоөма Пожемаын со мый. Пекничаө, сентябрь кызь отикөд лунө, посёлокын вөлөма көлысь: тепловозса машинистлөн том отсасысь Пётр Жгилев да лесопунктса бухгалтер Анастасия Дегтярева гижсьө-мабсь. Көлысь рытнас Жгилевъяслөн суседкаыс, Айбабина, аддзөма пывсян дорысь Иван пиыслысь шойсө: кодкө сутшкөма сьөлөмас пуртөн. Көлысь — көлысь и эм: ставөн сэн юсьөмаось — и эз вөв кокни районса прокуратураысь следовательыслы төдмавны, көні да кыззи куйліс шойыс пывсян дорас, весиг стөчмөдны кадсө, кор Айбабина сійөс аддзөма.

Судебно-медицинской экспертлөн актысь Турышев лыддис: «Виө-маыс вөлөма ёна код. Мортыс кулөма пырысь-пыр жө, сы вөсна мый ёсь бытшканторйыс буретш сьөлөмас веськалөма...»

Көлысь вылө корөмъяс пиысь некод нинөм оз төдны, нинөм абу аддзылөмаось, абу кывлөмаось, либө нинөм оз помнитны. Вот тэныд и свидетельяс! Иван, шуөмны унаон, Иван и эм, зыксысь-тышкасысь морт. Торйөн нин сійө эз лөсявлы дядьыскөд, та йылысь посёлокын быдөн төдөны. Да и көлысь дырйи Иван пыр кодкөкө да видчөма.

Дядьыс, либө кызд тані, Луза вылын, висьталөны, сёрайыс — комплексной бригадаон веськөдлысь, уджач пө да прамой морт. Сійө луннас жө, пекничаө, Лоймаын кодкө пышйөдөма автомашина да талялөма кык мортос, кодьяс кулөмабсь больничачө вайөдтөдз на. Квартал помын кык татшөм лоөмтор — райотделса начальник Ардышевлы абу козин: коть нырнад мусө гөр, а төлысь помөдз аддзыны колө да йөртны дзескыдинө морт виысьяссө. Со и ковмис корны отсөг вылө министерствосыс оперативникөс. Ёстисны лейтенант Турышевөс... Кузя зэрөм бөрад туйыс вөлі лөк, и мунісны дыр. Со и Пожема. Сувтисны **магазин** дорө. Турышев чеччис машинаысь и сэк жө ёрччыштіс, мыйла эз сапөгась, брөднисө буретш вөлі дасьтөма чери кыйны лөсьөдчиг-кежлө, но триньөбтіс телефон, и ставыс вуніс...

УАЗ-сө Турышев пыр жө бөр мөдөдіс карө: кызд нө манитан, он кө төд, кор на помасьяс следствиеыс, коді, позьө шуны, эз на и заводитчы?

Юркин-кутшөмкө төдсалысь корөма сапөг-гөз, и сыщикъяс мөдөд-чисны векни көрт туй мудөд сайө, көні тыдалісны посөдокса мукөд керкаысь торйөнджык сулалысь кык керка.

Кык керкакостса картупель градъяссö öта-мöдсыс потшöма. Öшинъяс улас — палисадникъяс: Айбабинъяслөн штaketниксö коркö важöн нин турунвижöн краситлöма да краскаыс вушйöма, сыри-леткиöн öшалö, а Жгилевъяслөн штaketникыс югыдлöз, неважöн на мавтöмаöсь, югъялö. Öти кильчöсянь мöд кильчöбöдз, картупель градъяс вомöн, тыдалö кок туй сёртас, кодi кытшовтö важиник пывсян дортi, вуджö завор вомöныс и лажмыда кыпöдчö — сёртасыс, тöдöмысь, бурөн-ладөн олысь суседъяс костын медся дженъыд туй.

Буретш сетысь, көн сёртасыс бергöдчö пывсянлань, и аддöма Айбабина пивсылысь шойсö. Иван куйлöма кымыньбөн, чужöмнас васöд картупель кор чукурö лясöмөн, а еджыд нейлон дөрöмыс ставнас кöтасьöма вирөн...

— Со танi,— Юркин сапöг нырнас вөрзöдлiс кор чукурсö.— Асывнас ме локтi, кор ёна нин зэрис. Тойтöма нин вöли местаыс,— öд йöзыс мыйта вöли, да кодöсь,— ставныс öтчукөрөн и ызгысьöмны татчö, кор кылöмны Айбабиналысь «Виисны!» горöдöмсö. И мыйлакö код йöзыд пыртасын шойсö Жгилевъяслөн посводзас. Сэни и куйлис, кор ме локтi.

— А дядьыс кöлысь вылас вöли?

— Батура? Висьтасыс, мый сёрөн локтöма: манитчöма Усть-Лузаын, көнi тöдсалы пач тэчöма. Гортас подөн воöма, вежсьöма да сöмын сэк кöлысь вылö мунöма, а сы бөрся некымын здук мысти — готырыс, кодi и аддзас Иван писö.

— Батураыс инö и пач тэчысь?

— Кужö лö, шуöны.

— А кодкöд Иван Айбабин зыксьöма пызан саяс?

— Мишö дядькöд. Электрик Жукöс тадз ставөн шуöны. Сийö жö и кинемеханик.

— Мый нö налы вöли юкны?

— Мый эськö налы юкны да... Иванлы Мишö дядь — арлыд сертиыс — пöль туйö лöсялö. Но вывтi эжи-межи морт вöли Иваныс, Владимир Николаевич, садь юрөн кö, нöшта на терпитны позянкöдь, а вина войт кö вомас сюрас, и каттысьö быдөн вылö. Кöлысь вылын ёна, дерт, юис... Юсялöны тан ставныс — усьнырöдз, кöть быд кöлысь вылö милицейскöй нарадөн во.

— И мый, волывлiнныд кытчöкö?

— Эг. Ме прöста сiдз шуа, пример вылö.

— Стöчджыка: кор Айбабина шойсö аддзöма?

— Кызь куим час да комын минутö, артмö. Дас минут сэтчö-татчö, абу унджык. Медсясö Батура висьталöм серти.

— Но, а Айбабинаыс мый шуö?

— Сыкöд сьöкыд на сёрнитны...

Айбабинъяссян найöс Сашакöд казялöмаöсь нин. Некымын нывбаба мунисны на дортi Жгилевъяссян суседас, кианыс кодлөн дозмук, кодлөн мый, и Турышев вежörtтöг эз коль: дасьтысьöны кодрасьны. Сийö думыштитiс, мый со öни татчöс шойна вылын, верст кык сайын, буретш суйöны гуö кызь кык арöса зонмöс, сылы эськö овны да овны на му вылас... Лои шог.

Айбабинъяслөн кильчö вылас петiс кузь тушаа старука, улö кöрталöм сьöд чышъяна. Сийö вель дыр дзоргис чышъян увсянныс налань, видзöдiс, кызд Турышев да Юркин тэрыба восьлалöны Жгилевъяслань.

— А иллюминацияыс кутшöм!— шензъыштитiс Владимир Николаевич, кор матыстчисны лöз штaketник дорö. Да, дзик кильчö дорас сутшкöм кузь потш вылын сярвидзис, гашкö, витсö ватта лампочка.— А лампочкасö, тöдöмысь, кöлысь кежлас и нюжöдöмаöсь.

— Да, Жук вöчöма, мед гöстъясыс эз сконъясьны, кильчö содийс зэв крут да.

— Кутшöм тöждысьысь, кутшöм шань морт эсийö Мишö дядьыс... Жгилевъяссылы абу-ö рöд?

— Тöдса.

Турышев бергöдчылис сийö местаас, кытысь Айбабина аддöма

пныслысь шойсö, татысянь эз тыдав, пывсяныс сайöдö. А сьöд чышь-яна старукаыс со век на дзоргö талань...

— А мый нö Айбабинаыскöд, висьмис?

— Ог гөгөрво, Владимир Николаевич: шогсьыс, буди, вежорнас торксьыштис, сөрö.

— Торксян...— броткыштис вомгорулас лейтенант.

— Протоколъясыд сьорсьыд, Саша ёрт?

Районса сыщик тапкöдыштис ки пьдöснас полевöй сумкасö:

— Ставыс тан!

— Сумкаыс... батыдлөн?

Юркин гөгөрвотог эз коль, мый карса ёртлөн сьөлём вылас ньöти абу дольд, дасьпырысь кутис сёрнисö:

— Батьяссиянь пиянлы эстафета, да... Баткөд тайö сумкаыс вöли война чöжыс... и нöшта комын во, кодыр баткөй бригадиралис колхозын. Öни мекöд со, олöмсö тшыкöдысьясöс корсьö.

— Тэ... кутшöм вося?

— Ветымынöдся. А мый?

— Кор тэ чужин, ме сöмын на жö детсадйö ветлöдлi. Гөгөрвоин?

— Кыдз эг,— серöктис Саша,— да öд тi начальник, министерствоыс со. Кылöй оз бергöдчы тэасыны да куш нимнад шыасыны.

— Вай век жö вичасям сöмын свидетеляс дырйи, Саша ёрт.

— И мыжалан морт дырйиыс,— содтис Юркин.

— Ок, вывтi на ылын миянлы тэкöд мыжалан мортöдзыс!— ышловзис карса сыщик.— Вай ветлам контораад да ме бурджыка видлала сэни протоколъястö. Нинöмла на öни татчö пырны, мед кодрасьöны. Кытчö нуöдан?

— Лесхоз контораын эм менам жыр-кабинет,— сэтчö.

...Владимир Николаевич ошкыштис Юркинöс: первой допросьяссö протоколируйтöма вöли лючки-бура. Көнсюрö сöмын орфографияыс абуджык ладөн-а. Да öд протокол абу висьт... Жаль, мый дас кыкнан свидетелыслөн висьтасьöмъясыс вöлины дзик öткодьöсь сы юкөнас, көн сёрниыс мунис Иван Айбабинöс виöм йылысь. Збыль вылö некод, ни öти морт, абу висьталöма нинöм. Сöмын: «...ог помнит», «...ог тöд», «...эг казьявлы», «...ставным кодöсь вöлим, шумитим»... Жöникиыс, Пётр Жгилев, висьталöма, мый ...Мишö дядкөд Иван Айбабин зыкö волис пызан сайын пукалiгөн, а помкасö пö ог тöд... Со ещö öти протокол, кырымпасыс Михаил Жуклөн: «...Иван öд кутшöм мортыс вöли? Абу эськö лöсьыд кулöмасö лөкөдны, но шуа: зэв лөк морт вöли Иван Айбабин, кучик улö пырысь пытш кодьөн, асьсö вылö пуктысьөн, фуфло, а видзöднысö — форс да фасон! И век блатнöйөн көсейс асьсö петкөдлыны».

И нöшта öти протокол лыддис Турышев, көни кырымпасыс вöли: Жук. Сöмын — Геннадий Михайлович Жук.

«Ме ывла вылö петавлiгөн пемыд посводзас кывлi, кызд Иван Айбабин кодкөдкө пиняяс. Некумынөн вöлины, кыкөнöс ме гөлөс сертиыс тöдмалi — лузаса зоньяс, а мукөдсö — эг. Косясьны эз косясьны, а увгисны öта-мöд выланыс. А сэсся ме нинöм ог тöд, керкаас пыри да унмовссьöма».

— Саша ёрт, Геннадий Жукыс шань Мишö дядьыслөн пи?

— Да, пи. Шоперитö лесопунктын. Сийö и збыль дыр узьöма көлысь дырйиыс, диван вылын. Öдва садьмөдöмны, мед нуöдлас юөртны лөмторсö. Ю вомөн вуджоданiнөдзыс öдва машинасö вайөдöма, сэтшöм унзиль вöлöма.

— А кодi звөнитис?

— Батура, Иванлөн дядьыс. Ставсьыс садьджык быттö вöлöма да, ыстöмаось сийöс.

— Да, бура уджалöма, көть и недыр, райпрокуратураса следовательыс, но öд сийö öни Лоймаын,— и Турышев бара ошкыштис тшöтш Юркинöс, кодлы, казьявлis нин, ошкөмыс сьөлөмсö выйөн моз мавтö. Юркин нюжöдис кабалатор:

— Ме тан список гжи, став гөстьясыслысь. Со тан, шуйгавылас —

невесталадорсянь гостьяслөн овъясыс, а веськыдвылас — жöникладор-
сяньыс. Списокам ставыс 34 ов. Стöдитчас?

— Саша ёрт, да ме колана кыв ог аддзы тэнö донъялём вылö!—
сьөлөмянь шуис Турышев.— Некодöс эн вунöд пасйыны списокад?

— Эг... Ой, вунöдй,— челядь руыс петис Юркинлөн,— Жгилевъя-
лысь каньсö эг гиж. Ыдж-джыд кань, сьöд, дзик Жгилиха кодь.

Турышев нюммуни, думыштчöмөн: «Кага на тэ, младшöй лейте-
нант Юркин!»

— Кöни «о» шыпасөн пасйöма, сідзкö, обячевосаяс,— вежөртöдис
Саша, Турышев мыш сайсянь списокас жö видзöдöмөн. Овкөд орччөн
быдөнлысь пасйи арлыдө, но кодлысь стöчасö ог тöд, скобкаö босьтй.

Сэся киритисны сэтись вивтй пöрысь йöзлысь овъяссö, а сідзжö
став тьötöяслысь, бабöяслысь, нывъяслысь — видзöдан да, списоказыс
джынвийö дженьдйс.

— А Батураöс да Мишö дядьöс ог киритöй?— юалис Юркин,—
квайтымынсьыс найö петöмаöсь жö нин.

— Кольлам... Öтикыслөн и мöдыслөн вынныс тырмымөн, мед морт-
лы сьөлөмас пуртөн сутшкыны,— шуис Турышев.

«Бытшкөмаöсь ёсь пуртөн, кодлөн кузьтаыс 16—18 сантиметр...»—
тöд вылас уси Турышевлы судмедэкспертизалөн актысь гижöдыс и
юалис:

— Саша ёрт, а ми öд öнөдз нинöм огö тöдöй пурт йывсьыс?

— Бура эськö сержант Лободакөд корсим, узкоколейка сайсьыс,
весиг юөдзыс туялй, но нинöм эз сюр.

«Унатор жö тэ удитöмыд»,— нимкодпырысь мөвпыштйс Турышев
томджык ёртыс йылысь, и быттö Сашаыс сылөн ичөтджык вок лои,
сэтшöм муса. Турышевлы мустöмөн овлө морт, кодй кывнас и кар тшу-
пас, и Мөсква стрöитас, а делöнас ачыс — дыш Иван, кодлы быд лун
Иван лун. А Сашаыс мөдарö: делöсö кодакостикö вöчöма-бергöдöма
нин, гөгөрбок мөвпыштöмөн и лючки.

— Иван Айбабин, шуан, вына зон вöлй?

— Тэ öд шой кырлан актсö лыддин,— и Юркин қыскис папкаысь
актсö, восьтйс:— Со.

— Сідзкö, тушаыс — 182 сантиметр, крепыд вир-яя. Мый нö, ста-
выс стöч: ни нывбабалы, ни пöрысьлы абу вын серти татшöм бурлак
зонмös вины.

— А кутшöм öд нывбаба на, Владимир Николаевич.

— Но-о-о... Дас көкъямыс сантиметр кузьта пуртөн мед сьөлөмö-
дзыс, öтикысь кучкөмөн,— татчö вын колö и зэв ыджыд... Да и кужан-
лун тшöтш, Саша ёрт,— содтйс, чөв олыштöм бöрын, Турышев.

Жöниксö киритисны жö списоксьыс. Весиг зэв кө мустöмтисны öта-
мöднысö зонъяс, век жö эз эськö ас көлысь вылас Пётр Жгилев ви ас-
сьыс суседсö. А суседъяс, көть и абу ёртасьöмны, но и вивтй лöгалöм-
сö на костысь некод жö абу казаявлöма.

— И Геннадий Жуклөн эм подув, мед вештыны ас вывсьыс мыж-
сö, Володя,— первойсь артмис жö сэся прöста нимнас шуны ёртсö
Юркинлөн,— быдөн öд öтмоза висьталöны, мый узьöма диван вылын.

— Сöглас,— сыладор сетчис Турышев,— вай лыддыам, мый петкөд-
лö Жук, шань дядьö Мишöныд. Ага: «Ме көлысь вывсьыс мунй мукөд-
сьыс водз, сы бөрти, кор менö увтыртйс Иван Айбабин. Лоöмтор йыв-
сьыс ме тöдмалй сöмын асывнас, кор садьми гортын и висьталйс гö-
тыр». Зэв эскöдана кывъяс эськö, Саша ёрт, но кольлам, лючки-бура
тöдмавтöдз: кор, стöчджыка, мунйс да кытчö мунйс. Батура йывсьыс
бура жö колö тöдмавны: кор воис Лузасьыс, дыр-ö гортас вöлй, кор-
джык көлысь вылö воис? Мыйла, абу кө мыжа, Ивансö виисны, и кызд
эз казаяв шойсö, öд пывсян дортйыс жö мунöма, сэтй и вит-дас минут
мысти гöтырыс мунас, кодй и шояс зурасяс. Батура кө ачыс абу мыжа,
то Ивансö виан кадыс — стöч сйö вит-дас минутөн Айбабина верöс-
сьыс сёрнджык петйс гортсьыс да воис пывсянөдзыс. И мян первой

мог — тѳдмавны стѳча, буретш кутшѳм кад кежлѳ вичмѳ тайѳ вит-дас минут кадколастыс.

Юркин видзѳдѳс сылы вом вылас, дасъ чепѳсѳйыны местасъыс быд здукѳ.

— Списокын нѳшта кольѳны кѳкъямыс том зон, ставныс ѳн вой-тыр. Тѳ найѳс тѳдан?

— Да, джын ѳѳзсѳ тѳда.

— И кутшѳмѳсь найѳ?

— Абу бур козин. Шуам, Валерка Бызов ѳтнас кутѳ райотделны-мѳс, сысянь быдтор позьѳ виччысьны. Но кызди морт — ем пыс дон оз сулав. Зыктѳг оз чеччы, шумтѳг оз вод. Кѳлысьѳдзыс кык-ѳ-куим лунѳн водзджык на, Абъячайса клубын кодлыськѳ чужѳм-рожасѳ разьѳма, но райотделѳ нѳйтѳмасыньныс заявление эз вайны.

— Мый нѳ либѳ лелькуйтчанныд Бызовыскѳд?

— Да ѳд абу сѳйѳ медся ыръянитысьяс лыдас, Владимир Николаевич, а сѳдзсѳ ми сѳйѳс некымыныс нин кыв кутѳмѳ кыскылим: коньѳр сирѳта улѳ лѳччысьяс, элясьны пондас; гыжтѳмыс пѳ век мыжа, менѳ пѳ сѳмын и адзанныд... А пѳрысь бабыслы овны оз сет, ѳѳзлы век жѳ дѳсадитчѳ, а асланыс абу ѳйѳ, юрсѳ стенѳ оз швачѳд!

— Уджалѳ?

— Удж вылас пѳ бульдозер моз мыркѳ, садъ юра кѳ быттѳ. Но садънас омѳля и овлѳ. Верманныд юавны: мый вылѳ юѳ? Удждон босъ-тас — ачыс юѳ и рѳдвужсѳ, ѳртъяссѳ юктѳдас тшѳтш. Бырѳ сьѳмыс — кодкѳ мѳд сѳйѳс юктѳдас, «бур мортъс» тай сѳтшѳмыслы сюрѳ.

— М-да, синмѳ шыбитчана морт Бызов Валерий.

— Энлы, тѳдмасын да мый на сѳк шуан, — кесѳѳдлыштѳс Саша.

— Но, а мукѳдыс кутшѳмджыкѳсь?

— Цветков — Бызовлѳн «адъютант», а со тайѳ — культура керка-ысъ баянист, дас вит лун кежлѳ ѳтчѳд веськавлѳс жѳ. Но, а Иван Смолен — прамѳй морт, жѳникискѳд служитѳмны ѳтлаын, другъяс.

— Мыйла нѳ кѳлысь вылас корис сѳтшѳм люки-буки мортсѳ, кызд Бызов?

— Невестаыслы ылысса рѳд лѳѳ. Но, а Пожемаысь кыкѳнсѳ да Усть-Лузасыс мѳд кыксѳ ме ог тѳд, улыс складын пѳ, шуѳны, уджалѳны и быттѳ уджач ѳѳз-а.

— ѳни миянлы медся ѳна колѳ тѳдны, кодъяс посводзас зыкисны. Вежѳртан?.. Лыдды со татѳ, Саша ѳрт.

— Но, лыдди.

— Рытѳдзыс тѳ инѳ лузаса зонъясыскѳд сѳрнитан, а ме тани вет-лѳдлышта, кывзысьышта. Эз ѳд став олысьыс кѳлысь вылын вѳвны, сѳдз? А сиктын либѳ татшѳм неыджыд посѳлокын, шуѳны, и майѳгыс пеля.

— Есть! — честь сетѳс Юркин да мунѳс.

Турышев кольччис ас кежас да кутѳс мѳвпавны. «Кодсянь заводитны?.. Айбабинаѳс ѳни он кор, он дѳнзьѳд. Сѳмын на писѳ дзебис. Сѳсся Жгилевъясѳ волѳма тшук кежлѳ кѳлысь заводитчигас да мунѳ-ма верѳссѳ виччысьны. Унасѳ оз висътав. Да и ачым на морт моз кѳсья уджавны, ѳѳз шог кылѳмѳн.

Мишѳ дядькѳд нинѳмла жѳ тѳрмасыны, став сертиыс тѳдчѳ — збыль шанъ морт. Иван Айбабин зыксъѳма пѳ сьѳкѳд, но быд шубѳм кыв-сьыс он жѳ сутшкы сьѳлѳмѳ пуртѳн!.. Ладнѳ, босътча Батурасынъ. Иванкѳд абу ладмѳмаѳсь: мыйла? Мый шуас Иван ѳылысь дядьыс? И кодѳ сѳйѳ сѳтшѳмыс ачыс, Батураыс?.. Ковмас корны мортсѳ кодра-сянѳсыс...»

Турышев чеччис улѳс вылысь, мед ыставны кодѳскѳ Батурала, но...

Но виччысьтөг өдзөс гурйы воссис. Порог сайын сулаліс нывбаба: латшкөс тушаа, неуна кызіник, олөмакодь нин, кусөм видзөдласа. Сьөд чышъяныс усьөма сьыліас, кельыд чужөмыс пыктыштөма, син гөпъясыс вөйөмаось.

— Ті милициясьыс ыджыд мортыс?— комиён юалис, веськодя моз.

— Да.

Нывбаба пырис, пуксис өдзөс дор лабичө.

— Төдны көсьянный, коді Ваняөс... виис?

— Да.

— Эн корсьөй морт виысьөс... Верөсөй виис, Ванялөн дядьыс.

— Ті... Айбабина?— медбөрти, шеді кылыс шемөсмөм Турышев-лөн.

Нывбаба кыв ни джин сэсся эз шу, а паръясыс кутісны тіравны. Сійө шытөг бөрдзис. Лейтенант пуксис ськөд орччөн лабич вылө.

— Анна Васильевна... Менө шуөны Владимир Николаевичөн, овөй Турышев. Ме төда: тіянөс ышөдны меным нинөмөн... Ті кыланьныд менө, Анна Васильевна?.. Ті шуиньныд, мый питө виис верөсыд, Батура... Мыйла ті сы вылө грекуйтанныд?

Нывбаба сыркъялыштіс, сэсся чышкис синъяссө, пыктөм ныр-вомсө.

— Сійө виис... Сэсся некод... Горш вылас пуксьөм лыөн вөлі сылы Ванюкөй... Абу өд аслас, нем жалитны.

Турышев вешйыштіс: нывбабасянь вывті ёна өвтіс сьөкыд вина дукөн.

— Мый нө, абу рөднөй да, та вөсна виис?

— Сійө, сэсся некод,— Анна Васильевна шуис тайөс эскөданаа. Турышев кутіс юасьны, кор да кызди Батуракөд төдмасьліс да важөн-ө найө семьяөн олөны, кутшөм өтувъя төждъяс налөн вөліны, радлунъяс да шоглунъяс.

— Радлунъяс... Кутшөм радлун вермас лоны морткөд, коді оз куж нюмъявны... Шоглунъяс... Оти шогыслы колө лоны-а, мөдыс да коймөдыс асьныс воөны,— сөмын и шуис гөгөрвоны позьянасө Айбабина, а водзө сёрниис джөмдіс, и лейтенант эз төд, мый вөчны.

— Анна Васильевна, уськөдөй төд выланьныд... Көлысь водзвылас эз-ө вөв на костын зык либө кось?

Айбабина сувтіс, матыстчис Турышев дінө дзик матө, шөпкөдөмөн, өдзөс вылө өтарө видзөдлывлөмөн, кутіс тэрыба висьтавыны:

— Пуртъяссө ме дзеблалі... Ставсө дзеблалі, чер-пиласө и... Чайті, оз адззы... Адззөма тай, юр вундысь, морт виыс!

Турышев вылө видзөдіс збыльсь йөймөккодь морт. Татшөм код мортгылөн кывъяс серти протоколтө он гиж... Кыдз кужис, сідзи и бурөдіс коньөр нывбабаөс, сэсся колльөдіс өдзөс дорөдзыс.

Дас вит минут мысти сы водзын пукаліс Батура — вынйөра, сөнөд мужичөй, шөркодь тушаа и сэтшөм гөрд чужөмбана, кутшөм овлө мортлөн, коді уна уджалө ывла вылын. Ропкысьөм баньяссө вөлі мольыда бритөма; вомыс топыд, вөсни льөбъяса. Гежмөм юрсисө сі на сі шыльөдөма, мед дзебны кушмөм юр пыдөссө. Сылы позьө вөлі сетны ар 45—50.

Турышев висьтасис, коді сійө, сэсся протоколө гижис став коланаторсө да өлөдіс пөръясьөмысь.

— Пөръясьөмыс өд биа өгыр вылын көмтөг сулалөмкодь,— шуис Батура, кырымпас пуктігөн, мый нин ылөдчыны...

— Василий Васильевич, меным колө төдмавыны не сөмын ставсө, мый да кызд вөлі көлысь дырйиис, но и сідзжө, кутшөмджык морт вөлі Иван, кызд олінныд ас костаныд?

Батура чөв олыштіс, герчкыштіс скөрысьмоз пиньяснас, но воча-видзис век жө лөня:

— Ог көйы лёкөдны кулөмаөс, но тіяны өд колө төдны збыльсө... Сьөкыд өбичаа морт вөлі Иван, асьсө вылө пуктысь, груб сёрниа.

Ертасьом менам сыкөд некызд эз артмыв: вежөгтис менө мамыс динө, көть верстыө зон нин вөлі, школа помалө, кор ми Аннакөд өтлаасим. Босьтисны армияө — радлі: локтас гортө тыр вежөраөн, гөгөрвоас мыйкө. А воис да сөмын лёкджык на лои. Ме сылы өти кыв, сийө меным кызьбс. Кисө ме вылө лэптыліс өтчид.

— А ті?

— Ме тайöstө сямма жө,— эз соссы Батура, видзөдліс следовательлы синмас, стөчмөдіс:— Тулыснас, өтчид...

— Ладнө, Василий Васильевич: груб, кывзысьтөм вөлі Иван — тайө ставыс сямсө петкөдлө. Ещө мый содтанныд?

— А дась нянь сөйөмыс нө лөсялө этатшөм дылдалы?.. Ладнө, армиясы воин — гуляйтышт, кыв эг шу. Но сэсся дзикөдз сылы вылө пуксыны — тайө нө кызд шусьө? Ті эн думайтөй, ме көть вит татшөм Иванөс верда, верма на, но өд и сылы сөвеститчыны жө колө?

— Иваныс нө некөн эз уджав?

— Видліс. Улыс складө пыравліс рабочөйөн. Нель төлысь мыркис, мудзис. Ленинградө усйысис, ме пө сэн матросөн инася! Загранциаті журъявны кута, мичаа пасьтася! Эн ошйысь, мися, чөскыд юк-ваөн, чериыд кө на ю пыдөсас! Быттө ваө видзөді: воис бөр дөмаса гачөн, кум урөн зептас. Мыйкө и вайис кө, то сөмын блатнөй сылан-кывъяс...

Турышев поліс, мый ковмас юасыны Батураөс вывті вежавидзөмөн уна поснитор йылысь, мед торпыригьясысь вөчны кыв көртөд, төдмавны збыльсө. Но Василий Васильевич ачыс, юасьөмъяс виччысьтөг, сёрнитіс восьса сьөлөмөн, кызд тай енлы эскысыс висьтасьлөны поплы. Весиг деливө неуна лои Турышевлы татшөм восьсалунсыс.

— Василий Васильевич, вот ті дзонь олөм нин олінныд; кызд ті асьныд чайтанныд! Мыйла Иваныс татшөмөн вөлі?

Батура перйис зепсыс папирос, лойыштис сийөс чайвиж чуньяснас.

— Кызд нин шуны... Помкаыс өд быдсяма овлө... Вит арөссянь батытөг, шуам... Да и мамыс со... Ми Аннакөд кор өтлаасим, Иван дасөдын нин велөдчис... Ме и сідз, ме и тадз — эз, зонка некызд эз сибав ме дөрө...

— Гөтырыдкөд он жө лөсялөй?

— Алкоголичка жө Анна! Вөлі өд сийө тан, адззылінныд!.. Ме сы ордын патеруйті, сэк быттө сийө эз на юысь нывбаба вөв. А кор Ивансө армияө босьтисны, сэк вельмөмөн пондіс юны.

— Посклоннөйджыка та йылысь, пөжалуйста.

— А мый и висьтавыс? Водзджык гежөдика вөвлі жө: локта удж вылысь, гөтырөйлөн синмыс гудыр. Бабаяскөд, шуас, тыртчыштім. Помкасө тай век адззасны. А сэсся коркө и кывсыны кутіс сы вылө йөзсянь элясьөм. Яслиын няняліс, неөтчидысь пө сулісны челядыслөн мамьясыс код юраөн. Но, видиштасны, Анна көсийсыс водзө не юны, эскасны, а вежон-мөд мысти бара вунөдас көсийсысьөмс...

— А ті, кызд нө тисө терпитінныд?

— Да кызд? Вөрысь локта — гортын пач ломтытөм ни шыд путөм, а Анна либө узьө либө шландайтө көнкө, көть корсыны пет.

— Зыкө вольвлінныд?

— А кызд эг. Первой кадсө сөмын бурөн зіли, мися өд, бур кылыд лытө йитө, лёкыд — чегө. Каитчас, синваөн прөща корас... Да недыр кежлө вежөрмылас... Вөлі и велөдышта: а кызд мөд ног? Ак да мый сэн: бур баба — овмөс кутысь, лёкыс — олөм кисьтысь.

Батура перйис мөд папирос, өзтіс, шпуткыштіс.

— Василий Васильевич, а өні зэв-зэв поклоннөя — пекнича рыт йылысь: кор, стөч кутшөм кадө ті воинныд гортө Усть-Лузаысь. Кадсө казытөй кызд позьө стөчджыка, кор, мый, көні вөчинныд. Лузаас ті дыр вөлінныд?

— Асывсяняыс. Пекничаө ме отгуд босьті, корисны. Лузаө пач тэчны да. Помалі делөсө, кадыс вөлі өкмысөд вылын рыт. Пемыд нин вөлі. Ширяев, но, кодлы тай пачсө вөчи, сулея пунктис, кызд пөлагайт-чө. Пукалыштім сыкөд час джын кымын, и ме мөдөдчи гортлань,

шпальяс кузя. Вит километрасо час кыкөн локті, эг этшаджык: пемыд өд, и абу шыльыд туй. Да, збыль, гортө пыри и радио висьталіс кызь куим час, тутнитіс и. Гөтыр гортын вөлі, юрсө кресталөм ки вылас пуктөма, вугралө. Мый нө, мися, пөттөдзыд нин көлысясин? Нинөм пө, шуө, тайө пө менам делө... Но, инө, тэнад кө и тэнад. Мысси, вежси. Мунан он?— юалі. А сійө эз вочавидз.

— И дыр-ө ті мыссинныд, вежсинныд да сёрнитінныд тадз?

— Часі вылө эг видзөдлы, но минут кызь лоис. Куритчышті на. Нөшта юалі, бара эз вочавидз. Сьөлышті да өтнам и мөдөдчи Жгилевьясө.

— Кыті?

— Кыдз сідз — кыті?

— Туй кузя?

— Мыйла? Кыдз и век, весьтас, пывсян дорті.

— Эн паныдасьөй Иванкөд и эн казявлөй сійөс?

— Да эг жө, гражданин начальник, эз на вөв сәні Иваныс! Еджыд дөрөмсө ме эськө и пемыдас казялі!

— Водзө, кывза тіянөс.

— Жгилевьясө пыри, а сән ыджыд тшын-бус. Пуксьөдісны, «штрафнөй» кисьтісны. Но, сёрни-басни, кыв-ворныс ставлөн вөсьсөма нин, и сэк пырө Анна, лөкысь горзө «Виисны!» Ме «штрафнөйсө» эг на удит юны, кор сійө воис.

— Тайө здукас коді тіянкөд вөлі пызан саяс?

— Пөрысь Жгилева, вомаліс на менө: мыйла пө тэ, суседушка, воин көлысь помас?.. Белых гозья кургисны. Да, Генка Жук ныргорөн узис диван вылын... Код нө нөшта? Ага, счетовод Аня пуксьыштіліс здук кежлө, сэк буретш танцуйтісны да, шойчыштіс, буди.

— Но, а жырьяс коді вөлі?

— Йөзыс жыр тырыс вөлі. Өти пырө, мөд петө. Нывьяс гармонистсө корөны: брейк пө давай!

— А зоньяс?

— Эк, төдны кө водзыв, ставсө эськө төд вылө сюркнялі.

— Бызов Валерий вөлі?

— Абьячойса тай? Э-эз.

— Иван, эз жө вөв?

— Да бытбөкөнөс эз.

Да, став серти төдчө: Батура веськыд морт. Сөмын өтиторйө, думнас, крукасис Турышев: кызд кокниа, пырмунігмоз, сьлөн шусис «гражданин начальникыс». Ичөттор, но век жө, век жө... Он көсий да мөвпыштан, мый мортыс пукавлөма, и абу этша, йиджтысьсөма кө тадз шыасөмыс юр вемөдзыс. И нинөм дивитанаыс абу сыын, мый Батура өні нервничайтө, өд допрос — допрос и эм, и мөвпалө сійө өні сөмын: кызди бурджыка вочавидзны быд юалөм вылө, а кыз шыасыны — та йылысь нин эз и думыштчы. Абу өд йөй морт, гөгөрвоө, мый Ивансө виөмын эм помка грекуйтны сы вылө. Допроссө заводиттөдз на Турышев юалөм вылө: вөвлі-ө коркө суд улын?— Батура вочавидзис: эг пө. Ковмас инө министерствоысь юавны Батура йылысь... Кыдз сійө шуис?.. «Пөрьясьөмыд — биа өгыр вылын көмтөг сулалөм кодь...»

3

Кабинетас сынөдыс вөлі овтөм керкаын кодь, васөд да пөдөма. Зэр кобис, өшинь сайын югзыштіс. Турышев өна көсийс куритчыны, казяліс, мый кольөма өти сигарет, ковмас инө ветлыны татчөс лавкаө. Неылын өд.

Лавкаса джаджьясас — нәмөвөйся кабачкөвөй икра да посни частик, да нөшта сулеяясын «Экстра» да чернила рөма «Вермут», кодөс код төдас кутшөм адын пуөма ачыс дявөлыс. Тайө донтөм, мортсө травитысь винасө вылө доньялөны милициялөн клиентьясыс. Мыйысь өд вөчөны. Кывлан тай: кутшөм чериыд, сэтшөм и юквайд.

— «Шипкасё» мянё оз и вайлыны, а «Беломор» пекничаё на помасис,— юэртис оломакодъ нин вузасьсы, кодi халат улас пасьталом пальтоён и уджалис».— Вёрын олам, а кос пес абу, улыс сёмын чискё,— норасьштит нывбаба. Сийё пыр и гёгөрвоис, мый Турышев абу татчёс морт. Сьёлөмсянныс вёзйис:— А ти нянь нёбёй, он кантчой... Мянё кодкё райцентрян кё либё весиг карсян локтас, век некымын тупнёс няньсё нёбё, аскөдныс нуны. А мый? Онi некөн нин татшөм няньсё оз пёжавны, кызд Лузаын: пачын, под вылын. Он жё өткодяв карса няньдкөд, исыштöй: дукуыс кутшөм! Неважөн вайисны, шоныд на. На, видлөй, ме шөрышта аслым нёбөм тупөсьсы.

— Аттьё...

— Аттьёнад вомыд оз юмовмы,— серөктис шань вузасьсы.

«Эк, дворечын эськё тэныд вузасьны, талана да сьёлөма морт,— мөвпыштит Турышев,— «Универсамын» либё ЦУМ-ын, ГУМ-ын! Небось, ни өти пырысьсё нёбасьтөг бөр он лэдз, нюмнад вольсалан, бур кывнад шебралан...» И видлис няньсё.

— Аттьё, гортö мунигөн нёба, быть.

— А дыр-ө танi оланныд?

— Кыдз делөс помала.

— Аннаыс жаль! Онi сийё, коньёранушкай, дзикөдз вошас. Со өд, смертьыд оз бөрйы, пөрысь-ө том.

Вузасьсы, дерт, төдö нин, кодi Турышевыс, кутшөм сылөн танi делö. Весиг и мый коми морт,— эз тай виччысь юасьём, пондис варовитны комиён. «Коми чужөмөй ли мый?»— гажа лои сыщиклы.

— Анна Васильевна тшөкыда зелльёсö нёблө?— юалис.

— Быд лун. Жаль Аннаыс: верөсыс өд зэв йөз кодъ, а...

— А пныс?

— Ставныс найö, пиянным, онi көсийоны аснаукөн овны...— ылөсас вочавидзис нывбаба.

Магазинö пырисны велөдчан арлыда кык нывка, шөпкөдчыштисны. Вузасьсы быттё эськё и көсийс на сёрнитны Турышевкөд, но сийö босьтис кык пачка «Невские» папирос да петис ывла вылö. Саша Юркин оз на регыд во, и удитас на сийö сёрнитны пөрысь Жгилевакөд. Айбабиньяслөн медматысса суседка, ас керкаас медыджыд көзяйка,— сийö, дерт, путьмас мыйкө висьтавын. Колö сылысь юасьны Жук йылысь, а то кызкө век на сiдз артмö, мый Жукыс быттё кодкө мыш сайысь өдва тыдалö. А син водзад петö и петö эсийö Валерка Бызовыс, код йылысь Юркин Лузаын сёрнитас сэтчөс зоньяскөд. Интереснö, кутшөм выльторьяс ваяс-а.

Турышев эз и казавлы, кызди мөдөдчис узкоколейкалань. «Старука Жгилева онi, дерт, суседьясас»,— думыштит, но восьлалис водзö. Конкретной материалыс вöли этшаник на, мед ставсö гөгөрбок лючкибура мөвпавны-артавын, но тыдалана нин вöли татчөс олан серпасыс: Айбабиньяслөн семьяын ладмытөмлуныс, этайö Валерка Бызовыслөн да сы гөгөрса зоньяслөн олан сямныс. И накод орччөн— чөв олысь, шань морт, киномеханик Жук, кодi и винаөн вывтисö оз дур, и быдөнлы буртор вöчны зильö.

Мед эськө. Шуласны тай: бур вөчөмысь пö каета оз босьт. Но кöлысь вылысь сийö петёма мукөдсьыс водз, со мыйын делбыс... А сiдзсö танi юсьёмабсь вывтi; вина юөмыс чума висьём кодъ лөма. Мыйта преступление овлө кодалигөн-гажъялигөн!.. Ас кильчö вылас, юрсö өшөдөмөн, пукалис Батура. Турышевс сийö буди эз казав. Турышев сувтит, кывзысьштит: вöли чөв-лөнъ. Батуракөд вылысь паныдасьны эз вөв окота, и сийö бергөдчис Жгилевьяслөн дзирьялань. «Со татi катисны посводзö Иван Айбабинлысь сьөкыд шойсö кöлысясьсыяс, перилөясö инмөдчалөмөн и өта-мөднысö тойлалөмөн, и тайö шуштөм серпассö бура югзёдiс витес ватта лампа... Онi сод тшупөдьясыс сөстөмөсь, төдчö, мыськөмабсь вуштөмөн... Татчö өд вейталис Иван Айбабинлөн вирыс...» Мыш сайын тшөлкнитис калич. Ляпкыд өдзөсас сулалис сьөд паськөма, гырысь лысера старука.

— Мый нö сулалан?— скөра киргыштит.— Вай пыр! ♪

— Ме чайті, ті сэн, кодрасянінас.

— Мый ме йӧз шог вылӧ синмӧс чашкӧда? Отсышти неуна — мясянь и тырмас. Со ӧд, притчаыд век коклябӧрад вӧтлысьӧ: внуклӧн кӧлысь торкис; суседка писӧ кадтӧг муӧ суйис... Ладнӧ, ладнӧ. Пыр, локтін кӧ нин. Корӧм гӧстылы пӧ чӧдъя рок, а кортӧм гӧстылы — нӧйтӧм бок, но тэ меысь эн пов, пыр.

Турышев пырис кӧзайкаыс бӧрся. Пытшкӧсас вӧлі сӧмын ӧти жыр, но зэв ыджыд, и пачыс вӧлі важ нога, сідз шусяна роч пач. Пусянінсӧ торйӧдӧма пу вежӧсӧн; мӧд сэтшӧм жӧ вежӧс торйӧдӧ узыланінсӧ. Джоджыс мавтӧма, югъялӧ, и Турышев думыштіс: эз жӧ ӧд кӧлысь бӧрас нин мавтны? Он тай шу, мый тані йӧктісны-жуисны некымын дас морт?! Пыран ӧдзӧсӧдзыс жыр кузьтаыс плаввидзӧ мича джодждӧра. Старукаыс казавтӧг эз коль, мый Турышев оз лысьт тувчыны порог дорсяныыс, да шыасис:

— Сапӧгтӧ пӧрчы, нйӧтсӧ керкаӧ эн пырт!

Жырйыс югъяліс сӧстӧмлунӧн: выль шпалерӧн стenas, выль мeбельӧн. И сӧмын ӧтитор тан вӧлі колян нэмсянь: важ модаа шкапгорка. Зарни киа сиктса морт коркӧ вӧчлӧма, тыдалӧ, сӧ во сайын!..

— Мый нӧ сэтчӧ синтӧ сувтӧдін? Кула да шыбитасны,— старукалӧн гӧлӧсыс вӧлі стрӧг и кесйӧдлысь.

— Интереснӧй шкапыс да. Татшӧмыд понда ӧні карсаяс йӧйталӧны.

— Карад мыйысь оз йӧйтавны да... Пуксы. Мый сӧрниӧн воин?

«Абу тай старука, а отставкаӧ петӧм полковник. Тайӧ мортгыскӧд он кӧсйы да лоӧ видзны субординация»,— тӧд вылас тшупис аслыс Турышев.

— Кыдз нӧ тӧянӧс ыджӧдлӧны?— юалис.

— Евдокия Асикритовнаӧн ыджӧдлӧны бур йӧзыс. Тэ инӧ милицейскӧй жӧ лоан, паськӧмыд штатскӧй-а?

— Да, Евдокия Асикритовна. Ме лейтенант Турышев, Владимир Николаевич. Меным колӧ тӧдмавны, кодӧ да мыйысь виис Иван Айбабинӧс.

— Сідзкӧ, Айбабинъяс йылысь и кутан менӧ юасьны.

— На йылысь и, кӧлысь йылысь и.

— Юась.

— Первой, Евдокия Асикритовна, Жук йылысь. Киномеханик тай. Сійӧ тӧянлы абу рӧд?

— Кутшӧм инӧ рӧд? Ми — татчӧс коми йӧз, сійӧ — ылысь волӧм морт. Абу сватъяс весиг. А сідзсӧ Михайлӧыс — быдӧнӧс пыдди пуктысь морт, буртор век зильӧ вӧчны, кӧть кодлы. Быдтор вылӧ морттуя. Мастерыд тӧдчӧ удж сертиыс. Казялін, времянкаыс кутшӧм? Сылӧн удж.

— Да-а, кужӧмлуныд — озырлунысь бурджык,— нюжӧдыштіс Турышев, ладмӧдчис пӧрысь ань сӧрниӧ,— а ті коринныд сійӧс вӧчны?

— Сійӧ тай и шуа: эг! Аддзи, а сійӧ ноксӧ нин. Мый нӧ, мися, Михайлӧ, тані зӧлян-вӧчан, мый нӧ старайтчан?.. А гӧстыясыд, шуӧ, мед кокнысӧ эз чеглавны, мед гажӧдчисны бурджыка. Мый нӧ, мися, енсянь инӧ тэныд отсӧг бур делӧын. Пыравлы, мися, мянӧ, ыджыд гӧстыӧн лоан.

— А мыйла сійӧ муніс ставсьыс водз, он тӧдӧй?

— Тэ инӧ и тайӧс нин тӧдан? Иван... Со ӧд, мортӧс и кулӧм бӧрас бурӧн он казты... Омӧль слава — омӧль смертысь на омӧльджык, да... Ӗбӧдитіс Михайлӧӧс, ӧна ӧбӧдитіс. Ме Михайлӧӧс кухняын аддзи: тӧралӧ ставнас скӧрысла, шуалӧ, нэм пӧ ме ог вунӧд Иванлысь ӧбидасӧ. Ок, кызд ме эг кӧсйы корны Ивансӧ кӧлысь вылас. Да ӧнія томъяс ӧмӧй кывзасны пӧрысьсӧ? Петякӧд тшӧтшъяяс, ӧглаын быдмисны-ворсісны, кызд пӧ он кор? Сӧрниті Иванкӧд, мися, эн тшыкӧд Петялысь кӧлысьсӧ кампужитчӧмнад. Кӧсйысис. Да кӧн сэн! Кӧин гӧнсӧ вежлӧ, а пиньяссӧ оз.

— А мый на костын вӧлі, посклоннӧйджыка шуӧй, пӧжалуйста...

— Ачым эг аддзывлы, эг кывлы, уджыс вӧлі юр выв тыр... Моны-

ой, Настасья, бѳрас нин висьталіс, мый Иван Микайлѳс вачкѳма.

— Вачкѳма?..

— Вачкѳма-ѳ, тойыштѳма-ѳ, ачым эг адзыв да пѳрйѳдлыны тѳнѳ ог кут. Кывтѳ ѳд лѳдзан да бѳр он кут.

— А Настяныд ѳні кѳн?

— Настасья? Лузаын, Дегтяревьяс ордын. Бать-мамыс ордын инѳ.

— Жукыс зѳв вѳлі код?

— Э-эз, Микайлѳ ѳнасѳ оз ю, мера тѳдѳ.

— И кор нѳ Жукыс петіс ті ордысь?

— Батюшко, ме ѳд часі вылѳ эг видзѳд. Но эз нин водз вѳв. Буди, дас ѳтикѳ матысмис...

Евдокия Асикритовна Жгилевакѳд Турышев пукаліс зѳв дыр. Унатор пѳрысь ань висьталіс суседьяс йылысь, казьятыліс Иванлысь быдмѳмсѳ.

— Кымынысь ѳд Анналы шулі: син да син колѳ пийд бѳрся, мед эз юсьы! Кутшѳм рок ѳд пуан, сѳтшѳмѳс и панялан!.. Оз вѳлі лѳсяв велѳдѳмѳй, правдайтѳ писѳ: Ваня ѳд оз ю, сѳрѳны йѳзыс. Сѳрѳны... Битѳг тшын оз овлы. Кѳтъ эськѳ-й сідз шуан: и ракалы аслас кагаыс мича. Ой да мый ѳні, Иванѳс он ловзѳд, Аннаѳс он тѳлкмѳд. ѳнія том йѳзсѳ ѳд пельѳдныс кыскѳны став бурас, а найѳ опшиян да куканьяс моз пыксьѳны, да-й бать-мамныслѳн велѳдѳмыс налы веськодь...

Мунтѳдзыс Турышев юалис, эз-ѳ вошлы налѳн кѳлысь луннас пурт, и пыравліс-ѳ налѳн пывсянѳ следователъ? Пурт пѳ эз вошлы и некод бѳкѳвѳй морт пывсянѳ эз пыравлы... Сѳк Турышев корис пыравны пывсянас ѳні, ськѳд ѳтлаын, да видзѳдлыны пывсян пытшкѳссѳ.

— Важѳн нин ломтылінныд?— юалис Турышев.

— Четвергѳ, буретш кѳлысь водзвылас. Ставным и мыссим. Ме медбѳрти ветлі, петѳм водзам на мыськалі пѳлѳксѳ и, джоджсѳ и.

Пывсян колаас пыран ѳдзѳсас некутшѳм томан ни иган эз вѳв, сѳмын пу калич. Колаас пельѳсын сулаліс пѳслаян машина; стеньяс пѳлѳн вѳлі кык лабич. Стеньясыс вагонкаѳн кышѳмаѳсь; пачыс вѳчѳма сідз, мый ломтысьсѳ коласяныс: сідзкѳ, пывсянас оз пыр некутшѳм чѳг-ѳг, да и колаас гортын кодъ шоныд. Пывсянас пачыс еджыдѳн мавтѳма. Да, му вылас бур олысьяс Жгилевьясыс, дышѳн он нин шу. Кѳзьяйка тшѳлкнитіс выключателъѳн, и ѳзыис сѳ ватта лампочка. Турышевлы синмас шыбитчис пѳлѳк весьтас стѳнѳ пьськѳдѳм тшын петан розъ, кодѳс век позьѳ восьтыны, мед вежны пывсян сьнѳдсѳ. Розьыс вѳлі буретш сыладорсянь, кыті кытшовтѳ пывсян дортіыс сѳртасыс...

Друг старука шлопвартіс кияснас:

— Адѳй, адѳй, код нѳ тазьяссѳ со тадзикѳн тѳчис, ѳтиксѳ мѳдѳ сюялѳмѳн? Ме ѳд идрасигам со тадз тѳчлі,— и Жгилева тѳрыба пукталіс тазьяссѳ стѳн пѳлѳн.

— Гашкѳ, Настасья моньыд да, асногыс тѳчаліс?

— Мый тѳ, батюшко, Настасья тан эз на пывсьывлы.

Жгилева, тѳдѳмысь, мыйкѳ вылѳ тувччис, кокыс бертовтчис, и сійѳ кутчысис пѳлкиас:

— Енмѳй-господьѳй, да тайѳ нѳ мый нѳшта?..— копыртчыліс и кыпѳдіс джоджсьыс кузьмѳс сьѳдтор.

— Тьпу, тьпу, чѳрт гай нѳ вѳлѳма! Пывсянын чѳрт туплясьѳ!— и Жгилева нюжѳдіс Турышевлы аддзѳмторсѳ.

Тайѳ вѳлі пластмассѳвѳй чѳрт Мефистофель, сійѳ видзѳдіс сы вылѳ гѳрд рубиныс вѳчѳм синьясѳн. Чѳртлѳн пельяс кѳстас вѳлі кѳрт кольча, и Турышев гѳгѳрвоис, мый тайѳ брелок. Пластмассасыс вѳчѳм брелок, кутшѳм эм уналѳн, сѳмын со синьясыс... Татшѳмсѳ оз вузавны, татшѳмыд — ас вѳчѳм.

— Гашкѳ, Петырныдлѳн зѳпсьыс уси да?

— Некор Петралѳн чѳрт эз вѳвлы, а то эськѳ казьявлі.

— Вай ме бурджыка джоджсьыс видзѳдла, а ті — пѳлкияс вылысь. Гашкѳ, кольчаыс сюрѳ, либѳ нѳшта мыйкѳ?

Турышев и збыль тагѳс дорсьыс аддзис кольчасѳ. Эз кѳ сійѳ нюкыльтчы, и брелоксѳ эськѳ кодкѳыс эз вошты.

— А ті, Асикритовна, нинѳм сѳсся эн казялѳй?

— Эг, батюшко лейтенант, эг. Ставыс сѳсся асланым и быдтор ас местаын.

— Ковмас, инѳ, Евдокия Асикритовна, аддзѳмторсѳ протоколѳн оформитны, а ті та кості юасьыштѳй гортсаясыдлысь, гашкѳ, кодкѳ тѳдѳ: кодлѳн тайѳ Мефистофельс, либѳ, гашкѳ, кѳть аддзылісны, коді пывсянѳ пыравліс. Миянлы ок кызд колѳ тайѳс тѳдны.

...Вѳлі нин сизим час рыт, кор Турышев помаліс счетовод Анечкаѳс юасьѳм. Анечкалѳн висьталѳмыс Батуралѳн шуѳмысь эз торъяв. Батура да гѳтырыс вѳѳм костын кадколастыс, Анечка висьталѳм серти, эз вѳв дас минутысь унджык. Батура пѳ вѳлѳма спокойнѳй, лабутнѳй, кызд и век, сѳмын мый абу варов, гашкѳ, мудзѳма да. Либѳ шѳйѳвошѳма мыйѳнкѳ, вермас лоны... Пызан вылѳ пуктѳм брелоксѳ Аня эз кѳ и казав-а.

Ѳшинь улын тутѳстіс машина, контораѳ пырис пельясѳдзыс нюм-видзысь Саша Юркин. Сійѳ синмаліс Анечкаѳс и тшѳгѳляйтѳмѳн моз прѳйдитчис жыр кузя.

— Товарыш начальник!— нимкодя шыасис сійѳ, кызд сѳмын ныв петіс,— быть колѳ убѳлитны ниманнѳѳ Бызов Валерийлы! Зонъяс присяга улын петкѳдлісны, мый сэн, Жгилевъяслѳн посводзас, вѳліны и Бызов прохиндей — «адъютантскѳд»; и Бызов, вѳлѳмкѳ, грѳзитѳма Иван Айбабинлы, кватлалѳма сійѳс дѳрѳм морѳсѳдыс... Иван пѳ Валерийѳс гоз-мѳдысь буриндзика тувкнитѳма баялѳбѳжнас стенѳ, веситѳ пѳ найѳс вынѳн торйѳдісны. Нинѳм,— шуѳмны,— тышкасьѳмѳн кѳлысьсѳ торкны... Зонъяс ѳд рабочѳй йѳз ставныс, дѳза крепыдѳсь жѳ. А Васьякаыс, Бызовлѳн «адъютантыс»— пеж морт, Бызовлы пѳ вомас видзѳдѳ.

— А мыйысь зыкѳ вѳѳмны?

— Эз сяммыны висьтавыны. Кильчѳ вылѳ петім пѳ куритчыны, а посводзас Бызов да Иван гыр вывсянь мыр вылѳ чеччалѳмѳн нин сѳрнитѳны. Бызовыс горзѳма: «Ме тѳ кодь фрайерсѳ аддзылі, эг татшѳм блатнѳйяслысь горшѳѳ косявлы!»

— А кадсѳ стѳчмѳдін?

— Тайѳ вѳлѳма Иванѳс виѳмѳдзыс час джынйѳн кымын водзджык, Владимир Николаевич.

— Сідзкѳ, Бызовыс инѳ грѳзитѳма?

— Да, сідз. Но ѳд найѳ ѳта-мѳд водзас ышнясисны, небось, Владимир Николаевич! Ёртъясныс водзын и.

— Ладнѳ, асывнас мыйкѳ да тыдовтчас нин... Колѳ аски аслым тѳдмасны Бызовкѳд. Клубѳ пыравлѳм бѳрын ветлам сы ордѳ... Быть колѳ, быть...— Турышев планируйте нин аскиа лунсѳ.— Ѳні кытчѳ мунам, и кодлѳн машинаыс?

— Общественность отсалѳ. Нештатник менам эм, нуѳдас. А мунам ме ордѳ, мам ужын дасѳтѳма, виччысьѳ.

Абьячѳй мунігѳн бара зѳрмис. Мунісны сѳрнитѳг. Турышев думьштіс кольѳм лун йывсьыс. Унатор, дерт, эз тѳдмав, но делѳыс вѳрзис. А Юркин чѳв радліс, мый сяммис лоны бур отсасьысьѳн карса сыщиклы. Кор Турышев юѳртіс сылы брелок йылысь, мѳдыс пѳшти весь-кодя шуис:

— Гашкѳ, брелок да морт виѳм костын некутшѳм йитѳд и абу?

4

Войнас кынтылѳма, и асыв кежлас сынѳдысь кытчѳ и вошѳма став васѳдыс, и туйывьса гѳпьясыс тупкысьсѳмаѳсь волялысь йиѳн!

Пуяс ыпьялісны арся ярьюгыд мичѳн. Сѳ дивѳ видзѳдныс. Кажитчѳ, мый став му пасьтала ѳні абу ни ѳти кымѳрттор, а став муыс татшѳм со веж да виж.

Сашаяс ордын и узис Турышев, а рытнас ёртъяс сѳрѳдз пукалісны, сѳрнитісны, видлалісны делѳ кузя документъяс. Сашалѳн мамыс пѳт-

төдзис вердіс найос блинён. Сёрнитчисны, мый асывнас Саша босьтас прокурорлысь, коді воёма нин совещание вылысь, санкция да мунас Бызов ордё шобсыны, а Турышев первой пыралас культура керкаё.

...Директорыс, чангылиник ныра нывка, триньодчө вөлі балалайкаён зрительной залас.

— Позьё оз?

— Ой, извинитой...

— Ті менё извинитой. Кыдз ним-овнаныд?

— Наташа. Ой, Наталья Петровна!— нывка сероктіс.— Да абу Петровна, абу, прөстө — Наташа.

— Меным, прөстө Наташа, колё мыйсюрө төдмавны тиянлысь,— шуис Турышев, висьтасис, коді сійё да кытысь.

— Пöжалуйста.

— Колян середанас тані, йөктігөн, вөлі эз зык?

— Зык эз вөв, но вермис лоны. Бызов...— Наташа ышловзис.— Ог и төдөй, мый эсийö öшлөпаныскөд да ёртъясыскөд вöчны сэсся. Сöмын ті эн думайтөй, мый ми ог справитчөй, ми көть кызд, а öтпада налы сетам. Бурён найö оз гөгөрвоны да...

— Наташенька, а ті асьныд колян середанас Бызовсö аддзылныд?

— Ме тай и шуа! Эг сöмын аддзыв, но и горзі сы вылө. Уж-жас, мый вөлі...

— А кутшöм паськöма Бызовыс сэк вөлі?

— Сылөн паськöмыс век öткодъ: куртка, лөз свитер, виза гачсö сапöг гөлень вылас лэдзöма... Кот в сапогах!— Наташа прыснитіс.

— Ті бура помнитанныд? Он сорлалөй?

— Да ті мый?! Бура помнита: куртка кизьяссö разис, асьсö морөсас кучкалө, видчө... Медбөръя кывъясөн...

— А ті эн повзөй, прөстө Наташа?

— Уж-жас, кызд повзи. Но ог жö эрдөд повзөмөс, сы водзын...

— А коді нöшта, тійысь кындзи, Бызовлысь сэкъя кампужитчөмсö аддзыліс?

— Верочка, библиотекарным.

— Но и бур,— Турышев чеччис креслөысь,— аттьö отсөгсьыд, Наташа.

— Да кутшöм инö отсөг тиянлы мясьн?!— ёна и чуймис нывка.

— Кыдз «кутшöм»? Хулиганъяслы вöлясö он сетөй. Тайö öмөй милициялы абу отсөг? Ме ыста татчö младшөй лейтенант Юркинөс. Төданныд сэтшөмсö?— Турышев казяліс Наташалысь ыпнитөм чужөмсö да öдва дзєбис нюмсö.— Юркин протокол гижас, мед Бызовсö йөртласны дзєскыдінö...

Наташа кывзіс, докйөдліс юрнас, сэсся збоймөдчис нюжөдны кнсö:

— Аддзысьлытөдз.

— Аддзысьлытөдз, Наташенька.

Радлігтыр восьлаліс Турышев райотделлань. А радліс со мыйла: век жö, кутшöм колана да кутшöм бур сылөн уджыс, кымын шань морткөд вичмылө төдмасыны! И Наташаыс со... Колө Сашалысь синсö восьтыны, мед казялас, кутшöм нывка олб ськөд öти сиктын, кызд сійö кужö гөрдөдны нинөм абусыс, шуавны «уж-жас, уж-жас», а сьблөмнас некодысь и нинөмысь оз пов.

Турышев нюммуніс, сэк жö и көритіс асьсö: мый йылысь думайтан, сыщик? Юркин сержант Лободакөд виччысисны нин сійөс райотдел кильчө вылын. Куимөн жö мөдөдчисны совхоз гаражлань, көні уджалө Бызов.

— Бызовыс социальнө öпаснөй тип, төварыш лейтенант,— сёрнитіс Лобода,— и кытчö сöмын видзөдө общественность?

Турышев вомвежаліс:

— А ті? Кытчö ті видзөданныд?

Лобода княссö шевкнитліс:

— Да өд Бызов сөмын пакөститчө, а статьяөдз сълөн мыжыс өз кыскы.

Варовитгад казаятөг и воисны гаражөдзис. Трактор доддьө кык морт сөвтисны бөчкаяс. Отныс олома, модыс томджык. Турышев думыштис, мый томджыкыс и эм Валерий Бызовыс. Важиник курткаа, чужөмыс — юысь мортлөн. Юрсиыс кузь, резина сапөг гөленьяссө нюклялөма муөдзис. Син увьясыс лөзөсь... Бызов сулалис чөв, и Турышев думыштис, мый сийө повзьөмысла йөжгыльтчис, на син водзын быттөй ляпмуні.

Зон чышкыштис ньылөмсө и кутис дзоргыны то Юркин вылө, то сержант вылө. Юркин шеныштис сылы:

— Лэччы, Валерий, делө эм!

Бызов чеччис трактор додьсыс, педзыштис места вылас, воськовтис чукөстысьлань:

— Мый колө?

— Тайө со карысь, лейтенант Турышев, көсийө тэкөд аддзысьлышы,— шуис Лобода.

— Горгад ветлам,— корис Юркин.

Матыстчисны важ керка дорө. Йөрас — куш йөн да ёг турун, и сөмын кильчө сод дорас тэчөм запескыс казтыштис, мый кодкө тани олысь эм. Понятөйясөн корисны кык суседкабс. Керкаын вөлі пөрысь пөч, аддзис сержантөс да Юркинөс и кутис бөрдны:

— Ойя жө ойя эськө да! Кор нө енмыс босьтас менө ас дорас... Мый нө ме дорө локтанныд, йөршитөй инө кытчөкө, оз кө некодөс кывзысь...

Керка пытшкөсыс вөлі дурк. Гөгөр туплясисны чигарка помьяс, тыртөм вина дозьяс.

— Кывзөй, Бызов, сөмын эн ыстысьөй пөрысь бабыд вылө: тияны аслыныд абу зывөк этатшөм дуркасө овны?

— А мый? Юр сюянин эм да-й.

— Ладнө. Төдмасьөй постановлениеён: шобсыны колө. Ті ордын шобсыны...

Плита сайын чукөрын куйлис няйт паськөм. Сэтысь Турышев кысис еджыд нейлон дөрөм, кодлөн веськыд соскыс вөлі рудовгөрд чутьяса. Позьө вөлі думыштны: вирөсь... Нинөм сэтшөмыс сэсея эз сюр ни олан жырйысь, ни посводзысь. Турышев оформитис протоколсө, лэдзис понятөйясө.

— Дөрөмыс тиян?

— Менам.

— Кытысь вирыс? Со тай, соскас.

— Тайө вир? Ме ог төд.

— Важөн-ө пасьтавлінныд тайө дөрөмсө?

— Ме ог пөмнит.

— Ковмас төд вылад уськөдны, Бызов.

— Мыйла?

— Вочавидзөй стөча, Бызов: кор медбөрьяысь пасьтавлінныд тайө дөрөмсө? Кытысь соскас вирыс?

— Ме кытысь төда?!

— Ладнө, нинөмла кадсө весь воштыны. Мунам мянжөд, Бызов.

— Арестуйтанныд али мый?

— Олыштан дзескыдинын.

— Мый нө ме вөчи?

— Та йылысь сёрни лоас на. Сержант ёрт, колльөдөй отделө.

Турышев да Юркин петисны посводзө.

— Саша ёрт, сөтан дөрөмсө экспертиза вылө. Мый тыдовтчас — юөртасны мед пыр жө... Сэсея пыравлан культура керкаө, сэн эм рочакань кодь нывка, Наташа нима... Төдан? Вот, гижан протокол Бызовлөн сәні кампужитчөм йылысь, кырымаласны Наташа да библиотекарь. Гөгөрвоин? И, удитан кө, нуөдлы Бызовсө нарсудө. А ме тани помала кабалаяс гижөмсө, да и бабусяыскөд на колө сёрнитны.

— Есть! — көзырнитис Юркин.

Крука беддён ветлөдлысь, мулань нин быдмысь пöчыс вöлі бур вежöра на, кöть и сёрнитигас, овлö, öтиторсö кыкысь-куимысь шуас.

— Пиукöй, Миша нима, сплавын воши, кер улö сюри,— ньöжйöник висьтасис пöчид.— Кылаліс, васьыс йөрны эз и слöймыны... Моньöй, Анюта нима, шогсьыс висис-висис да во мысти кулі жö, и коли кык арöса Валя нукöй менам ки вылö. Ачым и быдті. Ичöтнас висьлöс вöлі. Эн видзöд, мый öн сэтшöм бурлак зон: пипу тай пö мича, да сьöмбсьыс сьыс. Батьыс зэв статья вöлі. Валюшöй быдмигас вывті жö рам вöлі, ты дор эжөр кодь...

Нель класс помаліс. Сэсся велöдчыныс, дитяйöй, энөвтчис. Ылö-ö бордтöгыд лэбан, шор сайö кö сöмын-а, кысь нин ю сайö... Ладнö, верді, юкталі. А видзöдны öд сы бöрся ме бурасö эг нин вермы, вынöй-эбöсöй эз ло да. А Валюша, сійö бур сьöлöма сідзсö, овлö и жаль сылы ме. И рам, сöмын мый зелльöыс сійöс тшыкөдлö-а. Менö оз öбөдит, о-оз, оз öбөдит. Пес со дзонь чипас поткөдліс öнтай... Эз, дерт, весь: пензиясьым сетны сулея вылö. Пензияй? Абу эськö ыджыд да, нянь-солөн ола. Уна-ö мем колö? Суседка йöv вайлас, а то и картофель на, а няньсö öд, пиньтöгыд, уна он и сей... Нукöй, öкаяннöй лов, öтик ур некор оз сетлы, а менсьым на видзöдö: отсав пö, бабуся, юрöй пö висьö... Мый вылö пö тэ и эм! Отсавла: жаль öд, аслам быдтасöй. Кöть катшалөн, кöть ракалөн — быдсөнлөн аслас челядьыс мича...

Ог лөкөд нукöс, ог. Сöмын тай другьясныскөд частö юöны. Другьясыс локтасны чукөрөн, сё матьон сёрнитöны, горзöны...

Челядьöй öтик и вöлі, Мишö пиöй. Да мый сэсся вöчан? Менам öн! — сöмын Валя, и сылөн став рöдыс — öтнам ме, медся рöднöйыс. Сідзсö öд небыд сьöлöма, дитяйöй менам... Кымын арöс мен? Окмысöд дас нин...

Турышев кывзис пöрысь аньöс торкытöг и öтарö чужис сы дінö жальлун, Бызов дінö — зывöклун.

5

Райотделын дежурнöйыс сетіс Турышевлы министерствоысь воом телетайпограмма: Василий Васильевич Батура пö квайт во сайын петöма колонияысь, веськавлöма гусясьöмысь. «Сідзкö, мудеритіс Батура, кор вочавидзис сэк лöж кывйөн менам юалöм вылö. Эг пö пукавлы, шуис. Но веськавлöма абу морт виöмысь... Оз быд гусясьысьлөн лыб кныс морт вылö...» — мөвпаліс Турышев.

Пуксис мича лун. Райотдел öшинь улö сувтіс узик и сэтысь петіс Ардышев. Кильчö вылö кайигөн сійö гажаа нюмъөвтис, вочаасис Турышевкөд да:

— Владимир Николаевич, бур лун! Кывлі, кывлі, мый локтін мианлы отсöг вылö. Зэв рад: век жö столицаысь сыщик.

— Алексей Фомич, да мый ті,— гөрдöдыштис Турышев.

— Шеф звöнитліс нин, интересуйтчис. Корис, мед ми отсасим тэныд. Пыр ме ордö, йита шефыдкөд. Висьталан аслад делöяс йылысь.

Турышев юөртис полковниклы ставсö, мый удитис тайö каднас тöдмавны, висьталіс, код вылö грекуйтö морт виöмысь. И брелок йылысь казтыштис.

Сёрни сертиыс тöдчис, мый полковник нинöмөн эз ошкы Турышевöс. Гөгөрвоис тайöс и Ардышев.

— Владимир Николаевич, колö вöлі Бызовыс йылысь унджык йöзлысь юасыны. А Батура да Жук?

— Батура сосис, мый пукавлöма сё нельöд статья серти. Квайт во сайын нин эськö петöма, но век жö...

— Дерт, тайö важнö... А Жукыс мый?

— Кöлысь вылас Айбабинкөд зыкö волöма.

— Допроситін нин Жуксö?

— Талун тöдмасы ськөд.

— Нöшта мыйö позьö крукасьны? — öтарö юасис Ардышев.

— Фактъяс колө корсьны. И брелок воштысьсө. Ме ногөн, тайё унатор сетас.

— Но, инё, корсь.— Майор чеччис, восьтис ёшиньсө.— Перво-на-перво ветлы да пажнайт... Чайта, матысса кык лун кежлө тэныд, лейтенант, ковмас машина.

...Райцентрса столөвөйын Турышев пуктис нин подноссө матысса пызан вылө, кор неылысь казяліс Батураёс. Сылань и матыстчис сэс-ся:

— Позьё тиян дорө?

— Пöжалуйста, Владимир Николаевич.

Батура вежорнас кыліс, мый Турышев пуксис сы дорө эз прöста. И збыльысь, здук-мөд мысти и юалис лейтенант:

— Мыйла ті пöрйөдлінын менө, Василий Васильевич?

Батура видзөдліс Турышевлы синмас:

— А кокни-ө вöлі меным шуны, мый пукавлі нин? Ошкысь кө повзылін — полан и сьөд мырйысь... Татшөм делө.— Батура лантис, чышкис ньылөмсө.— Повзи ме, да... Думышти на, нэм кежлө, мися, көвъясис сійө судитлөмыс. Он нин, тыдалө, мын, көть ангел моз нэмтө ов. Кор миянөс колонияысь лэдзисны, воспитательным шуис: вунөдөй пö важ делөястө, олөй честнөя... Шуөй меным, Владимир Николаевич, кызд мем докажитны, мый эг ме ви Иванөс?! Да, эг ладмөй ми ськөд. Да, сійөс виан кадсы и көлысь вылө локтан кадөй лөсялөны, но эг ви ме сійөс дай ставыс! Эскөй меным и корсьөй виысьсө! Докажитны сэс-ся дзик нинөмөн, а нөшта на и судимосьтөс кө,— думышти ме сэк, допрос дырйиыс,— висьтала, то өд йөртасны пырысь-пыр, кызд рецидивистөс.

— Кызд нө позьё тадз думайтны, мый ми дзик подулавтөг тиянөс рецидивисталам?— шензыштис Турышев. Батура чеччис улөс вывсьыс:

— Прөститөй, мен колө мунны.

— Аддзысьлытөдз, Василий Васильевич.

Батура мөдөдчис өдзөслань, статья и асьсө кутны кужысь морт. Гөрд синма Мефистофельсө пызан вывсьыс сійө быттө эз и казявлы. Турышев сьөлөмнас кыліс, мый тайё мортис абу мыжа Иванөс виөмын. Абу өд сійө артист, мед тадз ворсны сы водзын.

Саша Юркин виччысис лейтенантөс райотдел кильчө вылын, киас кутис кабала. Пырисны Ардышев кабинетө, көні некод эз вөв. Турышев индіс гаровтөм кабала вылө, шуис:

— Киад, дерт, судмедэкспертлөн заключениыс, көні гижөма, мый нейлон дөрөм соскас мырдгөрд чутъясыс — тайё морт вир, и вир группасыс өткодь Иван Айбабинлөн вир группакөд. Али абу тадз?

— Вот тайё да-а...— нюжөдіс Саша.

— Ставсө тайөс ме лыдди тэнад чужөмысь,— нюммунис Турышев.— Но вермам-ө ми тайө акт сертиыс збыльысь шуны, Саша ёрт, мый Бызовлөн вирыс дөрөм соскас сюрис эз көнкө мөдлаын, а буретш тайө көлысь вылас, Иванөс виингөн? Медым ми тэкөд вермим вочавидзны та вылө, тэныд, Саша ёрт, ковмас талун ёна уджавны. Сёрнитны Бызов ёртъяскөд. Отсасысь пыдди сета тэныд... Мефистофельсө.

— А врагьясыскөд сёрнитны жө?

— Кодъяслысь тай колян середанас нырнысө жуглөма? Сёрнит жө, и мед ветласны больничаө да ваясны справка, кодлөн кутшөм вир группаныс. А ме муна, медбөрти, төдмасыны шань морткөд, Михаил Жуккөд. Тэкөд бара тани паныдасям.

— Есть!

...Бөр мунны Пожемаө Ардышев сетис асьыс служебнөй машинасө. Шофёрыс, Сергей, тавося тулыснас армияысь воөм пограничник, вайөдіс сійөс зэв регыдөн, юалис:

— Кытчө сувтны?

— Культура очаг дорас, кызди тай нимтөны пожемасаяс асьыныс амбар-клубнысө.

Кызд жө сылы мойвиис! Жук дядь буретш вөлі ректө важиник

уазикысь фильм көрөбкаяс. Турышев сөмын на матыстчис, а Жук дядь-
лөн воссис нин вомыс:

— Ёк-макарёк, бара со «Ну, погоди!» ыстисны. Дерт, бур фильм,
да од кымындысы нин позыё сийёс татчө ыстыны, а?!

Шуоны, тэнад пö вынтөм киноустановкайд, плансö пö оз тырт.
Ёк-макарёк, вай меным бур лентаяс, и ме тэныд планён-джыйнён
сета!

Михаил Жук — вынйөра морт, зэв на вынйөра, пельпомъясыс —
шкап пасыта. Чужомыс — тырвыйё дзоньвидза мортлөн, алөйгөрд на.
Юрсинас төдчыштöны дзор сияс. Сийö, кызди и öнтай татчөс вузасысы-
ыс, төдис нин, кутшöм могөн локтöма карса мортыс, но виччысис, кор
Турышев ачыс матыстчас да шыасясы дорö.

А Турышев сёрнинас эз тэрмась: мед Мишö дядь вештö сёлöмсö,
мед. Увгö сийö оз скöрысла. Гашкö, сөмын Турышевлы петкөдлөм мо-
гысь: кызд сийö матö сёлöм бердас босьтö ассысы уджсö, кызд вий-
сьö сы вöсна.

— Михаил Михайлович, менам эм тиянкөд официальной сёрни,—
шыасис сэсся Турышев.

— Кывза тиянös.

— Ме лейтенант Турышев Владимир Николаевич,— сийö перйылис
да висьтылис документсö,— тi верманнид төд выланым вайöдны и вись-
тавны меным ставсö, кызд да мый вöли пекнича рытö Жгилевъяс
ордын?

— Ме сэтысь водз мунi, лөомторйөдзыс на. Мый нö ме висьтала?

— Висьталöй, мый төданныд, кызд-мый вöли тi дырйи?

Водзö сёрнитисны кинобудкаын нин. Жук шылёдыштис вар кодь
сьöд юрсисö, босьтчис висьтасыны:

— Сталбыть, тадз... Сталбыть, тадз... Ме бисö налы вöчи, ас-
сыым лампочка на сэтчö гаровтi. Вöли пемыд, ёнакодь нин гажөдчис-
ны, кор öзтi. Чукөртi инструментös, тэчи чемоданам, а Жгилиха петис,
аттьöалö, корö пырны на ордö.

— А бисö лөсьöдны сийö жö корис?

— Эз, ме ачым. Мед кокнысö пемыдас эз чегны.

— Гөгөрвоана. Водзö.

— Аттьöалис менö Жгилиха, корис пырны гөститны. Пыри, мый
нö, корöны да. Кызди и овлö кöлысь вылын: кодi йöктö, кодi сылö,
кодьяскö варгöны-сёрнитöны, а кодсюрöыс и усыыр кодöсь. Сталбыть,
пукис пызан сайö, и пыр жö штрафной кисьтисны.

— Уна?

— Гранитöм стопка тыр. Ме юи. Кисьтисны мөдös: суöd пö мя-
нös.

— А кодi тиянкөд орччөнсö пукалис?

— Со мый йылысь тi... Орччөн Иван пукалис, веськыдладорсянь.
Усьныр код нин вöли. А кор сийö вывтi код...— Жук, гашкö, ёрччыштны
весиг кöйсис, но кызкö тай кутчысис,— ок и лёк сям, ёк-макарёк.

— А уна-ö тi ставсö юиннид, Михаил Михайлович?

— Нель стопка и юи, ме öд ассыым мераös төда. Но, а Иван пон-
дiс нин асьсö петкөдлыны, матькөмөн друг ме вылö вузвысыс.

— Дзик нинöмысь?

— А мый нö, лёк, юысь мортдылы. И матькө ме вылö и матькö.
Ме сылы шуа: тэныд, мяся, водны да узьны колö, Иван. А сийö кыз
тай бергөдчыштис мелань да кучкис чужöмам! Ме эг виччысь сэтшөм-
сö, улöснам усн. Но, мяся, ёк-макарёк, вина гаг, со мый тэ керан?
Кöсйи водзöсавны, но венi ачымös, сьовзи да мунi.

— Кытчö нö муниннид?

— Гортö, кытчö сэсся... Энлөй, первойысысö менам переездланьö
кежовтсьылöма, ачым ог төд кызд. Медбөръя керка сайөдзыс мунсьö-
ма. Көдзальштi неүна да сэк вöлисти гортлань бергөдчи.

— Корджык тайö вöли?

— Верма стöча висьтавны. Буретш гортö бергөдчигам часi вылö
видзөдлi. Тöлыся вöли, югыд. Дас öтикись вöли петöма.

— И мөдөдчинныд гортаныд?
— Шуи нин: гортө. Локті да пырысь-пыр и воді. Куритчышти сө-
мын, столяркаын.

— Мыйся столяркаын?

— Но, гожся керкабн позьё шуны, аслам. Асывнас гөтырөй шуө:
Иванос пө тотшкөмны, ёк-макарёк.

— Михаил Михайлович, менам быть колө протоколөн оформитны
сёрнинимос.

— Пөрадок эм пөрадок, а кыз жө.

Турышев гижис протокол, вештіс Жуклань:

— Лыддьөй да кырымалөй, быд лист бок кырымалөй.

Мишө дядь босьтіс сылы мыччөм авторучка:

— Мыйла лыддьынысө? Ковтөмторсө од эн гижөй.

— И век жө лыддьөй. Сідз колө.

Ылысянь кабаляө дзоргөмөн Жук тэрмасытөг лыддис гижөдсө,
вом дорьяссө вөрөдыштөмөн. Кырымасис быд лист бокө, сэсса судзө-
діс «Невские» пачка, юаліс:

— А эм тіян надея, мый аддзанныд морт виысьсө?

— Колө аддзыны, Михаил Михайлович.

...Машинаө пуксигөн Турышев тшөктіс Сергейлы:

— Усть-Лузаө. Сэні ме пыра Дегтяревьяс ордө, а тэ сэтчө коран

Ширяевос.

И кыліс дженьыдик воча кыв:

— Есть!

Пётр да Анастасия паныдалісны Турышевөс кильчө вылын. Ич-
монь гозья сулалісны кутчысьбөмөн, корисны пырны керкаө. Пётр пук-
сьөдіс кортөм гөстьөс пызан сайө, ачыс пуксис орччөн, а гөтырыс вось-
ковтліс пытшкөс жырьө и петіс сэтысь подносөн, көні вөліны хрусталь-
ной графин, кык румка да блюдйын сёянтор. Пуктіс подносө пызан
вылө, ачыс пуксис мусаыскөд орччөн. Турышев корана шыасис сы
дорө:

— Анастасия, зэв кө нин тэ көсьян менө гөститөдны, заварит ме-
ным крепид чай, а?

— Дзик пыр пузьбда.

— Пётр, извинитөй, но меным быть ковмис тіянөс дөньзөдны...

Мыйсюрө стөчмөдны колө.

— Колө кө — юасьбөй.

Анастасия бара нин тан, сывйыштіс мышсяныыс верөссө, сибөдчис
сы бердө.

— Оні, лоөмтор бөрас куим лун мысти, мый ті думайтанныд: коді,
мыйысь вермис вины Иван Айбабинөс?— кыкнанныслысь юаліс Вла-
димир Николаевич.

Кыкнанныс и кугісны сёрнитны, өта-мөдлы содгалөмөн:

— Юрным бергөдчө... Сёрниясыс эськө сөмын та йылысь, но од
стөча ми нинөм ог төдөй... Иванлөн мамыс верөссө мыждө, Батураөс.
Кывлім, Валераөс арестуйтөмныд, Бызовөс... Иван, дерт, юас кө вөлі,
йөйсьыс-йөй, но од Батуракөд найө абу бокөвөй йөз, оз вермы лоны,
мед Батура, сэтшөм прамөй морт, тадз, пельөс сайын, караулитөмөн...
Пуртөн сьөлөмас... Оз, оз! Ачыс од быдтіс Ивансө!.. Со од, өтув олөм-
ным мян кызди заводитчө... Көлысь выланым мортөс винысы!

— Энлөй, энлөй! Анастасия, уськөдөй төд выланыд: кутшөм сёр-
ни вөлі Иван да Михаил Жук костын пызан саяс? Ті өд, жөник да не-
веста, вина эн юөй, садь юрад мыйкө и кывлінныд и казьявлінныд.

Гозья видзөдлісны өта-мөд вылас кызкө шай-паймунөмөн, дыр
чөв олісны, и Турышев содтіс:

— Жук кө шань, прамөй морт, то мыйысь нө Иваныс сійөс куч-
кис? Эм жө та вылө помка.

— Шань...— кывнас быттьөкө сөглас лон Пётр Жгилев, но кызкө
шпыньмуніс, и Турышев пыр жө юаліс:

— Абу өмөй?

— Шань, зэв шань... Но эсканныд-ө, ме тайөс сөмын оні, **верстьө**

мортон, вежортны кути, а ичот дырйи ме сысы мыйлако ёна поли. Ок и поли! Эз кедзвотлы мено Мишо дядь некор, но вот поли дай ставыс. И ставон, зонпосни, полим.

— А Иванос эз жо обижайтлы?

— Иванос чужйивлис, сюрас ко быттьо кок улас. Да и мено, веськыда ко нин висьтавны, неотчыдысь пельод нетшкывлис. Кабырыс Мишо дядьлон корт:

— Билетог, надейно, вולי пыранныд кино видзодны?

— Билетнас эз вов интересно да...— Петя гордодис, челядь руыс на быттьо петыштіс да,— ставным полим Мишо дядьысь.

— Мый лон Иван да Жук костын, кывза...

— Бендеровечон тай Иван сийос нимтіс, тэ по коть и небыд кывья, но синмыд кын, и челядь по тэысь полоны. Мамьяснымос верман, шуо, пюрйодлыны лебезь сёрнинад да окасыны зильомнад... Вывті ыджыд шумыс эз кыптыв.

— А Жук?

— Жук эсідз зывоктана видзодліс Иван выло, шуыштіс сомын: сит ноп по тэ, Иван. И петіс. А Иван кресталом кияс вылас юрсо пуктіс да пукалыштіс сідз, гашко, минут дас. Нином сесся лёкыс эз вов, зык ни шум. А Мишо дядь некутшом абу бендеровеч. Вербуйтчомон волома татчо.

— А-а, код мортыд од мыйсо оз сор да,— шуис Турышев.— Пётр, висьталой меным: кодьяс вוליны свидетельсон гижсиганыд?

— Меладорсян вולי Смолев Иван. Служитім отлаын, оло Абьячойын, райбыткомбинатын телемастерало.

— А меладорсян вולי Лена, нывьерттой. Сыктывкарын кооперативной техникумын велодчо. Найо Смолев Ванякод дружитоны ас костаныс... Леночка сідз бордіс, сідз бордіс, мый менам колысьой татшомон со и артмис. Суботао муніс бор каро, эз весиг пыравлы прощайтчыны.

— А Смолев колысь бораныд воліс ті ордө?

— Вולי кызко. Каро по муна, ыстоны велодчыны. Велодча по да и уна рома телевизорьяс кута дзоньтавны.

— Ладно, дона ертгяс, извинитой мено дөзмөдчөмысь. Но нөшта отитор юала. Гөстьяс пиысь некод тиянын эз вошты, брелок, Мефистофельос? Гашко, колысь борас кодко сы йылысь юасьліс?

— Горд синма Мефистофельыс?— чепосйис Пётр.— Иванлон! Ачыс и пуктіс горд синьяссө, сылон брелокыс? Важ брошкакысь перйис стеклоторьяссө да лемалис Мефистофельыслы. Амулет по тайо менам лоас... Гач воняс ошөдомон новліс.

— Анастасия, а пывсянаныд Иванос некод нинөмла эз ыстыв?

— Э-эз ко-а...— шойовошөмон шөпнитис ичмонь.— Мыйла? Коді? Э-эз... А мый но, Смоленос...

— Да, прөсто косий эсько адзөдлыны Смоленос, сетны Мефистофельос. Воштөма татшом мичатор. Татшом брелокто магазинсьыд он нөб! Ладно, лыддьой протоколсө да кырымасьой. Аттьо. Нөшта отчид извинитой. И сьолөмянь сиа тияны шуд.

Ширяев воис да висьтасис, мый пекничао асывсяныс Пожемаын олысь Батура воліс сы ордө и лунбыд тэчис сылы пач.

Райотделө туйыс кажитчис Турышевлы зэв кузьон. Сёр нин эсько вולי, но суис на сэн и Ардышевос и Юркинос. Майор лыддис выль почта, а Юркин бара нин выль вит ура моз вашьяліс-югьяліс, виччысис лейтенантос. Да, колян серөдао Бызов йөктаніно волөма еджыд дөрөмон. Тадзи шуоны и Вася Цветков, и мукөдыс. «Адьютантыс» жо и шуис, мый танцы выло мөдөдчигон найо Бызовкод юыштісны кыкөн, и вина юигас Валерка сотіс чигарка помсыс усьом пось поймнас выль дөрөмсө. А Бызов ордын шобсигас адзөм еджыд дөрөмыслон морбас и збыльысь вולי гөгрөсіник розь, сотчөм дорьяса... И выис-ө Иван Айбабинос Бызов Валерий — тайо версияыс ёна шатовмуніс.

Ардышев, вөлөмко, кывзысьо налон сёрнио, кыпөдыштіліс өчкисө да суйсис сёрнио:

— Ёртъяс, а меным тӧд вылӧ уси ӧти вӧвлӧмтор, зэв нин важся... Гашкӧ, нелямын сизимӧд воын тайӧ вӧлі, гашкӧ и, сёрӧнджык. Но ме сэки демобилизация бӧрын милиционеравны сӧмын на заводиті. Тані, райцентрын, райпо вӧсьтіс коммерческой чайнӧй. Пув сора спиртӧн сэн вузасисны, ликёрӧн сійӧс нимтісны. И ӧтчӧд Михаил Жук, сэк том мужичӧй на, трофейнӧй пуртӧн другыслысь кисӧ лыӧдзыс вундіс. Другыс, сыысь дорйысигӧн, пуртсӧ дорышӧдыс кватитіс. Но делӧсӧ ми сэк эг панӧй, Миритчисны, буракӧ, ас костаныс. Да, ӧдйӧ пузыысь мортӧн вӧлі Мишӧ Жук том дырйыныс, сыысь видзчысисны...

Турышев висьталіс ассыыс планъяссӧ и сэк жӧ телетайп пыр корис МВД-са дежурнӧйлысь, мед юасясны Елена Мысоваӧс да Иван Смоленвӧс, тӧдмаласны налысь, мый найӧ тӧдӧны Иван Айбабинӧс виӧм йылысь. Турышев юӧртіс дежурнӧйлы, мый да кыз колӧ юасны нывзонлысь.

Ардышев тан жӧ и кырымаліс порученисӧ, и Юркин котӧрӧн нуис телетайпса дежурнӧйлы. Кор Саша локтіс бӧр, Турышев шыасис майор дінӧ:

— Куим морт вылӧ ми грекуйтам, Алексей Фомич. Но вайӧ мӧвпыштамӧй: куим пӧвстысь коді сэк, кӧлысь вылас, вермис лоны пуртаыс? Дерт жӧ, Жук: ӧд сійӧ Жгилевъяс ордӧ пырис проводкасӧ вӧчӧм бӧрын, гортас ветлытӧг. А монтерлӧн кутшӧм инструмент век сьӧрсыыс, кор уджалӧ, а?

— Асывнас ме звӧнитла прокурорлы, кора Жук ордын шобсьӧм вылӧ санкция,— шуис Ардышев.

6

Жуклӧн оланіныс — мичаа кышӧм коттедж джын. Керка дорас оперативнӧй группаӧс паныдаліс зэв ыджыд пон, коді ӧтарӧ увтіс кортӧм гӧстьясӧс. Кыліс и порсь руксӧм. Йӧрыс торйӧдӧма уличасыыс штакетникӧн, потшӧс пӧлӧныс кузяла садитӧма вӧсныдык кызъяс. Уличасянь кильчӧӧдзыс пыранінсӧ вольсалӧма кирпич торпыригъясӧн, йӧрыс вӧлі пельк. Мый тані бур кӧзяин олӧ — тӧдчис быдлаын. Керкасянь бокинджык лӧзаліс гоґся пусявин, кодӧс тай Жук шуис столяркаӧн: ӧти ӧшина, шифер вевта. Весигтӧ пон чомсӧ Жук краситӧма синмӧ шыбитчана краскаӧн...

Ошиньсыыс кодкӧ вештыліс занавессӧ и тыдовтчыліс нывбаба чужӧм. Посводзын ӧвтыштіс кос тшак дукӧн. Пырисны керкаас. Быдлаын вышивайтӧм занавесьяс, салфеткаяс, сулӧкъяс, скатертьяс, ставыс чим еджыд, крахмалитӧмсыыс лӧсталӧ. Жуклӧн гӧтырыс, буракӧ, ӧна висыысь нывбаба. Вӧрасыс сылӧн нӧжмыд, а гӧлбсас рӧм ни сер. Вочавидзис быд юалӧм вылӧ тэрмасытӧг, быд кыв вылын думыштӧмӧн.

Прокуратураса следователь висьталіс ставсӧ, мыйла воисны. Чуйдіс кӧзйякалы, мый колӧ корны кык понятӧйӧс. Мария Ивановна ставтор вылас видзӧдіс веськодя. Эз шензӧд и шобсьӧмыс.

А шобсьынысӧ заводитісны столяркасянь. Пыранінсяныыс веськыдладорын сулаліс верстак. Сы весьтын тыдалісны струж, ӧжын, писькӧдчаньяс, а пӧтӧлӧк улас косьтыны пуктӧма уна ног поткӧдлӧм пуртыяс. Да, Мишӧ дядь, вӧлӧмкӧ, и столяр. Ӑшинь да плита костын сулаліс жӧчӧн кышӧм пызан, сы вылын — сьӧкыд тиски да быдсяма кӧртторьяс. Кӧрт кӧлуйыс вӧлі быдлаын: и ӧшинь вылын, и кык джадж тыр, и ставыс тайӧ кужысь-сяммысь мортлы, дерт, зэв колана.

Мария Ивановна кодзыда видзӧдіс шобсьӧм вылӧ ӧдзӧс дорсяныыс.

— Гӧгӧр пӧрадок тиян! — ошкис сійӧс Турышев, ачыс эськӧ думыштис, мый ӧдвакӧ тан кисӧ пуктыліс Мария Ивановна. Но содтіс: — Тӧдчӧ кӧзйякалӧн тӧждыс.

— Ачыс тані ыджыдыс, менӧ татчӧ оз сибӧд весиг.

— Верӧсныд тані, кӧнкӧ, мыйкӧ быд лун ноксӧ?

— Кор кыз. Колян вежоннас тай суседкалы улөсыяс дзоньталіс да быд лун тан ноксис-а.

Да, көдзыд плата вылын тыдаліс пу клеитан лем. Турышев восьтіс плата пөдансө. Пөим пытшкын тыдалісны чигарка помъяс.

— Ёна жө, вөлөм, куритө Михаил Михайловичд, дзоньвидзалун вөснаыс оз төждыс...

Нывбаба вөйпис:

— Сы нэм кежлас дзоньвидзалуныс тырмас...

Сэн жө вөлі календарыс усьөм лист. Сыөн Турышев курыштіс чигарка помъяссө, пунктис пөим дозмукө. Лыддис: чигарка помыс вөлі дас кык, буретш дюжина. Ставыс өткодь, Урицкий нима фабрикаөн лэдзөм «Беломор». И ни өтикөс абу куритөма помөдз, сөмын джынйөдзыс... Турышевлы төд вылас усис вузасысьлөн шуөмыс: вөскресеннөө пө татчөс лавкаын «Беломор» эз нин вөв. Вузалісны сөмын «Невские». Кинобудкаас Михаил Жук папироссө пыркнитіс турунвиж пачкаыс — «Невские» жө нин куритіс. Артмө, мый став тайө дас кык беломорнас Жук тшынасьөма пекнича рытнас, абу сөрөнджык. И төдчис: куритөма өти и сійө жө кадө. А мыйла нө Жукыс нинөм эз висьтав тані дыр пукалөм йылыс? «Куритчышти на, унмовсьтөдз» — шуис Михаил Михайлович кинобудкаас сөрнитігөн. Сы висьталөм серти кө, тані и узис? Быдторсө өні мөвпаліс Турышев. Сэся казалис, мый киас кутө календарыс листоксө, кодөн тай перйис чигарка помъяссө. Ага, сэні өд пасйыссьө төлыс петан и саймовтчан кадыс! Жук шуліс: «Вөлі югыд, төлыс вөлі...» Сідзкө, тайө листокас — либө Жуклөн алибиыс, либө... Көть кызд, а збыльсө төдмавын тайө кабалаыс отсалас... Нөшта өтчыд төдмала, позьө-ө Жуклы эскыны — мортлы, кодөс сідз пыдди пунктөны поселокса верстыө йөз и мыйлакө полөны челядь...

— Төварыш Саша Юркин, — шыясис Турышев ёртыс дорө, — Абъячойын эм абу поводдя төдмалан служба?

— Абъячойын ставыс эм. Аэропортын метеоплощадка и.

— Ветлам сэтчө!

— Владимир Николаевич, мыйла?

— Выйла! Гашкө, нинөм ог төдмалөй, а гашкө и, төдмалам зэв унатор.

Висьтасис прокуратураса следовательыслы, мед шобсьөны натөг, и төвзисны аэропортө. Регыд киас вөлі официальной справка, мый пекничаө төлыс петіс 16 час 49 минутын, а дзесбис 22 час 15 минутын... Аскинас, сентябрь 22-өд лунө, дзессьөма нин 23 час 19 минутын, а нөшта лун мысти — вой шөр бөрын нин, 00 час да 40 минутын!

Турышев пунктис Юркин водзө тайө справкасө да Жукөн кырымалөм протоколсө да корис:

— А өні, Саша ёрт, зэв сюся видзөдлы тайө кык документ вылас.

Саша лыддис да шутөвтіс весиг:

— Сідзкө, сөрис Мишө дядьным, а? Эз вермы сылы югзьөдны часисө пекнича рытнас кызы куйм час бөрын, а? Владимир Николаевич, мыйла сылы ковмис төлыссьө көвъявны, а?

— Көвъяліс сы вөсна, мед миянөс өнджыка эскөдны аслас веськыдлунын. А төлыссьө сійө казавліс водзджык, гашкө, часөн водзджык!

...Өні сөмын кызд позьө регыдджык колө вайөдны Жукөс райотделө. Турышев мөдөдіс Сашаөс шобсянінас, прокуратураса следовательлы кырымалөм кабалаторйөн, и кутіс виччысьны Жукөс.

Жук пырис кызкө видзчысьмөмөн, сувтіс жыр шөрас. Турышев корис сійөс пуксыны. Жук бергөдчыліс мыш саяс сулалыс кык милиционерлань, кызөктыштіс, шуыштіс:

— Сталбыть, ёк-макарёк, тадз...

Турышев лэдзис конвоирьяссьө. Жук талун вөлі дзик нин мөд: чужөмыс быгалыштөма, бритчытөм. Сөрнисө панны Турышев эз тэрмась, видзөдіс сы вылө синсө вештывтөг. Но Жук сылыс видзөдлассө терпитіс синнас лапниттөг жө.

— Мый нө... Юасьөй, ме кывза.

— Михаил Михайлович, висьталой меным нощта ӧтчуд сы йылысь, кызди ти Жгилевъяс ордысь петінныд, сы бӧрын кор тѣян вылӧ магыкис Айбабин.

Жук дивитыштис:

— Тѣян ӧд ставыс нин гижӧма... Протоколас...

— Куритчинныд гортаныд?

— А кӧн нӧ?

— Олан керкааныд, юала?

— Эг, столяркаын. Менам старукаӧй астмаӧн висьӧ да табак тшынсӧ оз терпит. Столяркаӧ муні да сэнн и куритчышти.

— И дыр сэн пукалінныд?

— Дӧза дыр. Эз узьсыс да. Думайті мыйкӧ.

— Мый йылысь думайтінныд?

— Сідз, олӧм-вылӧм йылысь.

— Михаил Михайлович, а Жгилевъяс ордысь петігӧн кианыд мыйкӧ вӧлі эз?

— Эз...— сійӧ джӧмдыліс.— Мый нӧ ме сӧра... Инструмента чемоданӧй киам вӧлі.

— Кутшӧм инструмент вӧлі кианыд?

— Став шурум-бурумыс: пассатиж, роликъяс, изолента... провод колясыс и...

— Нӧшта мый? А пурт эз али мый вӧв?

— Вӧлі... перочиннӧй,— Жук нылыштіс дульсӧ,— проводка помъяссӧ ӧд вӧлавныс колӧ, кызд сытӧг? Позьӧ тѣянлысь юавны, тӧварыш Турышев?

— Позьӧ.

— Ті, сідзкӧ, ме вылӧ грекуйтанныд, ёк-макарёк...

— А кызд ті асьныд чайтанныд, Михаил Михайлович? Менам мог — ставсӧ гӧгӧрбок, быд поснитӧрйӧдз тӧдмавны.

— Гӧгӧрвоана. Сідзкӧ, менӧ мыжданнӧй?

— Тѣян мог — висьтаваны сӧмын збыльсӧ.

— А кызд меным эскӧдны, мый эг ме, эг ме ви мортсӧ?!

— Тѣянлы тайӧс вӧчны оз и ков. Тайӧ — менам мог, эрдӧдны Иван Айбабинӧс выисьсӧ. Тѣян мог — сӧмын висьтасыны меным пӧръясытӧг. Стӧчмӧдӧй кӧть нин со мый: кор ми сёрнитім тѣянкӧд Пожемаын, ті шуинныд, мый гортад бергӧдчигӧн видзӧдлінныд часі вылӧ: кадыс пӧ вӧлі петӧма дас ӧтикысь, войыс пӧ вӧлі тӧлыся да югыд... Збыль тадзи вӧлі?

— Стӧч тадзи и вӧлі.

— Михаил Михайлович, збыль-ӧ, мый ывласӧ сійӧ здукас югзӧдіс тӧлысь?— Турышев пунктс сы ныр улӧ протоколсӧ.

— Сталбыть, ёк-макарёк... Бытьӧкӧ тӧлыся вӧлі...

— Эз вӧв тӧлысьыс, Михаил Михайлович. Со, мян кыин метеостанциялӧн справкаыс.

— Ёк-макарёк, сорласи али мый? Ме ӧд вывті кодзи сӧки.

— Куим стопкасыс? И мукӧдсянь ме тӧда, Михаил Михайлович, мый ті абу юысь морт, мера тӧданнӧй. Гӧтырныд шуис, мый шоча юаннӧй, сӧмын ыджыд праздникясӧ.

— Мый нӧ, кӧлысьыс абу праздник? Он эскӧй меным, быть кӧсьяныннӧй мыждыны?

— Ме тѣянӧс ог мыжды, сӧмын юася. Мыждӧны фактъяс.

— Кутшӧм фактъяс?

— Быдсяма фактъяс, весиг и поснитӧръяс. Шуам, чигарка помъясыс.

— Тӧварыш Турышев! Да кызд нӧ тадз позьӧ!

Триньӧбтіс телефон.

— Лейтенант ёрт, тѣянлы министерствоысь телетайпограмма. Срочнӧй. Пыртны?

— Да. Ӑні жӧ.

Дежурнӧйыс вайис телетайпограммасӧ. Турышев лыддис ас кежсыс Елена Мысоваӧс допроситан протокол копиясӧ: «Ми Ванякӧд пе-

тiм ывла вылö лолыштны сынöднас. Керка дортыс ветлöдлыштим, сувтим пывсян дорö. Буретш ёна зэрмис, и ми дзевсим пывсян лэбув улö. А öдзöсыс, вөлöмкö, абу томана. Ми и пырим пытшкöсас. Сэн ми Ванякöд окасим, и друг стен сайсьыс кылiм кодьяслыськö скөр сёрни. Ноко пö, нöшта öтчюд шу: кодi ме?! А мöдыс: недобитöй фашист пö тэ. Ме пö тэнö сёравно виа! Первойыс, кылö, шуалис скöра: ак тэ, зырым бедь, вина гаг, код вылö пö тэ китö лэптан... Мед тэ сэсса эн дзизгы, со тэныд, со... Кодкö сэсса ымöстiс кылö да сьöкыда уси. Ми ёна и повзим. Сэсса, дзик недыр мысти, друг нывбаба гөлöс кылiм: «Виисны!» Ми петiм Смоленскöд пывсянсьыс, некод мянöс эз казав. Мукöдьяскöд тшöтш матыстчим куйлысь морт дорас. Иван Айбабин вөлöма. Кодi сыкöд сёрнитiс пывсян дорас — ми эг аддзылöй. Висьтавны следовательыслы, мый ми вөлiм пывсянын и татшöм сёрни кывлiм, вöли яндзим. Мый эськö йöзыс сэк ми йылысь думыштiсны...»

Смолев висьталöма ставсö пöшти тадз жö, и шуöма, нöшта, мый Пожемаын воштöма брелок, гöрд синма Мефистофельöс. Телетайпограмаыс помасис заказнöй письмö номерөн: письмöнас райотделö мöдöдöмаöсь протоколъяссö.

— Михаил Михайлович, со меным воисны протоколъяс, эм кык свидетель, кодъяс кывлöмаöсь тiянлысь Иванкöд сёрнинитö...

Сы костi триньöбтiс телефон, трубкаысь кылiс Юркинлөн збодер гөлöсыс:

— Ме переездеянь звöнитал... Шобсигас Жуклөн мастерскöйсьыс аддзим кинжал, дзевöма вöли стенас. Кинжалыс абу ас вöчöм, вороныс дна пуысь, серпасалöма эзысь свастика. Дорышас немецкöйөн гижöд, гöгөрвои сöмын «дойчланд» кыв. Гортсьыс аддзим брезент куртка, кöнсюрö эмöсь гёрдов чутъяс. Жгилева старука шунс, Жуклөн пö курткаыс, проводкасö нюжöдiгөн тайö куртканас вöли.

— Бур. Вай ставсö татчö.

Сёрнитiгас Турышев видзöдiс Жук вылö, кодлөн чужöм вылын чепöсйис ньылöм.

— Михаил Михайлович, эз-ö сёрниным вывтi нюжав, а? Мастерскöйсьыд кинжалтö аддзöмаöсь, а гортсьыд вирöсь курткатö.

Жук ружöктiс:

— Ёк-макарёк! Кучкис öд сийö менö, пызан саяс на чужöмам кучкис. И лёк кылөн дойдiс. Дзик нинöмысь. Менö, уджалысь мортöс, а? Петi, менö тiрöдö, но вины сийöс дум эз вöв, эз... Петi, пукси кильчö дорас джек вылö, вуджöраинас... Том йöзыс уна вöли кильчö вылас, анекдотъяс висьтавлöны да вак-вак сералöны. А менам сьöлöмöй вирён пыдзрасьö, сэтшöм öбида... Видзöда, Иван кильчö вывсьыс лэччö, кок йылас öдва öшйö, код. И мöдöдчис пывсянлань, мися, асмöгөн ли, мый ли. Менö йöткыштiс джек вывсьыс, сы бöрся мöдöдчи. Мед янöдны сийöс ме вылö весь каттысьсьомсьыс. И нинöм эськö лёкыс эз ло, эз кö омöльтны кут менö,— Жук паськöдлiс чуньяссö да лэптiс кiсö чужöмланьыс.— Со этадз менö сöс кинас, нильöг кинас, чужöмам шлопвартiс. Ме сэсса нинöм ог помнит, а видзöда да: пурт киам... Ме шöйöвоши. Мый нö тайö лои, мый меным öнi вöчны? Кокъясöй асьныс и нуисны менö пывсян дорсьыс кызд позьö регыдджык да ылöджык. Вöтын моз ставыс лои, эг ас вежöрын вöв. А водзö тi ставсö нин тöданныд.

Сийö жö луннас Турышев сетiс став материалсö прокуратураса следовательлы, а аскинас прöчайтчис Саша Юркинкöд, Ардышевкöд, Лободакöд. И «аннушкаөн» лэбис гортас. Самолётсянь Турышев никодясис пармалөн мичлунөн. Мича пуксис арыс, гежöда сэтшöмыс овлö мян войвылын.

Комиöдiс. А. Ануфриева.

Ыпъялысь шонді кодъ ань



Дзоридз кодъ мича да авъя,
Вомынысь нывбаба-ань.
Ыпъялысь шонді моз пӧся
Велӧдӧ радейтны ас кыв и нянь.

Вомынысь Першинской грезд-сянь Пӧддельнойлань кайӧ вӧла. Кӧрӧба доддын том гозъя. Нывбабалӧн моздорас шоныда гартӧм ыджыд тубрас. Сы дорӧ ыж ку пась пытшкӧ топӧдчӧма ар даса нывка. Додъ нырас, киясас вӧж-жияса, ньӧр летороса мужичӧй. Нель лун сайын Оле Оне Даньшиковлӧн семьян чужис выль олысь. Максим Дарья вайис витӧд нылӧс. Онӧ мунӧны Пӧддельной вичкоӧ кагасӧ пыртны. Вежанявныыс мӧдас Ирина нывныс. Пуз чужӧм кагалы нимсӧ сетас да вежа ва пытшкӧ суйлӧмӧн пыртас поп Пётр Распутин. Вичколӧн книга серти-ыс нимсӧ сетас. Пӧддельной Троицкой вичкоса 1884 во кежлӧ метрической книгаыс: «Имя родившейся — Агния. Год, месяц и день рождения 11 января 1884 года.

Родители: деревни Першинской крестьянин Андрей Алексеев Даньшиков и законная жена его Дарья Максимовна Даньшикова, оба православного вероисповедания. Звание и имя восприемника: родная их дочь девица Ирина Андреевна Даньшикова».

Ичӧтдырся олӧмысь

Оле Оне Даньшиков гозъя пыр уджалісны видз-му вылын. Агниӧс векджык видзисны гырысьджык чойясыс: Полина, Ирина, Ыджыд Марья да Ичӧт Марья. Эз двӧйнясӧн вӧвны Марьяяс. Лоӧма сідзи, мый чужлӧмаӧсь кыкнанныс ӧти и сійӧ жӧ луно, кӧть и разной воясӧ. Святой Марья луно. Попыс Марьяӧн жӧ и нимтӧма. Шуасисны жӧ эськӧ Даньшиков гозъя, мый Марьяяс налӧн эм нин. Но попылды пань он мун. Уна семьясын тадзи жӧ вӧліны Марьяяс, Ӧдяса, Иваньяс. А нывбаба кӧ верӧстӧг кагасӧ чужтіс, попыд чурка ныв-пиянлы медся лӧк нимьяссӧ сетывліс. Даньшиков гозъя тӧдӧны: Гришинскыс Ивӧ Паладь Моторин пилы Ювеналий поп Пудь ним пуктыліс. Сідзи и олісны Даньшиковъяслӧн семьян Ыджыд да Ичӧт Марьяяс.

Быдгорйыс олӧмас вӧвлі. 1887 вося июнь. Еджыдӧдз доналӧм шонді водз асывсянныс пӧжӧ, сьӧктӧдӧ лов. Нель арӧса Агни аскоддьӧмъясыскӧд Эжва дорынӧсь. Пӧльӧдчӧны-купайтчӧны. Кӧнкӧ Эжва ю ковтысса вӧръяс дорсян кылыштӧ йиркнитлӧм. Лун шӧрлань енэжтасладорыс дзикӧдз лӧзӧдӧ. Кыпалӧ тӧв ныр. Ыпнитлӧ чардби. Агни котӧртӧ гортлань. Тӧв ныр ёнмӧ и ёнмӧ. Дугдывтӧг чардалӧ, грымакылӧ. Керка ӧшиньяс труна-транакылӧны, сыркъялӧны-тирӧны. Агни сыркъя-

лө жö, ёнджыка топöдчö мамыс бердö. Тöдлытöг керкасö йиркнитö-лэп-тыштлö. Керка пытшкö койыштö ва. Ывлаын ставыс пöрласьö, мыйöнкö чорыда кучкö керка öшиньö. Зиль-зельён киссьöны öшинь стеклöяс.

— Мамук, мамук! Гым-нöвйыс кö лыяс! Вай кытчöкö пыдöджык дзебсям.

— Эн пов. Самöвартö да рöмпöштантö вевттьöма, юшкатö пöдлалöма.

Тайö гожöмö Эжва ковтыстí мунысь ён төв ныр пöрлöдлís да вужьяснас нетшкис пуяс, лэпталís да шыблалís керка вевत्याс, жуглís öшиньяс, чорыд зэр бырöдís кодзаяс, кодйис муяс. Куим во мысти на, кор Агни чойыскöд ветльвлís оз-чöд вотны, Вомын гөгöрса вөрьясын быдлаын туплясисны пöрласьöм пуяс. Ай-мамыс да йöз казтылísны төв нырöн сынöдöдз пемöсьясöс и весигтö мортьясöс лэптылöм йылысь. Öти здукöн ойдлöмаöсь Гришинск грезд дортí визувтысь шорьяс, сьöдöдöма Рен-Неб-ю, тöма Эжва.

Татшöм казтылöмьяс бöрас Öне Агни юрсö чатöртöмөн дыр дзоргö-видзöдö енежтí кывтысь кымöрьяс вылö. Вояс кольöм бöрын, тыдалö, ичötдырсясö казтылыгөн, Агния гижлís: «Со матыстчö кымöр. Енежöдыс кывтíгтыр öтарö матысмис. Кымöр тырыс сöвтчöмаöсь зэр войтьяс. Асьныс зэв вельмöмаöсь. Кымöрлы ёна лö мырсьыны вильшасьсыяскöд. Оз вермы виччысьны му вылö лэччöм. Кымöр оз тэрмась: колö пö öд быдөнлы удж сетны. Быд войтлөн му вылын аслас удж. Он пö öд тí му вылад лэччöй весь овны-гажöдчыны. Сэсся коркö кымöр сувтís. Öдзöссö восьтís да шуис: «Мунöй, петöй надзöникөн. Энöй ставныд тшöтщ, энöй вильшасьöй».

Даньшиковьяслөн ыджыд семьялы колís вель уна кöм-паськöм. Ичöt Агния чойясыскöд ёна радлö гортдорса му вылын сöвмысь кельыдлöз дзоридзьяса шабдí вылö. Öтлаын нетшкöны-кöртавлöны, тыдöдöны, косьтöны. Дасьтöны кудель. Кöкъямыс арöса Агния пукалö нин ичötик печкан сайын да печкö, велöдчö кысян стан вылын кыны дöра. Уна во мысти Агниялөн перö улысь бумага вылö водöны шабдí йылысь сьöлöмтö вөрзьöдана кывьяс: «Му вылын вöлí быдмö шабдí. Зэв мича лöз дзоридзьяса быдмöг. Дзоридзьясыс дзик бобувьяс кодьöсь. Шондí шонтö шабдíс, кымöр киськалö зэрөн. Шабдлы сйö и колö. Быдөн менö ошкöны,— шуö шабдí,— кутшöм пö мича шабдыс. Таысь на пö кузя быдма. Сэсся пö мича дöра кыасны меысь. Аттö кутшöм ме шуда! Меысь шудаыс некод абу. Югыд шондыс менö гажöдö, шонтö, зэрыс вердö-юкталö! Кутшöм меным долыд. Меысь шудаыс некод абу».

Öльö Öньö Даньшиковлөн семья котыр воысь-во содö. 1887 вося март 25 лунö чужис квайтöд ныв Ульяння, а 1891 вося апрель 11 лунö чужö Василей вок. Öнí нин Агнилы коvmö видзы ичötджык чой-воксö. Вöлí лунтырьясөн потан дорын. Качайтö-бурдö, сюра нёньюсь йёлөн либö кизьöриник юм-рокөн вердö. Агнилөн батыс Вомынса Першинск грездын вöлí лыддьысьны, гижны да артасьны бура кужысь мортөн. Грамотасö шедöдлöма земскöй училищевын. Сиктсаяс унаөн шыасьлísны сы дорö отсавны письмö гижны, кутшöмкö шыöдчöм лöсьöдны, салдатö мунöм пылысь письмö лыддьыны. Кузь рытьясö да шойччан луньясö Öльö Öньö велöдís лыддьысьны и ныв-писö. Вель унаторйö велалís и Агния. Школаö пыригөн кужис нин асьыс нимсö гижны. Позьö шуны: Агнилы велöдчöм вылö шуд уси. Сйö кадас Гришинск грездын уджалís нин школа, кодлы стрöйбасö лэптылís айыс. Агнилы эз ковмы кайны Пöддельнöйын вичкобердса школаöдз. Танí грамота перйöм **бöрын Агния Даньшикова** велöдчö Нёбдинса земскöй начальнöй училищевын. Кыз дöраысь вурöм сумкаын Агнилөн тетрадыс, книгаяс. Медся радейтанаыс сылөн лыддьысян книга. Паметьö кольöны сэтысь гижöдьяс, кодьясöс велöдö шöр отделениевын: «Руч да сизь», «Кань да петук», «Полысь Ваня», «Сюся горшасьысь»... Старшöй отделениеын — мöд книга нин. Агни пельсö чошкöдöмөн кывзö: «Мый йылысь мөвпалö сиктса вöв», «Кöрт да из», «Алёша», «Шоньд да кодзыд лöм», «Пемöсьяс да морт», мукöд гижöдьяс. Велöдö наизусть «Ар», «Төвся асыв», «Тöv», «Кодí сйö» кывбурьяс. Училищевын стрöг пöра-

док. Урокъяс водзын — «Царю небесному», «Спаси, господи» молитваяс. Урокъяс бõрын вичкоё ветлõм. Тадзи быд лун куйм во чõж Агния шедõдõ грамота. Училище помалигõн Агния Даньщикова бура лыддысьõ, гижõ, кужõ артасыны, зильõ велõдчыны водзõ. Велõдысь Княжевский да сылы отсасысь Мальцева чуйдõны: «Агния, тэныд колõ велõдчыны водзõ. Велõдчан кõ — верман лоны учительõн. Велõдчыны позьõ Усть-Сысольскын». Буретш тайõ кадас Агниялысь айсõ, Оньõ Ольõ Даньшиковõс, Пõддельной вõлõстивса крестьяна нимсянь бõрйõны Усть-Сысольской земской управаõ.

Прогимназиян велõдчõм

1896 вося август 19 лун. Усть-Сысольск. Сыктыв ю пõлõн мунысь улича кузя вослалõны ая-ныла. Айыс кучик сапõга, мича сьõд рочной гача, кумач гõрд дõрõм вылас сюртука, сьõд юрсияса, ус-тошка. Нывкаыс мича дзоридзяса чышьяна, бобувьяса платтьõа. Кыкнанныслõн чужõмьяс выланыс ворсõ нюм. Айыслõн киясас кõлуй новлõдлан пу куд.

Даньшиковьяс воисны Усть-Сысольскõ. Агния женской прогимназияõ пырны, Андрей Алексеевич кызди Усть-Сысольской уездной земской управаса член. Таво гожõмсянь сийõ земской управаса веськõдлысьлысь могъясõ портысь. Сэтчõдз танй юрнуõдис Луцкевич. Июль 6-õд лунсянь Даньшиков сы местаын.

Управаса членлы мынтõны вонас 600 шайт. Быд тõлысь — 50 шайт. Водза серти, дерт, унджык лõõ. Но доньяс содõны и содõны. 50 шайтыд унатор вылõ оз юксы! Дерт, медпервой Агнилы колõ. Помалас Агния прогимназия. Велõдысьõн лõõ. Сы бõрын Уляõс и Васьõс позьõ велõдны.

Усть-Сысольскаса женской прогимназия вõли восьтõма мõдõд разряда женской училищелõн подув вылын 1870 воõ. Усть-Сысольсклы 100 во тыран воõ. 1872 восянь сэнй начальниклõ Усть-Сысольскаса купеч ныв Елизавета Ивановна Забоева. 1891 восянь попечителялõ, прогимназияса педсоветлõн уджõн веськõдлõ статской советник Николай Александрович Яхлаков. Сийõ жõ духовной училищеса смотритель. Санкт-Петербургиянь быд во Усть-Сысольскаса прогимназия вылõ сетõны 700 шайт сьõм. Этша, дерт, тайõ. Но мый вõчан, кор округыслы, кõни дас сайõ гимназия да прогимназия, народной просвещение министерство сетõ 24 сюрс шайт. Он паськõдчы. 1896—97 велõдчан во кежлõ Усть-Сысольскаса прогимназиялы ковмис 3426 шайт 99 ур. Кык сюрсõ уездса земской управа сетõ. Эжва бокса сикт-вõлõстьясысь жõ сьõмсõ чукõртасыны — податьясõн, земской сборьясõн шусьõны. Остальнойсõ прогимназиян велõдчысыслõн ай-мам тшõт весьтõ. Во кежлõ куйм шайтõн взнос.

Прогимназиян велõдчõмыс абу земской училищевын кодь. Быд предметысь торъя велõдысь. Роч кывйысь велõдõ Ольга Михайловна Фрязиновская, арифметикаысь — Антонина Ивановна Забоева, историяысь да географияысь — Анна Платоновна Забоева, рукоделчьеысь — Александра Васильевна Барштак. Медпервой местаын училищевын моз жõ — закон божий. Стрõт отец Еримеевский, «Отче наш» лыддигõн кõ торксян, пельõдыд нетшыштас, пажынтõг коляс. Урокъяс водзын — молитва жõ. Тшõкыда Троица вичкоынõсь либõ Степан саборынõсь. Кырвуса вичкоõдз ветлõны и. Храм праздникяс дырйи сап пемыд на, синьясыд куньсõны — Агния вичкоё мунõ. Бур, мый орчча керкаын эм сы кодь жõ арлыда карса училищевын велõдчысь. Чиклясысь еджгов юрсияса детинка, Ольõксан Иван Суханов. Сыкõд вичкоё мунны абу гажтõм. Ваня туй вывсыс став гурансõ да мыльксõ тõдõ. Быд во ыджыд лун гõгõрын прогимназияса нывкаяс поп водзын каитчõны, олõм-вылõм йывсыныс висьтасыõны.

Велõдысь Попова висьталõ, мый Агния пõ омõля сьылõ. Став отметкаыс пõ «посредственно». Нехорошос... Нехорошос... Кызди нõ ку-тан челядьõс школаын уджалигõн сьывнысõ велõдны?

— Ме эськӧ ёна жӧ мырся, да оз артмы. И гортын сыла, и граммофон кывза, и вичко хорын тшӧтш и.

Збыль, мый вермӧ старайтчӧ Агния Даньщикова. Граммофонӧн кӧ ворсӧны кутшӧмкӧ керкаын, сувтӧмӧн сулалӧ. Вомгорулас сылӧ... Весиг Сухановъясӧ петавлӧ... Налӧн ыджыд граммофон эм. Пырас Агни, а Миш Павла Суханова — Иванлӧн мамыс — шуӧ нин: «Ванюк, граммофонтӧ заводит. Со Агния бара нин локтӧма». Шойччан лунъясӧ Агния вель дыр пукавліс Сухановъяс ордын. Сухановъяслӧн чой-воккӧд книгаяс лыддӧны, ворсӧны, вышивайтчӧны, вурсӧны...

Вышивайтчӧм-вурсӧм Агниялӧн медя радейтанатор. Прогимназияын первой классянь таӧ велӧдӧны. Велӧдысьыс, Александра Васильевна Барштак, зэв шань нывбаба. Мария нылыс Агникӧд ӧти классынось. Орччӧн пукалӧны. Мӧдӧд классын велӧдчигӧн Агния тӧдмасьӧ вурсян машинаӧн. Дась шӧралӧм торъясысь вурӧ медводдза дӧрӧм, юбка, чепчик. Велӧдчӧ шӧрасьны...

Коймӧд классын быд урок — ас кежын удж: шӧрасьӧмсянь дась выйӧдз колантор вурӧмӧдз. «Фантазия» программа серти Агния бумагаысь, вурсян колясысысь вӧчалӧ уна рӧма дзоридзыяс, серпасьяс, вышивайтчӧ, кыӧ кепсысь-носкаяс...

Прогимназияысь локтӧм бӧрын бара удж. Агни мыськалӧ джодж, пыртӧ пес, ва. Сёйыштӧм бӧрын кias бара перӧ-ручка, бумага, книга. Прогимназияса библиотекаысь книгаяс сетӧны вежоннас ӧтчыл. Книгаяс сеталысь Антонина Ивановна Забоева ок и скуп жӧ нывбаба. Скӧр. Книгатӧ кӧ ас кадӧ он вай, ёна и пињялас. Велӧдысьлы висьталас. Педсӧвет вылын сёрнитас. Быд класслӧн ас кежын лыддысьӧм кузя та вылӧ индӧм кыв кутысь. Коймӧд классын, кӧні Агния таво велӧдчӧ, Ольга Михайловна Фрязиновская. Быд лыддӧм книга кузя юасьӧ: «Мый йылысь нӧ, Агния, книгаыс. Мый сэтысь сьӧлӧм вылад медъёна воис. Кутшӧм книга водзӧ лыддян?»

Во помӧдз вель уна лыддӧм книга чукӧрмӧ. Агниялӧн пасъялӧма: «Покорение Казани», «Куликовская битва», «Первый царь Московский Иван 4-й Грозный», «Иван Сусанин» да мукӧдыяс. Лыддӧм книгаяс ёна отсалӧны ас кежын гортса сочинениеяс да изложениеяс гижигӧн. Вӧчсьӧ татшӧм уджыс торъя темаяс кузя, кодъясӧс быд во кеклӧ лӧсьӧдӧ прогимназияса педагогическӧй сӧвет. Быд во 12—15 удж. Быд удж вылӧ — кык вежон. Быд кык вежон мысти вӧчӧм удж кузя учитель водзын сёрни. Ок и сьӧкыдӧсь жӧ найӧ Агнилы. Уна пӧсь киссьӧ, уна вой узьтӧм кольӧ! Гижны кӧ ас кыв вылын, кокныд. Но оз позь. Учителяс пыр шуӧны: «Омӧля роч кыв тӧдӧм вӧсна оз артмы уджыд, овлӧны и мукӧд помкаяс. Тшыглун, висьӧмъяс. Усть-Сысольск уездын быд во ветлӧдлӧ писти, скарлатина, коклюш, чахотка висьӧмъяс. Скарлатина вӧсна прогимназиясӧ вежонъяс кеклӧ пӧдлавлӧны.

Быд во висьӧны прогимназияса нывкаяс. Овлӧ, и кулалӧны. Агнилӧн медбӧръя велӧдчан воас 1900 вося мартын кувсис налӧн классысь Варвара Кузьбожева. Ёна и бӧрдисны нывкаяс. Агния вежон чӧж омӧлика узис, войяснас сыркъяліс-бӧрдис.

Велӧдчан четверть пом. Прогимназияса попечительлӧн кабинетын мунӧ педсӧвет. Сёрниыс прогимназияса велӧдчысыслӧн четвертнӧй отметкаяс, прилежание, поведение...

— Аски 12 чассянь каникулъяс. Свидетельствоясӧ, кодӧс ӧні быдӧны сетам, петкӧдланныд ай-мамныдлы. Кырымӧданныд, — педсӧвет бӧрын быд классын сёрнитӧны велӧдысьяс. Лыддӧны педсӧветлысь шуӧмъясӧ.

1900 вося май пом. Прогимназияын пӧсь кад: мунӧны испытаниеяс. Агния Даньщикова лӧн медбӧръяяс: май 22 лунӧ — закон божий, май 24 лунӧ — арифметика, май 26 лунӧ — география, май 30 лунӧ — история, май 31 лунӧ — роч кыв.

Июнь 3 лун Агния Даньщикова лӧн прогимназияын медбӧръя лун. Кias велӧдчӧм помалӧм йылысь свидетельство.

«Ученица Агния Андреевна Даньщикова, дочь крестьянина, русская подданная, православного вероисповедания, имеющая от роду

16 лет, обучалась в Усть-Сысольской женской прогимназии с 1896—97 учебного года по 1899—1900 учебный год и окончила в ней полный курс учения. Во время учения поведения была отличного. В преподаваемых предметах оказала успехи: по закону божию — 4, русскому языку — 4, математике — 4, истории — 4, географии — 4, чистописанию — 4, рукоделию — 5, пению — 3, а потому имеет право воспользоваться преимуществами, предоставляемыми 45 статьей положения о женских прогимназиях министерства народного просвещения ученицам, получившим одобрительные свидетельства об окончании курса в прогимназиях. В удостоверение чего и дано ей, Даньшиковой, сие свидетельство по определению педагогического совета Усть-Сысольской женской прогимназии, состоявшемуся 1900 года июня 1 дня. г. Усть-Сысольск. Июня 3-го дня 1900 года. Председатель совета Н. Яхлаков. Начальница прогимназии Е. Забоева. Законоучитель священник А. Еримеевский. Учителя О. Фрязиновская, А. Забоева. Секретарь совета А. Забоева».

Прогимназия помалом йылысь свидетельство серти позис уджавны сиктса школясын. Агния Андреевна Даньшикова заводитё тайё уджсö 1900 восянь.

Школаясын удж

1901 вося төлын Агния Даньшикова Гришинской школаын уджалыштём бöрын веськалö Руч сиктö, а сэсся Вотчаö. 1907 вося арсянь Даньшикова Пöддельной вöлöстысь Нöвикса öти класса училищевн. Пöддельной вöлöстыö сэки пырисны 14 грезд да сикт. Став вöлöсты пасьта, кодi нужалис Аныбсянь Вомынöдз, вит сюрс сайö олысь вылö вöли нель школа. Нöвикса ныв-пилы индöмьяс пиысь ниöти эз вöв кивыв. Сиктсö Пöддельнойладорсянь потшö Важ-Эжва полой. Мака-Кар-Керöсöдз туйсö паныдалö паськыд Эжва, Гришинскойöдз дас сайö, Аныбöдз кызь сайö верст. Пöддельнойса крестьяналөн общество асланыс скодьяс вылын примитлисны Нöвикын училище восьтём йылысь гоз-мöд приговор. На дор сулалö и управаса член, Вомын сиктса крестьянин Петыр Семö Канев. Нöвикын школа йылысь сёрни кыпалö и 1906 вося уездной земской собрание вылын.

1907 вося майын земской собрание кыв көрталö: «Нöвикын восьтны земской училище тайö жö вося арö». Агния Даньшикова сэки вöли Вотчаын на. Нöвикын училище восьтём йылысь төдмалö айыслөн Вотчаö воём письмөвсь. Айыс норасьö дзоньвидзалун вылас. Корö Агниöс шыасьны Усть-Сысольскса училищной советö. Агнилы и аслыс вывти окота локны горт вöлöстыяс, муса Эжва дорас, рöдвуж дорас. Корöмсö училищной совет могмөдö. Нöвикö локтём бöрын пыр жö босьтчö уджö. Шыасьö земской управаö школа улö колана стрöйба сетём-лöсьöдём йылысь прошениебн. 1911 вося сёр ар. Усть-Сысольск. Земской управалөн öшиньясын югыд бияс. Татчö чукöртчисны уна йöз. Заседание вылын кыв босьтö Пöддельной обществосянь управаса член Вомынса Якушевка грездын олысь Петыр Семö Канев: «Уездса земской собрание төд вылö вöли нин вайöдöма Нöвикса земской училищевн велöдысь Даньшиковалысь корöм, медым лои вöчöма колана уджыяс Нöвикын начальной училище улö лöсялана стрöйба дасётём йылысь, да медым училищесö вуджöдисны крестьянин Семö Вась Королевлөн керкаö. Земской собранилөн шуём серти 1909 воын стрöйбасö училище улö дасётём вылö вöли нин сетöма 200 шайт сьöм. Но Королевлы сетём сьöмсö бергöдисны Усть-Сысольскса купеч Сычевлы Семö Васылысь сылы уджйöз вештём вылö. Королёв бара на сьöмтём. Школа улö стрöйбасö лöсьöдны оз вермы. Школа улö патера видзысь Семö Вась Королевлы земствосянь вöзйылисны вузавны управалы эштöдтём керкасö, но сийö сöглассö эз сет. Нöвикын жö училище улö мукöд колана стрöйбаяс абуöсь. Королевлөн öтнаслөн стрöйбаяс лöсялö, но абу помалöма. Со и училищеса велöдысь Даньшикова шыасьö вылысь. Асянныс Петыр Семö Канев содтö, мый Агния Андреевна Даньшиковалөн корöмыс подулалöма и сийөн, мый быд во Усть-Сысольской учи-

лищной совет, народной училищес кузя инспекторяс индоны Нёвик школаын тырмытторяс бырөдөм выло. Аслас решениен земской собрание шуис: «Нёвикын училище уло Королевон лэптөм стрөйбасө помавны. В. С. Королёвкөд кырымавны училище уло 12 во кезлө, вонас сылы 150 шайт мынтөмөн, лэптөм стрөйбасө сетөм выло договор. Сёрөнджык татчө жө лөсьөдисны и учительлы олөм выло патера, көни Нёвикысь мунтөдзыс олис Агния Андреевна.

«Аслыспөлөс шондө югөр моз Агния Андреевна пырис мян олөмө да югдөдис нэмьясөн вежсьывтөм пемыд олөмсө,— казтылис аслас велөдысь йылысь Нёвикысь Герман Катя Королёва.— Артыштны кө, мыйта вын да радейтөм сетис сийө, медым вежөрмөдны коми челядьсө, кыпөдны да велөдны водзти нинөм туйө пуктылөм коми нывбабабс».

Визув Эжва моз збоя,
Лэбачөн дзользө лун-лун:
Чеччы жө, нывбаба, зила,
Пальөд жө ассыд кыз ун!

«Велөдан уджсө Агния нуөдис кыв кутөмөн, сьөлөмсянысь. Нуөдис эз сөмын расписание серти: шоч рытө кольывлис челядьтөг. Оти рытө велавтөм челядькөд мырсьө, мөд рытө лөсьөдчөны школа праздник кезлө, либө ныв-челядькөд вурсьоны-вышивайтчөны. Эз энвотчыв Агния Андреевна и школа помалысьясысь. Бурджыка велөдчысьяс пиысь унаөс мөдөдис водзө велөдчыны. Бать-мамыс оз лэдзны. Кымынысь ветлас на динө, дзик мырдөн сорөн мукөдсө гортсьыс кыскас да мөдөдас гырысьджык школаясө. Сэсся Агния Андреевна школаас челядькөд комиөн сёрнитө, сы вөсна найө сы дорө кокныдджыка сибөдчисны».

Кутшөм төдөмлуньясөн, отметкаясөн Нёвикса челядь помавлисны велөдчөм? Кызди велөдис Агния Андреевна? Подулалөм могысь вайөдөма Усть-Сысольской уездной училищной советө 1912 вося май төлысь Агния Андреевнаөн ытөм документ: «Протокол о производстве испытаний в знании курса Новинского одноклассного начального народного земского училища. 1912 года мая 16 дня, мы, нижеподписавшиеся члены испытательной комиссии, согласно распоряжения Усть-Сысольского уездного училищного совета производили испытания учеников при окончании курса Новинского училища: Георгия Сергеева Королёва, Ивана Тимофеева Королёва, Ивана Максимова Королёва, Прокопия Королёва, Фелицисты Королёвой, Марии Королёвой и как обнаруживших вполне удовлетворительные знания в учебных предметах начального земского училища, что доказывается поставленными нами в прилагаемом при сём списке отметками. Признали достойными получения установленных свидетельств в знании курса начального училища. Настоящее заключение имеет честь представить на рассмотрение Усть-Сысольского уездного училищного совета. с. Подъельск 1912 года, мая 16 дня. Члены комиссии законоучитель священник Александр Шумков, учительница Агния Суханова».

Протоколыскөд орчча велөдчысьяслөн быд предмет кузя отметкаяса 6 морта список. Вөвлөмаөсь татшөм предметяс: закон божий, арифметика, роч кыв, церковно-славянской кыв, чистописание. Список улас народной училищес кузя инспектор пасйөма: «Прошу отца настоятеля Подъельского прихода удостоверить на сем же списке время рождения учащихся Новинского училища показанных на обороте сего инспектор М. Успасский 1912 года 14 дня». Та выло мыджсьөмөн позьө шуны, мый Суханова велөдчысьяслысь списоксө ыстылөма Шумков поплөн кырымпастөг, кодөс сийө кырымалөма инспектор Успасскийлөн корөм серти нин.

Нёвикын уджалигөн Агния Андреевна тышкасис и вина юөмлы паныд. Вывти мустөмөсь вөлөмаөсь сылы вина юысьясыс-кодалысьясыс. «Со татшөмтор вөли,— казтылө Пока Иван Наталь (олө Интаын),— Агния Андреевналөн племянницаыс. Ена юис-кодалис Катялөн батыс, Митрей Королёв. Унаысь сёрнитөм бөрын сийө эз и думайт вина юө-

мысь дугдыны. Агния Андреевна босьтчис котырты сиктса скод. Дасьтис сёрнитігкежлө медся збой нывбабаясөс. Ёна и янөдісны сэні шоча палявлысь Митрейөс. Сэкисянь мортыд вунөдіс Пөддельнөйса кабакө туйсө». Эз этша шог пелсыны, синва кисьтылыны вина радейтысь верөсьяс вөсна Нөвикса нывбабаяс. Данышиковалөн Нөвикө локтан воас со мый лоліс. Оти рытө Степан Тима Королёвлөн гөтырыс пырис. Бөрдө. Отсавны корө Ондреевнаөс. Пикө пө воим вөвтөм олөмөн, корны петны ковмас. Верөсыс, Степан Тима Королёв, кык во сайын Усть-Сысольскса земскөй управалөн ссуда вылө ньобис вөв. Мынтис 50 шайт. Вөв эм — нажөтка сюрө: Степан Тима Пөддельнөй больнича стрөитөм вылө кыскалө кер, Макар-Керөсысь вуджөдлө кирпич, колльөдчө. Мөд вонас ссуда джынсө мынтө.

1907 вося гожөмө нажөвитчөмыс джөмдөма, бырөма. Босьтчас Степан Тима Пөддельнөйса магазая — кунимыс Нөвикө нянь тыра мешөкьяс вуджөдны. Нель гөгыля телега вылын 5—6 пудья мешөкьяс. Мунны эськө, Пөддельнөй полойсө вуджны. Степан Тима жө кабакө кежө. Код юрнад Эжва полойсө вуджигөн и вөвсө воштас. Со и пикө гозья воөмаөсь. Шыасяс Королёв Усть-Сысольскө отсөгла, но сэсянь отсөгсө оз сетны. Управаса член Петыр Семө Канев Нөвикөдз сы гижөд кузяыс воліс: «Член управы С. П. Канев дал заключение такового содержания, что лошадь Тимофея Королёва околела от того, что он ехал из Подъельска в пьяном виде с телегой нагруженной 4—5 пудовыми мешками на сыпном месте через воду «полой», находящуюся в двух верстах от деревни. Погружаясь в сыпучий песок лошадь не в силах стала ехать дальше... околела». Агния Андреевналөн отсалөмыс весь лон. Кодалысь-юысьтө некөн пыдди оз пуктыны! Эз жө пыдди пуктыны и Степан Тима Королёвлысь корөмсө... Мыжа ачыс, винаыд бурө оз вайөд!

Уна жө синва кисьтис Степан Тима гөтыр.

— Но, вай эн сэтшөма бөрд. Кыдзкө өд и водзө овны колө. Нывпитө велөдны, кок йылө сувтөдны, — такөдіс-бурөдіс нывбабаөс Агния Андреевна. — Воас кад, и Степан Тимаөс уна йөз водзын юөм-кодалөмсысыс янөдам.

Татшөм авья, сьөлөмсянь петысь сёрнинысь наставнича Андреевнаөс торйөн ёна пыдди пуктисны Нөвикса нывбабаяс. Найө уна рыт печкөмөн да вурсьөмөн коллялөны Агния Андреевна ордын. Кывзöны сылысь олөм-вылөм йылысь висьт, коми нывбабалөн курыд, пемыд олөм-вылөмсө, петан туйяссө.

Восьтөй жө синьястө, мамьяс —
Сьөд уджлысь мурталбй от!
Мөвпыштөй, донъялөй, нывьяс,
Югыдө, муса көн олан горт!

Татшөмторьяссө, дерт, сэки восьсөн вөчны эз позь. Народнөй просвещениеса министерстволөн да земскөй управалөн циркулярьяс серти школаын эз позь велөдны челядьөс комиөн, эз позь велөдны царлөн да царскөй семьялөн нимлуньясө. Агния Андреевна ас ногыс вөчө и тани! Челядькөд сёрнитө комиөн, велөдө царлөн чужан луньясө. Таысь велөдысь вылө торйөн ёна лөгалис законоучитель, Пөддельнөй Троицкөй вичкоса поп Александр Николаевич Шумков. Гоз-мөдысь поп вөлі гижлөма Усть-Сысольскөй народнөй училищяса кузя инспекторлы царскөй луньясө велөдөмысь да мый да. Инспектор вөлі грөзитчөма өти пөрийө учителялөмысь чөвтөмөн. Лөкмисны Агния Андреевна вылө и Пөддельнөй вөлөстьса аристократия: судья, вөлөстьса старшина. Отчюд вөлөстьса старшинакөд ёна вензьөмысь, кор сийө код юрөн локтөма Нөвикса школаө, Агния Андреевна судө веськалө. А лоис тайө со кызди. Төвся Микөла лун бөрын Семө Вась Королёв ордө, көні и школаыс вөлі, пырис вөлөстьса старшина. Ачыс юыштөма, гажа. Сёрнитө гораа, лөк ногөн ёрччөмөн. Восьтлө да крапнитө классөдзсө. Агния Андреевналөн терпennyöыс бырис. Вомалис вөлөстьса старшинаөс. Делөыс урядникөдз, вөлөстьса уездөдз воліс. Кывсьөма

и Усть-Сысольскöдз. Бара жö, тыдалö, Шумков гижлöма. И татшöм кыв кöрталöмыс лöсялана. Буретш индöм кадас, кор Агния Андреевналöн олöмыс сьöктаммö, Пöддельнöй вичкоысь поп Шумковöс Усть-Сысольскöй училищнöй сöвет вöзйö донаторйöн козыналöм-наградитöм вылö: «Священник Подъельской церкви А. Шумков награду заслуживает»— гижöма награда вылö ыстöм документын. «1912 воö ме велöдчи Нöвикса школаын, Унатор на эг гөгöрвопы. Но помнита: йöз пöбстын разалис юöр, мый Агния Андреевна занимайтö политикайн. Шай-паймунисны крестьяна, нöшта на лёкджыка кутис видзöдны Шумков поп, ёнджыка дзöръявны урядник. Бать-мам заводитöны повны асланыс ныв-пиян вöсна. Агния Андреевнаны ковмис думайтны Нöвиксы мунöм йылысь»,— казтылö Агния Сухановалöн вöвлöм велöдчыс А. Королёв.

Öнi колö казтыштны Олексан Иван Суханов йылысь. Усть-Сысольскса училище помалöм бöрын Олексан Иван Суханов земстволöн стипендия отсöгöн велöдчö Вöлөгдаса фельдшерскöй школаын. 1902 вося июньсян уджалö Нёбдинса лечебницаны фельдшерöн. Во-мöд мысти ветлывлö Москваö. Дзоньталö коксыс протезьяс. Иван Александровичлöн фельдшерскöй школасö помалöм бöрын нин кынмывлöма кыкнан кокыс. Гангренаöдз воöма да вундöмаöсь. 1910 вося сентябрын земскöй больнича вöсьö Пöддельнöйын. Нёбдин лечебницаса врач А. Н. Кедровский бöрся Пöддельнöйö локтö и фельдшер Суханов. Агния Андреевна да Иван Александрович Суханов öтлаасöны. «Из метрической книги, выданной Притчем Гришинской Благовещенской церкви Усть-Сысольского уезда Вологодской губернии от 13 августа 1911 года за № 45 видно, что Иван Александров Суханов значится повенчанным с Агнией Андреевной, урожденной Даньшиковой, 23 января 1911 года». 1915 вося гожöмö Агния Андреевна мöдöдчö Эжава горув Усть-Сысольсклань. Но сувтö Шойнатыö. Сэтысян Усть-Сысольскö ыстö со кутшöм гижöд: «Его высокоблагородию господину инспектору народных училищ от учительницы Новинского земского начального училища Агнии Андреевны Сухановой прошение. По имеющимся у меня сведениям должность второй учительницы при Гришинском земском училище с осени настоящего года остается вакантной. Ввиду этого честь имею покорнейше просить Ваше высокородие ходатайствовать перед Усть-Сысольским училищным советом перевести меня из Новинского училища в Гришинское второй учительницей, если не предвидится открыть должность второй учащей при Новинском училище. Учительница Новинского училища Агния Суханова. 30 июля 1915 года с. Сторожевск». Усть-Сысольскöй училищнöй сöветö Сухановалöн шыöдчöмыс воöма август 8 лунö. Народнöй училищясса инспекторсян Сухановалöн шыöдчöм вылö некутшöм резолюция абу пуктöма. Эм сöмын карандашöн пасйыштöм» До. М. П.»

Агния Андреевналöн шыöдчöмысь тыдалö, мый сйö Нöвикысь мунны абу кöсйöма. Водзö кöсйöма сэнi велöдны, вöсьтасын кö сэнi мöд учительлысь должность. Но öд и Нöвиксыс сйöс эз на вештыны, эз вöтлыны. Көть, шум, сы вылö и лөгалöны поп Шумков да вöлöстьса старшина, букуша видзöдöны и öткымын мукöд йöз. Мыйла нö сiдзкö Суханованы ковмöма муннысö сэтысь? Ас водзын татшöм мöвпьясöн, юалöмьясöн ме и листала уезднöй училищнöй сöветлысь документьяс. Буретш индöм кадас, кор Суханова уджалö Нöвикын, Училищнöй сöветö прошениеöн шыасьö Якушевкаса училищяын велöдысь Мария Александровна Шумкова, Пöддельнöйса вичкоысь поп Шумковлöн нылыс. Сйö корö вуджöдны уджавны Нöвикса земскöй училищяе велöдысьöн. Сiдзкö, позьö тöдчöдны: Агния Суханова Нöвикысь мунис поп Шумковлöн, сылöн котыр лөгалöм вöсна, кодъяслы Сухановалöн оласногыс, голь йöз дорö бура матыстчöмыс, муслуны, Сухановалöн шуöмьясыс дöзмöдiсны, эз воны сьбөлм выланыс. И нöшта: Шумков кöсйис, медым Нöвикын,— сылöн жö приходын,— кутис велöдны нылыс, Мария Шумкова. Документьясысь тыдалö, мый сйö жö гожöмнас Гришинск школаын велöдысь Александра Степановна Лыт-

кина муно Москвао высшой женской курсяс выло. Сідзко, учительон уджалан места эм и Агния Андреевалон чужан грездын, Гришинскын, кбні школа улө патерасо видзо Оне Вась Даньшиков — Агниялөн вокыс. Но коть Суханова и ёна корис индыны сэтчө, Училищной совет коромсо оз могмод. Сухановаос ылыстоны Пөддельной вөлөстысь. Индоны Көрткерөсө.

1915 во. Гожом пом. Көрткерөс. Войтырлөн эштома турун пуктом. Уналон вундыссыома нянь. Откымынъяс нетшконы нин шабди. Быд керкаын пестер-чуманъясысь ректоны тшак-вотос. Кыйсысь-вөралысыяс чөс туйяс вылысь вайомаось медводдза кыйдос: тар-сьола, дозмөр. Сиктын уналаын, то сэни, то тани, кылө черон кленгом, пилаон жвиньгом. Нель во сайын ыджыд сотчылөм бөрын (Көрткерөс сикт джынйыс сотчылөма 1911 вося июнь 5 лунө — А. П.) вичко дорсянь горувляньо лэптөмаось некымын дас выль керка. Выльон лэптөм керкаяс шөркост ыждаось, өти-кык жыръяось. Эмось и гырысыяс. Со туй чукультаинө квайт жыръя коромина лэптөма Яков Алексеев Казаков — училищеса попечитель. Озыра олө Ольо Яков. Сотчытөдзыс нель коромина-керка вөлөма. Пуля-порокөн, няньон, сёян-юанон, шылльо-мыллөбон ас керкабердса лавкаын вузась. Сотчигас порок ббчка-яслон оэйомсыс керка вевтсө би төв нырнас Эжва дорөдзыс лэбөдөма. Земской училище улө воддза стрөйбасө 1897 воө Оле Яков жө лэптывлөма. Оні выль стрөйба земство отсөгон помалөны. Выль стрөйбаын жө нин вөлөстыса правление. Сотчылөм приёмной покой пыдди Киа-ю сайо, кос пожөма ягө 1911—12 воясө лэптөмаось выль больница. Вель гырысь стрөйбаяс лэптөмаось Марк Миш да Вась Кирушев вокъяс. Микол Коюшев, Прокө Иван Потапов, Митрей Вась Вишератин, Иван Казаков. Овмөдчыны позьо на ордө. Код нө наставничатө оз лөдз, торйон нин кор сылөн верөсыс фельдшер, бурдөдысь. Агния Андреевна төдө: Көрткерөсын уджалө Екатерина Сацердотова, коді тшөтш жө Усть-Сыольскса прогимназияын велөдчыліс. Кывсыліс — петөма верөс сайө. Тани жө велөдоны Н. Попова, А. Токмакова. Уджавны ковмас Көрткерөс катыдын. Сідзко, матөджык овмөдчыны колө. Мөвпыс Сухановалон иніс. Екатерина Сацердотова, буретш, сикт шөрас вөлөм олө. На ордө, Чирк Митрейясө, и пырисны, (Д. М. Поповъясө) вичколы пошти паныда мезонина керкаө овмөдчисны. Көзяины бур, төлка, кужысь княса. Дмитрий Попов кужө тэчны бур стрөйба, мичаа краситны-серпасавны ошинь рама, жырпытшса стен; вичколы рисуйталіс-серпасаліс ен-өбразъяс.

«Агния Андреевна мянөс велөдіс Көрткерөсын 1918—19 воясө. Сійө челядькөд вөлі зэв мелі, небыдик бур сьөлөма, вөлі дзик мам кодь. Эз бара сійө челядьтө чирыштлы ни видлывлы. Кор кутіс коми кыв школаын чужны, сэки Агния Андреевна сьөлөмсянныс кутіс велөдны мянөс коми кывйон. Босьта ме ачымөс. Кор ме вөлі велөдча коймөд да нельөд отделениеын, сэни сійө велөдіс корсюрө комион. Меным коми кыв сьөлөм вылө воис, и куті коми кывйон гижавны посьныдик ворсанторъяс. Сэсся чуйдөдіс спектакъяс вөчалөм вылө. Сійө чуйдөдөм бөрын кутісны зэв ёна ворсны, дай ачыс ворсліс», — казьтывліс Спира Прокө Попов.

Олексан Иван Суханов 1918 вося август 23 лунө «Зырянская жизнь» газетын гижис: «Август 4 лунө, сиктса учительяслон да велөдчысыяслон водзмөстчөм серти, крестьяналон ныв-пикөд 2-х классной школа жырйын вөлі сувтөдөма зырянской кыв вылын спектакль. Ворсісны «Лөк энъка» пьеса. Пьеса бөрын лыддисны М. Н. Лебедевлысь коми кыв вылын жө кывбуръяс, сьылісны ас кыв вылын сыланкывъяс. Рытыс помассис струнной оркестрлөн ворсөмөн. Гожся уджъяслон пөсь кад вөсна спектакльыс заводитчис 10 час рытын. Но, сөрмөм вылө видзөдтөг, школа вөлі тырөма йөзөн. Видзөдысыяс жалитісны, мый спектакль пуктомыс тшукис бур уджалан лункөд и унаон эз вермыны видзөдны спектакльсө, сэтшөм гөгөрвоана да велөдана «лөк энъкаыс-лы». Спектакльысь чукоёмөм 74 шайт да кымынкө урсө лои юклөма тадзи. 24 шайт занавес лөсьбөдөм вылө, а кольөм 50 шайтсө сетөма

М. С. Потаповлөн семьялы, кодлысь таво гожомо ош косявліс дзик оти моссё». Водзё Иван Суханов пасйё, мый кольём арсянь Корткерёсын лои нин петкодлёма 4—5 спектакль.

Агния Андреевна уна спектакльын ворсіс ачус. А. Н. Островскийлөн драма серти спектакльын Олексан Иван Суханов ворсё Любим Горновлысь рольсё, Агния Андреевна — мамыслысь рольсё. Корткерёсын уджалігөн Агния Андреевна ачус босьтчө коми кыв вылын гижавны ворсанторъяс, роч кыв вылысь вуджодё челядылы гижодъяс. Буретш Корткерёсын сійё гижё «Кодзыд пöль» да «Кыйсьысь» ворсанторъяс. Вуджодё роч кыв вылысь А. Н. Островскийлысь «Бедность не порок», «Не так живи, как хочется» ворсанторъяс. Пьесаяссё ворсны Агния Андреевна зильё котыртны Корткерёс сиктса том войтырös. Тадзи зиль нывбаба-ань заводитö коми кыв кыпöдöмогысь удж. Сэки Сыктывдинкарын уно бердын заводитö уджавны коми книгаяс лэдзöммогысь комиссия. Сэні Агния Андреевна уджалö пöшти гожом шөрöдзыс. Уджалис эськө и водзё, но гортас (Корткерёсын) нылыс висьмөма, да коvmөма мунны. 1920 вося арын Агния Андреевнаос вуджодöны Сыктывкарё, библиотекаясса инструкторö, но сійёс кыскис коми книгаяс лэдзан удж. Тайё жö воас Суханова вуджö уджавны книгаяс лэдзан уно бердын котыртöм подотделö, көні и уджалö олөм помöдзыс.

Герман Катя Королёва казтылö: «1921 вося июньöдз ме уджалі коми издательствоын переводчикöн Агния Суханова веськөдлөм улын. Ми вöлім некымын том морт. Суханова велöдіс мянös дöзмывтöг, эз артась кадöн. 1922 воё издательствоын уджавны лои сьöкыд».

«Я сама недели три как начала служить снова, хотя мой отпуск кончается еще 20 марта. Нас нынче тоже сократили. Народу осталось очень мало и я уже добровольно сократила свой отпуск. Новая политэкономка прижала и нас крепко. Заставила на свои средства существовать. Приходится торговать литературой, и только этими средствами издательство расплачивается за работы. В издательстве тепер почти все новые лица. Из прошлогодних служащих остались только три: я, Чеусов и Е. Шахов. Я только 3 недели как посещаю издательство. Шахов дня три как приехал из дому. Главные работники в настоящее время здесь Лыткин и Надеев. Оба молодые (Тотемские семинары), всей душой преданные своему делу, то есть к созданию зырянской литературы. Старые столпы нас оставили в самое трудное время... Очень туго издательству. Уже приходилось типографии отказывать для нас работать, так как денег нет. Едва как-то вывернулись. Молодцов, Чисталёв ушли... Сейчас печатают литературный журнал «Парма ёль», букварь для взрослых — «Коми шыпас» Чисталёва. Природоведение-учебник Митюшева. Вышла сказка «Посни чоя-вокалы», коми сыланкывъяс, готовится к печати толстая хрестоматия «Чöс туй». (Из письма А. Сухановой М. Лебедеву).

Абу шылыд Агния Андреевналөн олан туйыс. Уна сьöкыдлун лöввенны. Сьöлöмыс сьлөн висьö коми кыв сöвмөдöм вöсна, коми-зырянскöй республика котыртöм вöсна. «Зырянская республика уже не мечта далёкого будущего, а действительность самых ближайших дней. Начинают сбываться сны и сказки. Тогда, 3—4 года назад, разве бы поверил кто-нибудь таким предсказаниям» (Из письма Сухановой М. Лебедеву).

Лои нин казтылёма Агния Андреевналөн лышкыдлун, йöзлы отсалöм йылысь. Сы отсöгөн Ношульса высшöй училищеын велöдчö Нöвикысь Герман Катя Королёва. Сы отсöгөн велöдчис да лонс журналистөн Корткерёсысь Спира Прокö Попов: «Агния Андреевна велöдчигөн ёна отсаліс бумагаён, весиг кор кутіс овны Сыктывкарын, сэтысь меным ыстыліс бумага».

Аслас неыджыд удждонысь Агния Андреевна вичмөдö сьöм челядылы выль вося ёлка котыртöм вылö: ньобалö чачаяс, преник-кампет. Тадзи вöчö Нöвикын, тадзи вöчö Корткерёсын. 300 шайт сьöм — та мында вöлі Агния Андреевналөн вогöгöрся удждоныс. Быд тöлысь

25 шайт. Уна-ö сэки 25 шайтыд?.. Мый вермис ньобны Агния Андреевна. Кык куль мешок крупчатка пызь, либө 7—8 пуд мөс яй, 50 килограмм сахар. 1 шайт 60 ур сулалис пунт чай. Сёян-юанысь кындзи колис и ком-паськом, книгаяс, бумага, перо-ручка. Да ставсо омой лыддьодлан, кытчö ковмылис сьом сэкса сьокыд кадö. Шоч ар лолис няньон озыр. Унджык гожомö кодзаяс кынмылисны, унаысь кодзаяссö жугльвлис йи шер. Ручын уджалан воас войтыр арсянысь сёйсны кача нянь. Вотчаын уджалгөн тадзи жö вöли: сикт гөгöрсьыс став ньыв пусö кульöма. Нöвикö локтан воö кодзаяс кынмöмаось жö. Арся Микöласьянь войтыр кач кульны петисны. Зым-зым, зырк-зырк кылö керкаясысь. Тайö гыръясын тойлöны-посньодлöны паччöрын косьтöм кач. Тадзи жö Пöддельнойын, Быктыын, Вомынын. Жебиник надея сöмын вöлөстьса магазеза вылö. Но кысь босьтан сьомсö? Из сайö пес керавны медасьомон, уджайзөн? Торйөн сьокыд Пöддельнойсаяслы. Татчос кос еджыд шавъялысь лыаа муяс скупöсь урожай вылö. Воливлö посныдик тусьяса рудзөг, гырысь жуг кодь ид. Мардон Гришаясö пыралгөн Агниялөн сёлöмыс ёкмыльтчывлö. Гозья юрнысö ошодöмаось. Синьяс увтис сьододöма, нырыс нюжалöма Ирина чойыслөн — Мардон Гриша гөтырлөн став лысы тöдчö. Челядь паччöрынöсь вишкöны-бёрдöны. Пызан вылын идзас да кач сора нянь, öтик чугунын чуль кодь картофель. Позьö Висар Иван Волоцкийлөн либө Калистрат Иван Юшковлөн лавкаысь уджайзөн — пес кералöм вылö лачаон — нянь корыштны. Мардон Гриша быд во кöнкö Из сайын зимгоритö — нянь вылö нажөвитö. Кыдзи нö татшöмъясыслы он отсав:

— Ирине вежань, Гриша зять, лок ветламöй магазезодзыд, рудзөг пызь ньобыштам, — шуö сэки Агния Андреевна. И мөдöдчöны. Мардон Гришаясын керка пытшкөсныс пыр и вежсьö: ловзьöны челядь, нюмбöны чужöмьяс, гажмö-югдö керка жыр! Со öд кутшöм отсöгыд, няньыд!

Татшöм воясас сьокыд жö и Вомынын олысь ай-мамыслы, чойвокыслы. Со ичöt Марья чойыслөн вит ныла-пия. Некод на ёнасö оз нажөвит. Яков сöмын колльöдчылö. Наталья да Саня горт гөгöрас отсасьöны. Ульяния чойыслы колö водзö велöдчыны. Быдөнлы колö уна сьомтор.

Кымын курыд серпас Нöвик-Пöддельной сиктьяс-грездьяс олöмысь Агния Андреевналөн сёлöмас йиджöма. Син водзас кольöма.

1911 вося гожöм. Июнь. Пöддельной вöлөстьса правление дор тырöма йöзөн. Правление кильчö вылынöсь Кизилевской заводысь доверенной Павел Микол Чеусов, Богослов заводысь комиссионер Ольöш Ольöш Савельев, урядник Бобров, писар Шеболкин, подать чукöртысьяс Канев да Лобанов, вöлөстьса старшина Иван Петыр Макаров. Старшиналөн княсын поводной ыджыд бумага лист. Уличö петкөдöм пызан вылын самöвар, колоши-камаши гоз, гудök-таллянка, ыргөн көш, көрт таз... «За неплатеж взысканий по исполнительному листу господина земского начальника 5-го участка Пермского уезда от 9 июня 1909 года № 1681 в сумме 38 рублей в пользу Пашинского лесничества, — надзöник лыддьö Макаров, — соображаясь семейным и имущественным положением должника Моторина нашла возможным допустить к продаже из имущества должника Моторина медный ковш и железного таза ввиду того, что в крестьянском хозяйстве могут быть заменены первый деревянным, а последний лоханкой, кроме того находя невозможным допустить продажу из описанного имущества без разорения крестьянского быта Моторина и руководствуясь п. 6 и п. 42 107-й статьи Положения, волостное правление постановило: допустить к продаже из имущества должника Алексея Егорова Моторина медный ковш за 80 копеек и железный таз за 40 копеек».

Унадн жалпырысь видзöдöны Егор Ольöш Моторин вылö. Агния Андреевналөн муртса синваыс эз доршась. Но крепитчö. А мый вöчан? 38 шайт долгыд öд абу этша! Егор Ольöш ветлöма Из сайö, мырсöма-уджалöма лун и вой. Но локнысö туй вылас сьомсö öдва тырмöма. Заводлы долгөн кольöма. Сьокыд да курыд зимгорылдөн няньыс!

Тайо жё воас декабрын Пöддельной вöлöстьса правление дорын торгъяс вылын уджайоэ мынтöм выло Навöлокыс Егор Никонор Зюзевлыс вузалисны ялавич мөс, кык ыж да самöвар. Торгъяс вылын мыйкö да мыйкö пыр вузалисны и Вомынсаяслыс, и Нöвиксаяслыс, и Керöссяслыс.

Сьöкыда олöм эз чорзьöд Сухановаöс. Сыктывкарын нин олiгөн асланыс патераын (Парижын) видзис-вердiс-юкталис, велöдiс чойясыслыс нывъяссö, племянницаяссö. Пока Иван Наталь Поздеева (сэки Каракчиева, олö öнi Интаын) аслас письмöбын казътылö: «Эз кö вöв Агния Андреевна, ми эг вермöй велöдчыны. Ми вöлим куим чой. Батьмам олiсны зэв гöля. Ыджыд аттьö Агния Андреевнаны: отсалiс велöдчыны. Быд тöлыс вöли ыстö сьöм аслас неыджыд удждоныс. Мукöддырiн вöли шульвлам сылы: «Коркö бара вермам огöй мынтыснысö?» Тайö кывъясыс Агния Андреевна ёна скöралiс: «Та вöсна эн тöждысöй, мед сöмын тiянлы пöльза лои». Ас йывсыс некор эз мөвпавлыс, дона кöлуйяс да овмöс эз чукöртлы». Ёна уджалöм, майшасьöм да омöля сёйöм-юöм — öд самöй тшыг вояс вöлины — тöдчисны коркö-некоркö. 1923 воын Агния Андреевналөн тыдовтчис туберкулёз висьöм. Гожöмнас ветлiс Пöддельнойса санаторийö бурдöдчыны. Öне Вась Юля Данщикова, Агния Андреевналөн племянницаыс (олö Пöддельнойын), казътылö: «Пöддельнойын бурдöдчигөн Агни тьöтка вольвлiс мянö, вокысысö, Öне Васьясö. Тани жö сэки олiс и мамыс, Максим Дарья. Помнита, Агния ёна вежсьöма, чужöмыс кельдöдöма, чукуртчöма, юрсиыс кытсюрö еждöма. Ачыс сьöкыда лолалö, кыздöдö. Но, мый вермö, венö висьöмсö. Прöст кадö меным да Галя нылыслы, кодi олiс тани, ыджыд мамыс дiнын, лыддьывлiс комиён гижöм висьтъяс. Овлiс, тан жö пач водз дорын сувтöдлiм неыджыд ворсанторъяс. Агния Андреевна сэни ворслывлiс медшөр рольяссö. Сценалөн занавес пыдди вöли сёрйö öшöдöм занавес. Помнита, Агния Андреевна пыр майшасис школаясын коми кыв велöдöм, коми кыв вылын книгаяс лэдзöм вöсна. Быд волiгөн вайлывлiс кутшöмкö гöстинеч. Унджыкысысö вöли кутшöмкö книга».

Пöддельнойын бурдöдчöм кöть и кокньöдiс, но эз бурдöд. Агния Андреевна бурдöдчыны мунö Башкирияö. Сöмын висьöмыс сэни нöшта на ёнджыка öддзöма да шоныдiнад дзикöдз личкöма. Сэсянь бурдöдчыны Москваö мунны тшöктöмаöсь. Сэни нöшта на тöлыс чöж санаторийын олöма. Но эз бурд. Сентябрь 13 лунö кувсис». Дзевисны Сухановаöс Коми муыс Москваын велöдчысыяс. Дзевисны коми сыланкывъяс сьылöмөн. Тадзи кувтöдзис на корис дзевны асыс Агния Андреевна. Сийöс дзевысыяс пöвстын вöли сылөн вöвлöм велöдчыс, сэки асыввыв народъяслөн коммунистической университетын велöдчыс А. Королёв. Сийö шогсян лунъясас А. Королёв гижö «Сухановалөн паметь кузя» статья да ыстö В. А. Савинлы газетын йöзöдöм вылö. Письмöсö гижöма рочөн. Вайöдам сийöс ставнас коми вылö вуджöдöмөн: «Сентябрь 15 лунö Москваын ми дзевим Агния Андреевна Сухановаöс. Ме ог вермы висьтавны, мыйла сийö висис, кызди, но кöсйи эськö, кызди матысса йöз пиыс öтик, юксыны аслам казътылöмъясөн. Пöддельной вöлöстысыс Нöвик грездса начальной школаын мукöд лыдын Агния Андреевна велöдiс менö. Сийö велöдiс грамотаö эз сöмын посниöс, но и верстыясöс. Прöстлун, сибыдлун, крестьянаөн пыдди пунктöм, аслас делöлы тырвийö сетчöм да сийöс радейтöм — со сылы лöсялана чертаяс. И колана водзöс вöли сылы матiгöгöрьянь. Но ставыс визувтö, ставыс вежсьö. Вежсисны и сы дiнö йöзыс. Тайö лои 1912 воö, кодi, кызди тöдса, вöли рабочей движение кыптан воөн. Тайö движениеслөн йöлбгаыс воис и Коми муöдз, сийöс кылiс коми интеллигенция. Агния Андреевна вöли грездъясас медводздаөн гызьысыс лыдын. Ме сэки, дерт, нинöм эг гöгөрво, эг куж донъявны, но эг вунöд, кутшöм ёна мöдiс сёрни ветлöдлыны, мый Агния Андреевна ноксьö политикаөн. Шызисны крестьяна, содтöд бужьяля кутiс видзöдны Шумков поп, чöшöдчис урядник. Сёрни содö, ставныс сийöс паськöдöны, батьмам заводитöны повны асланыс челядь вöсна, пансьö зык. Буретш та вöсна

Агния Андреевнаны лоис мунны Корткерӧсӧ. (Архивной документъяс серти Нӧвикыс Суханова мунӧма 1915 воӧ. Королӧв тані сорассӧ. И, мӧд кӧ, Агния Андреевна эз думайт мунны буретш Корткерӧсӧ. Сійӧ кӧсйис на бӧр кольчыны Нӧвикӧ, либӧ вуджны уджавны Во-мынӧ).

Меным ӧні сьӧкыд шуны, ӧна-ӧ да кызди сійӧ ноксис политикаӧн, но, тыдалӧ, тшыныд битӧг оз овлы. Ортсӧ тайӧ эз петкӧдчы, да и быдӧнлӧн вьвті сюсялӧм вӧсна эз вермы тадз лоны. Ме ог тӧд сьлӧн уджны медбӧръя здукъяссӧ, но ковмыліс кывлыны сы йылысь. Торйӧн кӧ, меным висътавлісны, мый сійӧ ӧна любӧпырысь примитӧма коми народӧс торъя единицаӧ юкӧм йылысь юӧр, вынъяс жалиттӧг уджалӧма зырянизация кадӧ. Водз тай смертыс нетшыштіс сійӧс мяян лыдысь. Медбур паметьӧн да гу вылас венокӧн лоас ӧнмӧдны водзӧ уджсӧ, кодӧс сійӧ нуӧдіс. А. Королӧв, Московскӧй губернияса Звенигород кар».

Корткерӧсыс Спира Прокӧ Попов сійӧ шогсян лунъясас гижис: «Ӧні нывбабаяслы висътала, мый Агния Андреевнайд, коді тані велӧдіс, кувсьӧма Москваын. Найӧ войдӧр шензясны, а сӧсса шуасны шогпырысь: «Прӧсти благслӧви, дона аньӧй!» Сӧсса кутасны шуны: «Ӧна жӧ сійӧ, поконча, вӧлі бур да небыд сьӧлӧма, коньӧрӧй!» Сентябрь 20 лунӧ вӧскресеннӧӧ Сыктывдин карын вӧлӧма Агния Андреевнаӧс казътылӧм. Гижӧма газетӧ.

Агния Андреевна кулӧм йылысь шог юӧр Москвасянь чардби ӧдӧн Пӧддельнойса телеграф пыр воӧ и Вомынӧдз. Ӧне Вась Юля Данышкова казътылӧ: «Ме бура помнита сійӧ арся лунсӧ. Локті буретш школаысь. Дарья пӧч пукалӧ ӧшинь дорын, кепысь кыӧ. Друг ӧшинӧ таркнитісны (сӧки модаыс вӧлі: вьльтортъяс висътавны либӧ собрание вылӧ корны ӧшинь-ӧдзӧсӧ, керка стенӧ паличӧн таркнитӧмӧн). Дарья пӧч вӧсйтіс ӧшинь. Ъвлаын сулалысь морт висъталӧ: Москваын пӧ кувсьӧма Агни нылыд. Пӧчӧ и ми ӧна жӧ и бӧрдім. Рытнас Дарья Максимовна, мамӧ, Семӧ Марья, батьӧ да Ӧнӧ Вась петалісны вичкӧӧ. Сувтӧдісны сисьяс, казътылісны. Дерт, Москваӧдз дзебны эз ветлыны. Да кӧть и кӧсйисны, эз эськӧ вермыны. Сухановаӧс дзебысыяс пӧвстын эз жӧ вӧвны и Ӧльбксан Иван Суханов, и Галя нылыс. Иван Александрович сӧмын лун-мӧд сайын вӧлӧма Москваын, видлӧма Агния Андреевнаӧс. Сӧсса локтӧма Сыктывдин карӧ, кӧні уджаліс народной образование отделын бухгалтерӧн. Агния Андреевналӧн рӧдвуж пиысь Москваын вӧлі сӧмын Александра Ивановна Обрезкова (Каракчиева), Ӧне Марьялӧн нылыс.

1925 вося сентябрь 27 лунӧ «Югыд туй» газетын Виктор Алексеевич Савин йӧзӧдӧ «Бур ань мян муніс» гижӧд: «Ме Агния Андреевнаӧс тӧда 1919 восянь. Пыр сійӧ тӧждысис песни коми челядьӧс да пемыд коми нывбабаясӧс югдӧдӧм вӧсна. Дугдывтӧг сьлӧн на понда сьӧлӧмыс висис. Гижӧднад он вермы висътавны сылысь мывкыдсӧ, бур сьӧлӧмсӧ, тӧждысьӧмсӧ. А коми кыв пондаыд кутшӧма Агния Андреевналӧн сьӧлӧмыс висьліс! Дырджык кӧ вӧлі оз петав газетын коми гижӧд, локтас редакцияӧ да шуас: «Мыйла коминас онӧ гижӧй ӧнджыка? Зӧв ӧд ӧна радейтӧны деревнясад коми кывтӧ!» Ачыс сійӧ уна гижлывліс газетад: став гижӧдыс сьлӧн коми нывбабаяс вӧсна тӧждысьӧм, налысь олӧмсӧ кокньӧдӧм вылӧ зильӧм-песӧм. Ачыс сійӧ коми крестяна пиысь да бура тӧдӧ коми аньясыдлысь ӧнія сьӧкыд олӧмсӧ. Сӧсса Агния Андреевна зӧв ӧна радейтліс коми театр. Унаысь ачыс тшӧтш ворслывліс, весиг гижліс коми пьесаяс коми олӧмысь. Сылысь «Югыдлань» пьесасӧ (челядь олӧм йылысь), ме чайта, уна сиктын ворслісны».

Коми войтырлы

Агния Андреевна Суханова олӧм чӧжыс велӧдіс, ачыс велӧдчис. Пыр вӧлі шогсьӧ, мый водзӧ велӧдчӧмыс эз ло. Сыктывдин карын сӧки гимназия эз на вӧв, а сӧні велӧдчтыӧг оз позь вӧлі веськавны

высшõй школаõ. Сы вõсна ёна вõли зильõ лыддыны олõм тõдмалан книгаяс. Ветлывлис курсяс вылõ Петроградõдз, вõвли учительяслõн съезд вылын. Лои нин казътылõма Агния Сухановалõн 1917—18 воясõ коми кыв вылын гижõм-вуджõдõм, челядълы медводдза висътъяс, ворсанторъяс йылысь. Отлаавны кõ сылысь гижан уджсõ, вель ыджыд книга артмас. Торйõн уна гижõ Суханова книгаяс лэдзанинын уджалигõн. 1921 воõ челядълы велõдõм вылõ гижõ «Му тõдмалõм» книга. Гижõдыс 106 лист бок вылын. Сэни 22 висът. Вайõда «Меддонатор» висът. «Ю бокин, джуджыд слуда бокин, лыа вылын куйлõ пõtка. Коньõрõс кодкõ лыйõма. Морõссыс войталõ еджыд лыа вылõ вир. Регыд нин коньõрлõн овяс. Локтис сэтчõ орт дай шуис: «Сетан-õ тэ меным меддонатортõ, бурдõда пырысь-пыр. Меддонатор! Дерт, кõнкõ, сийõ олõмыд, мõвпалõ пõtка. Мыйла нõ эськõ бõр босътõм вылас сетны кõсийõ. Оз кõ олõмтõ менсьым кор, татшõм бурыд, кõнкõ, шмонитõ. Пõtка муртса вермис шыасьны. Бурдõд пõ. Сета пõ меддонаторйõс. Орт сõмын инмõдчылис пõtка дорõдз. Пõtка пырысь-пыр бурдис, нимкодъпырысь пыркнитчис дай сувтис кок йылас.

— Онi сесся вай жõ меным бордъястõ,— шуис орт.

— Бордъясõс! Чõв!— быдõн шõйõвоши пõtка.— Ог бара нинõм вылõ сет!

— Абу õмõй нõ сийõ тэнад меддонаторйыс?

— Дерт, меддонатор, сийõн и ог вермы ме тэныд сетны!— зэв шога шуис пõtка.— Босът олõмõс менсьым. Бурджык меным кувны, бордтõг да лэбавтõг олõм дорысь!

— Мун лэб,— шуис орт.— Меным оз ков тэнад олõмыд. Сõмын эн вунõд некор, меддонаторйыд олõмсьыд донаджык».

Челядълы география книгаын эмõсь висътъяс: «Валõн кытшла-лõм», «Асья кыа», «Туйдорса катшасин», «Лысва», «Юрсигусь», «Зэра лунõ», «Кань козин», «Тупу», «Виль мераяс йылысь». Вайõдам «Лэбачьяс ланьтõмаõсь» висътысь юкõн: «Вель важõн нин кисьмõма вотõс, петõма тшак. Челядъ, õти да мõд, оз бырлыны вõрысь. Кодi оз вотõ, кодi чõдлач. Вотчõмысла талунõдз абу кязялõмаõсь лэбачьясыслысь ланьтõмсõ. Быдлаын на эськõ лэбачьяс жбыръялõны, да оз нин сьывны воддза моз. Унаõн дзевсьõмаõсь. Кõк эськõ кутшõм нин долыд бана ань, дай сийõ оз шыасьлы õни».

Висът бõрся висът. Ставыс мича, сõстõм коми кыв вылынõсь. Быд висътын — мõвп, чужан му да вõр-ва дорõ муслун, коми мортлõн зильлун.

1923 воын Агния Андреевна Н. П. Поповкõд õтвыв уджалõны география кузя коми кыв вылын виль книга дасътõм вылын. Сэни 79 лист бок. Нимтõмаõсь книгасõ «Му тõдмалõм». Подулас Круберлõн да мукõд авторъяслõн начальнõй географияысь курс. Книга водзвылас эм татшõм донъялõм (рецензия): «Учебник географии «Му тõдмалõм» в буквальном переводе значит «Землезнакомство». Представляет из себя переработку географии Крубера, Григорьева, Чефракова, Иванова госиздата 1922 года. Авторы — школьные работники Попов Н. П. и Суханова А. А. Переработка заключается главным образом в приближении содержания к местным условиям, для чего авторы каждый раз, когда необходим пример, прибегают к фактам из местного края, сохраняя вообще план Крубера и других, изменен метод изложения — материал сделан более понятным для детей младшего возраста, для этого язык изложения упрощен (еще более популяризован). Сухой, прозаический, по местам, язык — оживлен: 1. Введением элементов из местной жизни. 2. Заменой сухих определений географических терминов описательными терминами. Вообще введение местного материала, живого языка и многочисленные иллюстрации делают книгу увлекательной для детей. Русские географические термины переведены на коми язык весьма удачно. Одним из недочетов книги является отсутствие карты Коми края, который, конечно, весьма необходим. Книга по своему содержанию и языку изложения пригодна для 3—4 классов обучения школы первой ступени. 25 ноября 1923 г. В. Лыткин».

Агния Андреевна да Николай Павлович Попов да учебникыс лӧсялӧ и главлитлы. Сэни уджалысь гижӧ: «Поскольку главы о человеке, вере и государстве переработаны в духе времени, в целом учебник можно считать приемлемым для школ первой ступени». Зав. ведомством печати главлита. 20 декабря 1923 года.

Суханова тайӧ жӧ воас вуджӧдӧ роч кыв вылысь уна висьт. Уна гижӧ и 1924 воын. На лыдын роч вылысь вуджӧдӧмъяс: «Ыджыд шог», «Нывбабаяслы», «Октябрь водзын», «Югдӧ нин», «Выль олӧм», «Кулак», «Суклясысь» да мукӧд ворсанторъяс. Челядьлы вылӧ вуджӧдӧ уна висьт: «Кык ёрт», «Лым улын», «Кычипиян», «Мӧс видзигӧн», «Ар», «Пияна кань», «Велӧдӧм пон», «Сюрук», «Карко», «Наян руч». Босьтчылӧма гижны «Йӧй кӧин» висьт, но абу помалӧма.

Велӧдӧ ныв-пиӧс, верстьӧӧс велӧдӧ,
Ас кывйӧн пырӧ, кытчӧ он пысьт.
Сьӧлӧмыс долыда радывлӧ, тӧпкывлӧ,
Газетын, книгаын кор сьлӧн висьт!

Агния Андреевна вуджӧдӧ оз сӧмын челядьлы, но и верстьӧлы. Босьтчӧ гижны ас чужан му йылысь. Сидзи и нимтӧма гижӧдсӧ: «Коми му». Агния Андреевна петкӧдлӧ Сыктывдин кар да Сыктыв вож, Эжва катыд да Эжва кывтыд, Емва да Печора вож. Казытылӧ чужан Вомын сиктсӧ, Нӧвик, Пӧддельной, Кӧрткерӧс сиктъяс, Висер вож. Пыдисянь уджалӧма «Чурка Максим» пьеса вылын. Архивын кольӧма куим экземпляр. И куимнансӧ гижӧма сӧстӧма, мичаа. «Чурка Максим» ворсанторйӧ унатор босьтӧма школаясын, торйӧн нин Нӧвикса училищезын, велӧдчӧм-олӧмысь.

Выль олӧм, выль йӧз. Октябрьскӧй революция бӧрын Агния Андреевна пыр жӧ кутис уджавны Сӧветъяслӧн власть дор. Сьӧлӧмсянысь уджалис коми книгаяс лӧсьӧдӧм вылын, котыртіс войтырӧс выль олӧм лӧсьӧдны.

Коми йӧз оз вунӧдны тайӧ авъя сьӧлӧма анысӧ. Кӧрткерӧс сиктса уличаясысь ӧтилы сетӧма Агния Андреевна Сухановалысь ним.

Асывся лысваӧн, ломзьӧдчысь кыӧн
Мысьӧдін-югдӧдін муяс и вӧр!
Ыпъялысь шондӧн, дзирдалысь кодзулӧн
Войтырлӧн сьӧлӧмын олан тэ пыр!

□

Алексей ТИМУШЕВ

АДДЗЫСЬЛЫТӨДЗ, МЕНАМ ЁРТЪЯС!

ДНЕВНИКЫСЬ ПАСИӨДЪЯС

Апрель 1-өд лун. Талунсянь уджала литсотрудникөн «Коми колхозник» газетын. Уджыс сэтшөм жö, кызди «Красное знамян». Уждоныс и.

Апрель 2-өд лун. Уджала бура. Гижа, лыддыся. Ме йылысь уна-өн мөвпалöны сідз, мый быттьö этша лыддыся да дышöдча. Но тайö абу тадз. Ме занимайтча зэв уна, мый весиг кывбуръяс гижны некор. Пример вылö, со мый ме лыдди март төлысьын: Л. Толстойлысь «Война и мир», Нюрнбергскöй процесс йылысь кык том, Успенскийлысь «Слово о словах», Муса Джалильлысь бөрйөм гижöдъяс. Весиг некымын кывбур велöди наизусть. Таысь кызди, лыдди В. Юхнинлысь «Тундраса бияс» роман да с. в. Тайö абу этша. Сэсся пыр лыддя литературнöй да комсомольскöй газетъяс, республиканскöй изданиеяс.

А мыйта ме гижа, вöча мукöд удж! Сідз, быд спектакль вылö драмтеатрын вузавла 1500—2000 шайт дон билет.

Апрель 16-өд лун. Вöли Ф. Щербаков дорын. Пукалі час сайö. Мыйлакö унаöн сійöс лыддьöны оз бур мортөн. А ме талы ог эскы. Прöстö Ф. Щербаков радейтö правдасö шуны синмад. Таысь и оз уважайтны сійöс.

Ф. Щербаков, петкöдліс меным пöгибнитöм коми позтъяслысь письмöяс да альбомъяс. Козьналіс ассыс фотокарточка, мышкас гижис тшöтш кывбур.

Апрель 17-өд лун. Книжнöй магазиньсь ньöби «Русские писатели о литературном труде» нельö том, 80 шайт дон. Таво вылö нин ме ньöби ичöтик библиотека, матö 100 книга. Выпишиті Лесковöс (12 том), Шолоховöс (8 том). Вöбны «Москва», «Молодая гвардия» да «Войвыв кодзув» журналъяс. Студентъяс завидьтöны меным. А ме вочавидзанагы, мый колö уджавны и ставыс лоас. Но мукöдыс бурджык узясны, мыйкö вöчөм дорысь. Та вöсна ветлöны тшыгöсь. А ме пыр пажнайта столöвöйын, ньöбася. Да и ог эскы ме «гöль студент» кывлы.

Апрель 18-өд лун. Аддзысьлі московскöй писательница Диана Варткесовна Тевекелянкöд. Сійö локтöма Сыктывкарö чукöртны коми гижысьяслысь висетьяс, а сэсся кöсйö лэдзны найöс Москваын. Газетса корректор висьмöма. Сы пыдди меным ковмис уджавны 11 час войöдз.

Май — июль — август. Майын ме дорö воліс мамö. 17 во сійö эз воы карö. Зэв любöпырысь ветлөдлім сыкöд кар кузя. Мунöм водзылас мам нем виччысьтöг висьмис. Ковмис водтöдны больничаö. Вöчисны мускас операция. Ок и шогси ме! Куйліс төлысь. Быд лун ме вольвлі сы дорö. Июль 4-өд лунö öтлаын кайим гортö. Июль 19—27-өд лунъясö ветлі Печора вылö, Мутнöй Материкö Аня Артеева дорö. Та йылысь паськыджыка гижа «Кызди ме медводдзаясь гöтраси» висьтын. Видзи уна сьöм.

Августын 15 лун ветлөдлі район пасьта, чукöрті редакциялы материал, лыдди лекцияс, гижы газетö, снимайтчи. Сентябрьын уджалі редакцияын. Но таысь менö мыждісны институтын, сы вöсна мый эг мун колхозö. Быттьö абу öткодь, кöні уджавны. Бөръяысь öлөдöмби сетісны стрöг выговор. Муртса эз вöтлыны институтысь. Ставөн усь-

кӱдчисны ме вылӱ пурсысь поняс моз. Та бӱрын унатор гӱгӱрвои. Институт помалӱм бӱрын весиг ог мун выпускной рыт вылӱ.

Октябрь 14-ӱд лун. Бара веськалі овны комнатаӱ лӱк йӱзкӱд. Весиг кутшӱмкӱ Краснокутскийкӱд. Некудз ог войӱ ӱти кывйӱ форточка кузя. Весиг лунаса пӱдса. Жырийн лӱк дук. Сьӱкыд лоӱ татшӱмьясыдлы овны. Учебникъяс кындзи, нинӱм оз лыддыны. Со кодъяс кутасны калечитны миянлысь челядьнымӱс. Учитель — сийӱ медводз артист. А кутшӱм учитель петас Л. Политовысь? Гӱлӱсыс шырлӱн кодъ. Ӑнӱдз оз куж лыддысьны рочӱн.

Октябрь 16-ӱд лун. Нуӱдисны олӱма большевикъяскӱд, гражданскӱй войнаса участникъяскӱд аддзысьлӱм. Казытылӱмъясьӱн выступитис Иван Павлович Андрианов. Тайӱ олӱма, дзор нин морт. Сийӱ вӱлӱма уездной съездса первой председателӱн. Висътавліс, кыдзи мырддылӱмаӱс озырлунсӱ Ульяноваса манастырлысь, кыдзи лыйлӱмаӱс керчомьясаясӱс (та йылысь мам меным тшӱтш висътавліс).

Октябрь 18-ӱд лун. Муніс Коми АССР-са рабселькоръяслӱн медводдза съезд. Восътис сийӱс обкомса секретарь Дмитрин. Мӱд лунаса аддзысьлі С. И. Безносиковкӱд. Сийӱ вӱлі Усть-Куломын редакторӱн. Сы дорын медводдзаясь куті печатайтчыны.

Октябрь 21-ӱд лун. Воис письмӱ. Зӱв страшной да виччысьтӱм. Збыль-ӱ тайӱ? Письмӱсӱ да воча кывйӱс ставнас вайӱда дневникын. Тайӱ эпизодыс пырас «Кыдз ме медводдзаясь...» висътъяслӱн циклӱ. Стӱчджыка кӱ — кыдзи ме лои батӱн. Со письмӱыс:

«Видза олан, Алӱша! Локтӱмсянь пыр жӱ пукси гижны письмӱ. Пырӱмсянь аддзи гижӱд менам ним вылӱ ӱти тӱдса нывсянь. Зӱв ӱна та бӱрти уси сьӱлӱмнам. Мыйла? Да сы вӱсна, мый ставыс йитчӱма менам олӱмкӱд. Нылыс гижӱ, мый гожӱмнас тӱ ветлӱмыд Мутной Материкӱ Аня дорӱ. Муртса абу гӱтрасьӱмыд. Аня тшӱктӱма виччысьыштылыны во. Но тайӱ нинӱм. Делӱыс сыын, мый мекӱд абу нормальнӱ. Кор волі тӱ дорӱ, эг лысьт висътавны. Лӱша, гӱгӱрво менӱ. Некумын тӱлысь мысти ставыс тыдовтчас. Мый вӱчны? Кӱсийи вины, но врачъяс эз лӱдзны. Лӱша, мый шуасны батъ-мам, пӱдругаяс? Тайӱ абу шутка!

Лӱша! Збыль мӱй тӱ вӱчин сідз, кыдз гижӱ тайӱ нылыс? Думыштылы да вочавидз, мый тӱнад сьӱлӱм вылад. Оз кӱ во воча кывйӱд, ог тӱд весиг, мый лоӱ мекӱд. Дерт, ми асьным мыжаӱс ставсьяс. Аслыным, сідзкӱ, и колӱ водзӱ вылӱ мӱвпавны. Гиж. Виччыся. Лия. 15.X.57 во. Ме сӱтчӱдз бӱрді, мый ӱдва синъяс воссьӱны. Пӱдругаяс юасьӱны менсьым, а нинӱм висътавны ог вермы. Ӑн думайт, мый ме ылӱдча. Тайӱ ставыс збыль! Ӑн повзъы, кор лыддян письмӱсӱ. Лыддӱм бӱрад косявлы либӱ сот».

Талун жӱ гижі воча кыв.

«Лиечка! Тӱсянь письмӱтӱ эг виччысь. Кӱсийи ачым водзынджык гижны. Тайӱ — виччысьтӱмтор. Первой кӱсийи серавны, сӱсся шогсыны, кытчӱкӱ котӱртны, весиг бӱрдны. Збыль мӱй тайӱ? Ог эскы и... мыйлакӱ эска. Мыйла, сідзкӱ, тӱ нинӱм ӱн висътав, кор волін. Ӑтлаын зськӱ сӱветуйтчим. Кор ветлім тӱкӱд театрӱ, ме сӱки казялі тӱнсьыд, но чайті, мый ӱшыбитчи. Но олӱмад, кӱть мый оз овлы, пыр колӱ лоны спокойнойӱн, оз позъ лӱдзчысьны. Тӱ правильнӱ вӱчӱмыд, мый абу мунӱмыд больничӱ. Мед быдмӱ! Быдӱнлы тырмас му вылын места.

Вот ме тадзи гижі и пыр ог вермы эскыны, мый кагаыс менам. Вермас лоны, но... Ӑн скӱрмы тайӱ кывъясьсыс.

Кывзы, ме ӱмӱй тӱныд эг висътавлы, мый ветлі Печора вылӱ. Вӱлі уна местаын, на лыдын и Мутной Материкын. Аддзывлі Аняӱс. Но гӱтрасьӱм йылысь некутшӱм мӱвп эз вӱв. Первой колӱ помавны институт, пырны удж вылӱ, а сӱсся вӱлисти».

Октябрь 22-ӱд лун. Мамлы гижі 150-ӱд письмӱ. Кӱсъя сийӱс мӱдӱдны тшӱтш «Комсомольская правда» газетӱ. Арталі: мамлы гижсьӱма быд вежон. Быд письмӱ вылӱ пукта номер. А сылысь письмӱясӱ ме вуджӱда торъя тетрадьӱ.

Октябрь 26-ӱд лун. Татшӱмторйыс овлӱ гежӱда, медым 300 верст

сайысь тэ дорё локтіс морт да корис отсавны. Мортис тайё Носимысь Алексей Егорович Тимушев.

— Отсав меным, дзик та вёсна локті тэ дорё.

Ме важён нин тёді тайё мортислысь историсё. Пукалім да сёрнитім кык час чөж. А делёис вёлі тадз. 1945-өд вося апрель тёлысьын Тимушев өтнас жугёдіс 4 немецкёй танк. Бөрьяис вылас нин вёлём локтё. Алексей Егорович воштас кок пөвсё и садьсё. Палялас лазаретын. Сы йылысь «Фронтовая правда» газетын петалас «О нем пусть знают все» юргижёд улын ыджыд статья. Газетсё мөдөдасны республикаё. Но та йылысь Тимушев ачыс нинөм оз төдлы. Кор локтас война вылысь, сійөс паныдаласны кыз Геройёс. Но мыйкё лоас сідз, мый Геройлысь звание сылы оз сетны. 10 во кольём мысти Тимушев мөдөдчөма Москваё, корсьны тайё делёислысь туй помсё. Сёрнитчим өтув уджалыштны республиканскёй архивын. Ме пыр дась отсавны мортлы да вёчны сылы бур.

Октябрь 28-өд лун. Асывсынь печатайті фотографияяс. Оні ме, кызди шуё Серафим Попов, настоящій фотограф нин.

Деканлы гижі заявление, вөйыси занятияяс вылысь архивё. Уна кад воштім, медым веськавны сэтчө. Ветлім обкомё, военкоматё. Лунтыр пукалім. Миянлы вайисны 1945—1946-өд вояся уна газет да журнал. Тьёзкаёй төждысис да өтарё лөвтис:

— Аддзам, аддзам!

Пажун дырйи юим пиво да выль пөв заводитім лукйысьны.

— Со сійё статьяыд!— горөді ме. Алексей Егорович збоа чеччыштіс кок пөвнас да матыстчис ме дорё.

— Ме жё шулі, мый аддзам!— радысла некымынысь на нюмёвтліс сійё.

6 час рытын рад сёлөмөн мунім гортё.

Ноябрь 6-өд лун. Талун кутам пасйыны Октябрлысь 40-өд годовщина! Сэтшөм ёна вичысим тайё лунсё. Во сайё дасьтысим. Но рытыс эз артмы. Йөкті. Юи куйм кружка пиво!

Ноябрь 7-өд лун. Зарадиті фотоаппаратёс. Көсья вёчны праздничной альбомьяс. Рытнас йөкті. Юи пиво (кымын кружка — ог төд).

Ноябрь 8-өд лун. Куйм ёрт: ме, Виктор Напалков да Андрей Тарабукин. Тайё ёртъясыскөд сёрнита да юкся мөвпъясөн коть мый йылысь. Сэсся на кызди менам некод абу. Ветлі йөктыны. Юим.

Ноябрь 10-өд лун. Гожөмнас, кор уджалі райредакцияын, гижлі агитаторьяс йылысь статья. Сэни казтыштлі и Л. А. Нестероваёс (вөвлөм Оверина, учительница), мый сійё агитаторалё сөмын бумага вылын. Воча кыв гижөма редакцияё, көні быд ногыс менё «донъялөма». «...Төданнид-ө ті Тимушевёс? Сійё важён нин воштіс советскёй мортлысь öбычасё. Пыр код...» Эг терпит да гижі аслыс дженьдыдика: «Люй коть муртса вежавидзысьён».

Талун сійё бара парсалөма меным: «Тимушевлы. А ачыл тэ вежавидзысь? Видзөдлы. Колхозын весиг өти лун эн уджав. Корреспонденталан сөмын асьтё лэптөм вёсна. Тэнад заметкаясад этша збыльыс. Көсьян лоны авторитетной мортөн. Да, ме адзылі тэнö код юрөн. Тимушев, тэ ставнас гартчөмыд важ тывйё — капитализмө...» Тадзи гижё менам вөвлөм учительница. Письмөсө сылысь мөдөда роноё. Аслыс лоё яндзим. Все! Талунсянь кута лыддыны, мый тэ менё эн велөдлы.

Ок и лёк! Ог кө йөймы талун, пета кө вермысьён, то лоа мортөн. Тірала весиг. Эг вермы сёйны столөвойын. Делёис сыын, мый 3 час кежлө менё да Л. Политовёс корөма директор. А менам бөрья выговор. Вөтласны институтысь? Оз вермы лоны! Ме көсья велөдчыны да лоны бур мортөн — велөдысьён. Көсья вёчны йөзлы бур.

(Рытнас). Директор кабинетын. Гөгөрвои, мый комендант норасьома ме вылө, кор шуи сійөс скөтинаён.

— Вөтлам общежитиенысь,— шуис директор.— Сета куйм лун.

— Аттё.

Ноябрь 11-öd лун. Сэтшөм интересной оломыс! Ме радейта овны. Быдлао ветлөдла отнам. Эм эськө радейтана ныв, Андрей, Витя...

Ноябрь 12-öd лун. Помалі гижавны мамлысь письмбяс торъя тетрадью. Ставыс 74 письмө. Лэдзи стенгазет. Кузьтаыс сълөн — 12 метр. Институтын ставыс чуймалоны.

Ноябрь 13-öd лун. Зэв сьөкыд. Ставөн дузъялөны ме вылө.

Ноябрь 14-öd лун. Талун группөвөй комсомольской собрание. Локтисны тшөтш преподавательяс В. А. Клыкова, А. И. Кипрушева да мукөд. Политов пыдди уськөдчисны ме вылө. Собрание дырйи видлалисны вина юөмкөд тыш йылысь вопрос. Друг пырис Станислав Ульянов. Одва кок йылас сулалө. Кывийыс оз арты.

— Менө дир-ректор оз, оз вөтлы,— өдва шуис.

Ставөн серөктисны. Тайө и лёк, колө бөрдны, а оз серавны.

Ноябрь 20-öd лун. Ньоби «Правда», «Литгазета», «Красное знамя», «Коми колхозник», «Советская культура» газетъяс. Пыралі «Красное знамя» редакция. Сети информация. Медведев шуис, мый петас.

Ноябрь 21-öd лун. Лыддя Горькийөс. Со кодлысь колө велөдчыны гижнытө. Майшасы сы вөсна, мый некыдз ог вермы помавны издательстволы «Дом в Черемушках» книга. Вуджөда сійөс коми кыв вылө. Гижа кывбурьяс да эпиграммаяс.

Ноябрь 23-öd лун. Ветлі директор дорө, медым сетны комендант вылө кузь письмө. Но эг су. Помалі «Любочка ревнует» висьт. Комендант йылысь. Нуи редакция. Выл вөб, чайта, петас.

(Рытнас). Муні институтө. Матыстчи приказъяслөн пөв дорө. «...за нарушение общественного порядка в институте приказываю: выгнать из общежития студента IV курса историко-филологического факультета Тимушева Алексея. Директор института — Куклев».

Ме чуйми. Сидзкө, збылысь шуисны вөтлыны менө ывла вылө. Мыйла гижисны татшөм приказсө, кор весиг мекөд эз сёрнитны. Директорлы гижи зэв кузь воча кыв, көні ставсө пасйи, мый вөлі общежитиены. Ставсө жө висьталі комендант йылысь. Көть мый лоас, а общежитиенысь ог пет. Мед комендант ачыс водзжык мунас. Кута куш джодж вылас узылыны. Делөсө вайөда прокурорөдз; но ог пет!

Ноябрь 27-öd лун. Комендант менө отарө вөтлө, а дирекция кыв ни джын оз шу. Уджала книга вуджөдөм вылын. Сетасны 2500 шайт. Ньбба баян да пальто. Меным сэсся ниңөм оз ков.

Ноябрь 30-öd лун. Вөлі директор дорын. Корө петны общежитиенысь. Бөрас эськө шуис, мый көть нин пө төлысь кежлө. Ветлі снимайтны В. А. Клыковалысь верөссө. Юөма да кулөма.

Рытнас Политовкөд корсим квартира. Но некод эз лэдз, көть кышовтим кар джынсө.

Декабрь 1-öd лун. Шун тадз: оти вой кута узыны Витя дорын, мөдөс Пименовъясын, коймөдөс — Андрей дорын да сидз колляла тайө төлысьсө.

Декабрь 2-öd лун. Эмбурторйөс сдایتі көлуй видзан камераө. Ас ордө коли сөмын чемоданөс, гудөкөс да матрасөс. Мөд лун нин узыла джоджын. Няйт, көдзыд.

Декабрь 3-öd лун. Вөчи 100 гөгөр фотокарточка. 44-сө мөдөді мамлы. Талун медбөръяысь узя общежитиены. Мамсянь воис зэв страшной письмө: бөр вөсьсөмаөсь важея ранаяс.

Онi кута гижны письмө.

Декабрь 5-öd лун. Талун Конституция лун — став йөзлөн празник. Карын өшаліс сөмын 14 флаг и эз вөв весиг оти лозунг. Паркын йөкті. Зэв өна радейта йөктыны, быттө ныв.

Декабрь 6-öd лун. Талун узи лестехникумса студент Витя Напалков дорын. Сійө менам важея ёрт, отлаын уджавлім редакцияын. Витя дорын кута узылыны, а луннас кадсө колляныны институтын. Терпитны ковмас январь 20-öd лунөдз.

Декабрь 10-öd лун. Воис мамсянь письмө, кодi помасьсө татшөм кывъясөн: «Но, Лёнечка, велөдчы бура. Мамыд кө кулас, то лёка эн

казьтыв». Бёрді. Медводдзаысь синваой петіс, весиг ёртъяс дырйи.

Гижи письмояс. Борис Полевойлы да О. Л. Книппер-Чеховалы. От тӧд, вочавидзасны оз.

Декабрь 11-ӧд лун. Некемын лун нин ола Витя Напалков дорын. Узьлам ӧти койка вылын. Съомой абу ньӧти.

Декабрь 12-ӧд лун. 5 час чӧж вуджӧді книга. Первойсӧ чайті, мый тайӧ зэв кокни удж. Но вӧлӧм абу тадз. Быд 10 минут мысти лоӧ лук-йысьны словарын. Деньгай ньӧти абу. Преподаватель А. О. Третьяковалысь уджді 15 шайт.

(Рытнае). Ставӧн мунісны кино вылӧ, а ме ог вермы, абу съомой. Эм мӧвп — гижны кутшӧмкӧ московскӧй писательлы письмӧ да корыштны деньга. Шуам, Эренбурглы. Абу прӧста гижны да корны, мед эз чайт йӧйӧн, а бура висътасны письмоын. Гижны кузя.

Декабрь 14-ӧд лун. Ме гижлі Коми АССР-са Министръяслӧн Советӧ шыӧдчӧм, медым отсыштасны съомӧн. Талун звӧнитлі сэтчӧ, но ӧвтыштчисны. Шеин гижӧма ме вылӧ лӧк характеристика. Председательӧс вежысь Безносиков менӧ эз примит. Ыстысис кад абутӧм вылӧ. Съомой абу ньӧти. Книга вылын уджала тшыг нисӧ пӧт. Кор книгаса герой Наташа сӧйӧ коржикъяс, менам дуллӧй весиг войталӧ.

Декабрь 15-ӧд лун. Мунӧны бӧрйысьомъяс народной судӧ. Гӧлӧ-суйтӧм бӧрын Витякӧд лунтыр шӧйтӧм карӧд.

Декабрь 16-ӧд лун. Бара ветлі Министерствоӧ. Безносиков ӧні примитіс нин менӧ. Дыр юасис. Медбӧрын гӧрд карандашӧн пасйис менам шыӧдчӧм пельӧсӧ: «Сетӧй 150 шайт». Сідзкӧ, 10 лун позяс на овны.

Декабрь 26-ӧд лун. Ветлі «Войвыв кодзув» журналса редакцияӧ. И. Вавилин шуис, мый локтан номерын петӧ менам висътой комендант йылысь. Весиг нимсӧ эг веж. Тайӧ жӧ номерас печатайтӧны Даллес вылӧ менсьым эпиграммаясӧс. Г. Фёдоров корис воляны сельхозтехникумса студентьяскӧд аддзысьлӧм вылӧ. Сеті сӧглас. Выступита гижысьяскӧд ӧтлаын аслам кывбуръясӧн.

Декабрь 31-ӧд лун. Некемын час мысти — Виль во. Мыйта бурсӧ меным сетіс важ воыс. Олі гажаа, ветлі Печора вылӧ да с. в.

Витякӧд кежавлім институтӧ. А кор Виль воӧдз коли 20 минут, котӧртім драмтеатрӧ. Виль восӧ сәні и пасйим. Таӧн сәсся помала ассьым гижӧдӧс. Виль восянь лӧсьӧда виль тетрадь.

1957-ӧд во. Алёша Т.

«ТАТШӦМ НИИ МЕ МОРТЫС»

1958 ВО.

ВОДЗКЫВ ПЫДДИ. Татшӧм дневниксӧ ме нуӧда зэв нин важӧн, 1951 восянь. Любӧпырысь виль пӧв лыддывла важ гижӧдысӧс да казьтывла кольӧм кадсӧ.

Талунсянь водзӧ кута вӧчавны тетрадьӧ пасйӧдъяс.

Январь 2 лун. Корлісны писательяслӧн Союзӧ. Вӧлӧмкӧ, менам кывбурсысь вежӧмаӧсь ӧти строка да кӧсйӧны юавны, сӧглас абу. Сідзкӧ, «Войвыв кодзув» журналлӧн январса номерын менам петас висът да Даллес вылӧ эпиграмма.

Содтісны донъяс вина да мукӧд тӧвар вылӧ. Йӧз оз гӧгӧрвоны, мыйын делӧыс да шуасьӧны.

Январь 3 лун. Лунтыр пукалі шӧр библиотека лыддысян залын. Дасътыси экзаменъяс кежлӧ. Такӧд тшӧтш лыдди С. Чекмаревӧс да М. Джалильӧс. Валялы гижи кывбур.

Карӧ локтіс РСФСР-са заслуженной артист Кильчевский. Кӧсйис выступитны институтын. Но эз чукӧрмы 3 тысяча шайт да выступитӧмысь ӧткажитчис.

Январь 6 лун. Редакцияӧ нуи студенческой драмкружок йылысь информация. «Комсомольская правда» газетысь аддзи интересной

статья. Шусьо «Человек, которого нельзя защищать». Сэни гижсьо сы йылысь, кызди студент Владимир Погореловос вöтлöмась институтысь. «...1956 воын ме пыри велöдчыны Карагандаса педагогическöй институтö естествознание факультет вылö. Первой курс бöрын, каникульяс дырйи, ме муні мам ордö. Каникульяс помасьöм бöрын меным коліс локны институтö, медым уджавны урожай идралігөн. Но менам пöрысь мам виччысьтöг висьмис. Та вöсна ме сёрми институтö 10 лун. Локтöм бöрын менö эз гөгөрвоны. Лэдзисны приказ менö институтысь вöтлöм йылысь. Мыйын менам мыжыс?..»

Тайö мортыслөн олöмыс дзик менам кодь. Ме сідзжö тавося сентябрын эг вермы уджавны колхозын мамлөн висьöм вöсна. Муртса эз вöтлыны институтысь. А мыйта сэки больгисны ме йылысь! Мый Тимушевлы дыш уджавны да с. в. Көть кызди эг эскöд директорöс, ёртьясöс, мый мамöй вöлі кулан выйын.

Лыдди статьясö, көні газетса специальнöй корреспондент Е. Брускова нöти оз дорйи вöвлöм студентöс. Мөдарö — мыжалö. Эг вермы терпитны да ысті редакцияс телеграмма: «Человека надо защищать!»

Январь 7 лун. Воис «Вөр фронт» газет редакциясян письмо. Юөртöны, мый выль вося номерын йöзöдöмась менсьым кывбур. Корöны выль произведенияс. Аски мөдöда öти районнöй представитель йылысь басня.

Столövöйö ветлігөн паныдаси Керчомьяысь Турышевкөд. Дыр сёрнитім.

Январь 8 лун. Преподавательница шуис меным: «Велöд көть эн, Алёша, но тэ всё равно лёка тöдан коми грамматика».

— Меысь бурджыка оз тöд некод,— вочавидзи ме.

— Видзöдлам,— шуис велöдысь да корис дöска дорö Ануфриевöс. Сійö мыйкö нурбыльтіс вомгорулас да ланьтіс.

— Алексей висьталіс збыльтор,— кыв көрталіс велöдысь.

Мыйла, сідзкö, мырсьыны, кор водзвыв тöдан, мый пуктасны «уд»? Ветлі кино вылö. «Тихий Дон», мөд серия. Но сэтшöм лёка пуктöмась! Сөрöм! А кызди афишируйтісны!

Январь 9 лун. Экзамен эг сдайт, көть менам вöліны кокни вopсьяс. А. О. да А. И. мекöд татшöмторсö вöчöны нарошнö. Но мед! А. О. меным враг, кызд висьтавліс меным та йылысь Валентина Андреевна Клыкова. Сійö гөгөрвоö олöмсö.

Январь 10 лун. Лунтыр уджалі книга вылын, вуджөді сійöс коми кыв вылö. Тайö уджсö колö öдйöджык помавны.

Вöлі лилипутьяслөн концерт. Кажитчис. Бöрас звөнитлі Валялы. Ме сылы эг кут эскыны.

Январь 12 лун. Валя вылö скөрми дзикöдз. Сэсся ме сылы ог звөнит, ни ог гиж.

Январь 13 лун. Лунтыр пукалі институтын. Аски экзаменьяс. Ветлі редакцияö. Пыралі директор дорö.

— Бара общежитие кузя?

— Да, Пётр Ефимович,— вочавидзи ме.

Сійö дыр думайтіс, лöсьöдіс юрсисö да шуис:

— Ладнö, решитам. Волы аски.

Муні. Общежитиеысь вöтлісны öдйö, а медым бөр босьтны, колö решайтны...

Январь 14 лун. Дасьтыси экзаменьяс кежлö. Төді став билетсö. Көть нин «три» вылö. Но майшаси. Пыри экзамен вылö первойөн. Вопросьяс веськалісны кокниöсь.

Ме пукси велöдысьлы воча.

— Татшöм öдйö?— чуймис сійö.

— Да, ме дась...

Дыр висьталі, вайөді примерьяс. Сійö кутіс менö торкавны.

— Ті сёрнитаннуд общöй кывьясөн,— вочавидзис А. О.

Ме висьталі 38 минут.

— Материалсö нöти онö тöдöй. «Неуд»,— сетіс бөр зачөтнöй

книжкабс. Серамыд петас, мый ме ог тод коми грамматика, кор ачым гижа коми кыв вылын висьтъяс, кывбурьяс, сёрнита.

Сөрөм! Ок, тайо А. О.-ыс да А. И.-ыс. Вөтлыны коло татшөм преподавательяссö институтысь! Тадзи шуоны став студентыс.

Январь 15 лун. Воисны письмö, газетъяс. Бөрьяс — менам кывбурьяс. Воис 40 шайт гонорар. Некытчö эг ветлы. Печатайтi 200 фотокарточка.

Январь 16 лун. Мукöддырйи мортлы оз эскыны, думайтоны сы йылысь сöмын лектор.

Талун пыри Митяшин дорö ордерла.

— Сидз, Тимушев. Директор меным муртса бандзибö эз варт. Оз лэдз тэнö овмöдны общежитиеö...

Ме эг кыв кок улысь мусö. Да, ме вылын издевайтчöны, медым ме шыбитi институт. Та йылысь меным висьтавлisны Шеин, Кипрушева да Третьякова. Найö корöны, медым ме шыбитi институт. Но мыйла, ог гөгөрво.

Январь 28 лун. Ола Виктор Напалков дорын. Онi Виктор каникул вылын. Январь 21 лунсянь ме практика вылын. Веськалi Вильгортö. Школаыс зэв ыджыд, но мисьтöм. Абу весиг залыс. Но учителяс да велöдчысыс шаньöс. Ме пыр жö ставныскöд тöдмаси. Гижнi нин ыджыд объявление, лэдзи стенгазет. Переменная дырйи котыртавла йöктöмъяс, ворсöмъяс. Удитi нин лыддыны лекция.

Комната сидз эз и сетны. Лестехникумса студентъяс, тшöтш и Виктор, мунисны каникулъяс вылö. Пачьяссö та вöсна оз ломтывны. Ывла вылын жö көдзыд. Чукöртi 4 матрас да 4 шебрас. Узьла на костын. Но тайö джын тöждыс на. Комнатаö ветла гусьöн, мед некод эз аддзыв, мый ме ганi ола. Йöймыны позьö!

Январь 29 лун. Тайö луныс меным коляс паметьö. Талун первой-ыс сета урок. Витöд классын. Темаыс «Волк и ягнёнок» басня.

...Урокöз коли час. Майшася, мый весиг тiрöдö... И вот звöнок. Классын 31 велöдчыс да накöд тшöтш 12 практикант, методист да учительница. Классö пыра тетрадьясөн да журналён. Ставён сувтоны. Ме быттö нинöм ог аддзы. Весиг чолöмасыны вунöдi. «Пуксьöй»,— шуа. Гижны ог вермы, тiралöны киясöй. Казьгыштим важ материалсö. Сэсся воышти ас садьö да кутi лыддыны басня. Лыдди бура, сы вöсна мый ставныс сералисны, весиг практикантъяс, көть тайöс налы вöчны оз позь. Сетöм кадөн справитчи. Бöрас урокöс видлалисны кык час чöж. Висьталисны тырмытöмторъяс. Пуктисны «хорошо» оценка. Первойя вермöм! Ме петi паськыд туй вылö! Первой урок! Кутшöма ме радейта велöдны челядьöс бурö.

Январь 30 лун. Быд лун нуöда урокъяс. Талун аддзыси выль интереснöй нывкакöд. Шуоны Людмилаён. Сыкөд муним театрö. Театрса директор Г. Попов, кор аддзис менö, шыасис:

— Тэ, Тимушев, меным зэв ёна колан. Локтис РСФСР-са культура кузя министрöс вежысь. А «Измаильскöй крепость» спектакль пуктöны коми кыв вылын. Тэ вуджöд сылы.

Ме сöгласитчи. Пуксим тайö нывбабаыскöд витöд радö (сiйöс шуисны Анна Геннадьевнаён) да заводитi вуджöдны роч кыв вылö спектакльын ворсысыяслысь сёрни.

Министрöс вежысь бöрас менö аттьöалис.

Февраль 1 лун. Практика мунö бура. Узьла Альберт Ванеев дорын. Сы ордын жö олö и Геннадий Юшков. Кыкнанныс поэтъяс. И ме, дерт, тшöтш. Ме тöрыт дыр висьтавлi налы аслам олöм йылысь.

Лыддям öта-мöдлы кывбурьяс, вензям. Альберт уджалö журналын, Геня — радионы.

Февраль 3 лун. Тöдмалi, мый баптистъяслөн организация корсьö коми кыв вылö вуджöдчысыясöс. Мунi организацияён веськöдлысь Василий Иванович Попов дорö. Сiйö менö примитис зэв бура да культурнöя. Первой, мый шыбитчис синмö, тайö — озыр библиотека. Сiйö петкöдлis меным книгаяс, кодьясöс ме некор на эг аддзыв. 1752 вося Библия, роч да коми кыв вылын евангелльöяс.

Вуджодом могысь Библия эз сет.

Февраль 4 лун. Талун сетисны общежитиеын ичотик комната выло ордер Орджоникидзе нима улича вылысь.

Февраль 7 лун. Вөлі радионы. Сэни дасьтоны менам кывбурьяс серти передача. Нимыс «Бур туй». Сыктывкарё локтис «Лесная промышленность» газетса корреспондент. Сійо тодмалёма, мый ме тодса А. Тимушевкөд, кодi неважон вөлөма Ворошилов дорын приём вылын. Корис гижны тайо морт йывсысь статья Советской Армиялы 40 во тыригкежлө. Корси материал.

Февраль 8 лун. Талун учителясь, велөдчысьяс да практикантьяс пуктисны Выльгортын ыджыд концерт. Ме вөлі конферансьеөн. Отшотш лыдди ассым кывбурьяс, сылы. Медъёна видзөдысьяслы воис сьолөм выланис меөн лыддьом «Бом-бом...» кывбур. Концертис ёна кажитчөма. Кодi менө паныдаласны, челядь коть верстыө йөз, ставныс шуоны: «Бом-бом!».

Февраль 13 лун. Лэдза стенгазета. Лыддя Н. Лесковлысь произведениеяссө. Чуймөдана кывйон сійо гижө ассыс висътьяссө. Вот кодлысь колө гижнытө велөдчыны.

Март 20 лун. Практика помасис. Ветли гортө. Уна фотографируйтчи. Но абу тайо главнойс. Весиг ог вермы гижны... страшнө... Талун өти курсын велөдчысь Кочанова меным юөртис, мый Лия өшөдчөма. Ме первойсө весиг кывзыны эг көсйы. Но Кочанова эз серав. Институтсян муні МВД-ө. Сэни нинөм оз тодны. Оти морт, правда, шуис, мый ме коддьомсө колө вөтлыны институтысь. Но мыйон ме мыжа? Ми Лиякөд бура письмөбаслим, радейтим өта-мөдөс. Сійо меным ббрья письмөсө гижлис март 10 лунө, кодөс сеті МВД-ө.

Ог эскы! Лиечка, тайо оз вермы лоны! Кодi тэнө обидитис? Онi жө звөнитла Визингаө.

(Рытнас). Ог вермы нинөм вөчны. Ньөби Сергей Чекмаревлысь книгасө. Зэв бур поэт! Но лыддысьны сідзжө ог вермы. Думайтa Лиечка йылысь... Ставыс өмөй збыль? Ме онi быттьө эска нин, мый Лия абу, сы вөсна мый ставыс сёрнитөны та йылысь.

Март 21 лун. Талун бара звөнитли МВД-ө. Сэсянь юөртисны, мый Лия йылысь ставыс тайо больгөм. Меным лои кокныдджык. Но... Но көни сійо? Пыр на абу аддзөмаөсь.

Март 22 лун. Визингаысь локтис Лиялөн чойыс. Да, Лия абу гортас и өнөдз сійөс абу аддзөмаөсь. Гортсыс мунлөма март 13 лунө.

Март 23 лун. Лиялөн чойкөд ветлим МВД-ө. Метөг нин сійо ветлис роддомө, больничаө. Но ставыс весьшөрө. Бөрас Нинакөд видзөдалим менсым фотоальбом. Ме сійөс снимайти.

Онi гөгөрвоа, мыйла Лия пышйис гортсыс. Сідзкө, вайис кага. Оз коль и кык лун, кызди кагаыс кулас. Сійөс корасны милицияө. Повзбөдласны тюрьмаө пуксьөдөмөн. Лия зэв нервной, со и пышйөма. Лиялөн чойыс меным петкөдлис кабалатор.

«Справка.

Выдана Мамонтову Кириллу Михайловичу в том, что уголовное дело по обвинению вашей дочери Мамонтовой Лии Кирилловны производством прекращено за недоказанностью состава преступления.

Прокурор Сысольского района Сосин. 20.03.58 г.»

Март 24 лун. МВД-ө звөнитa быд лун. Но некод нинөм оз төд. Көни жө тэ, Лиечка? Шыөдчы. Помся ветлөдла почта вылө, гашкө, письмө эм.

Март 25 лун. Бара звөниті МВД-ө и юөртисны... Збыль-ө тайо? Лия өшөдчөма кладбище вылын, ув йылө. Менө йирмөг босьтис. Первойсө нинөм эг гөгөрво, весиг нинөм быттьө эг аддзы. Лия, Лия... Мый тэ вөчин?

Помнитa, сійо локтис ме дорө да висъталис, мый бура помалөма медучилище. А июнь 1 лунө ми торйөдчим. Та бөрти аддзысьлим сөмын өтчөд, октябрын. Письмөасим. А каникулясь бөрын, көнкө март шөрын, воис Лиясянь письмө. Гижис, мый лои өтитор. Но письмөын оз

гиж, а кор волас, висьталас ачус. Эг удит гижны воча кыв, кызди лон татшөмтор...

И өні эг вермы эскыны, мый ставыс тайё лоис менам радейтана нывкөд.

Талун жө гижа Лия батылы письмө.

Личка, мый тэ вөчин? Личка... Кымынысь ме заводитли ассьым письмөясөс тайё нимянысь. Личка... Коді нөшта ме кызди татшөм мусаа шульвліс тэнö? Збыль өмөй тэ менö радейтин и колин өткөн?

Март 26 лун. Оти шог бөрся мөд. Талун республиканскöй газетъяс да радио юөртисны, мый кувсис РСФСР-са заслуженнöй да Коми АССР-са народнöй артист П. О. Мысов. Менö вөрзөдис тайё юөрыс. Од драмтеатрын ме уджала нин (вузала билетъяс) 4-өд во. Бура төд-са артистъяскөд. Вөлі төдса и Мысовкөд.

Кор театрын пуктисны «Кремлевские куранты» спектакль, Ленин-лысь рольсö ворсис Мысов.

Коркө сійö менсым юалис драмтеатрлөн касса дорын:

— Уна-ө удждоньд?

— Ог төд, уна-ө сетасны.

Кассир лыддис сьөмсö да сералігтыр шуис:

— 45 көпейка.

Мысов сідзжө серөктіс.

Дугдис тіпкыны сьөлөмыс ыджыд да радейтана артистлөн.

Пыралісны ме дорö комсомол комитетсян да висьталісны, мый менö бөриймабсь Мысов горт дорö почётнöй караулö.

Почётнöй караул бөрын войбыдөн печатайті 150 фотокарточка.

Март 27 лун. Драмтеатр дорын уна йөза. Кык час лунын Бабушкин нима улича вывті он вермы вөлі прөйдитны. Йөз колльөдисны бөръя туйö Мысовс. Ме фотографируйті.

Март 28 лун. Практикаысь пуктисны «хор». Меным векджык пуктöны «уд», бура коть лёка төда предметсö. Но Вьльгорт школаса директор гижөма институтö ме вылө благодарность.

Ок, и ог радейт ме эсійö Анна Осиповнасö да Анастасия Ивановнасö. Некод найсö оз радейт.

Талун А. И. төдмалөма, мый Лия өшөдчөма да йөз дырйи уськөд-чис пинявны менö.

Личка, мый тэ вөчин? Төрыт печатайті важ фотоплёнка вылысь карточкаяс, көні эм и Лия. Печатайті и синваөй петö. Став карточкасö мөдөді Визингаө Лиялөн чойлы.

Март 30 лун. Воліс ме дорö ичөтдырся төдса Алексей Канев. Вывті бура ворсö баянөн. Сөмын вот грамотаыс сылөн зэв этша — 4 класс. Но отсала сылы, медым таво ар босьтисны сійөс музучилищө.

Апрель 4 лун. Талун менö ас дорас корліс декан А. А. Шейн. Чолөмасис да кисö весиг сетіс. Юасис Лия йылысь. Сёрнитіс зэв шаня. Сідзкө, көсійö вөчны лектор.

Апрель 16 лун. Драмтеатрын вөлі институтлөн комсомольскöй слёт. Волісны вөвлөм выпускникъяс. Но мыйлакө абу корөмабсь медводдза выпускникъяссö, на лыдын радейтана писателяс Юхнин да Рочев. Ме висьталі та йылысь. Но менö весиг кывзыны некод эз көсйи.

Апрель 17 лун. Воис гонорар. Сы вылө нөоби Лесковлысь да Толстойлысь книгаяс. Ме пырджык нөбала книгаяс. Ог кут ошйысьны, но студентъяс пиысь менам медуна быдсяма книгаяс. Быдса библиотека.

Апрель 21 лун. Лунтыр гижи институтлы 8 лозунг.

Апрель 22 лун. Чужис интереснöй мөвп: май 1 лунö, парад бөрын, художественнöй самодеятельностьса членъяс отсөгөн котыртны концерт. Рудик лэдзас стенгазет. Ванеев да ме лыддям кывбуръяс да с. в. Ме котөртлі магазинö да нөоби пригласительнöй билетъяс. Но ставыс весьшөрö: эз лэдз директор.

— Ті көсьянный котыртны вина юөм?

Ййөяс ті, господа-веськөдлысьяс!

1958 ВО

Май 5 лун. Талун — Печать лун. Ветлі тайё луныслы сйём торжественной рыт выло. Сэні докладон выступиті партия обкомысь пропаганда да агитация отделса заведующий Рочев. Докладыс вөлі ызи-базі. Некод эз кывзы. Фойеын ошаліс стенгазет, көні вөліны менам фотокарточкаяс.

Май 6 лун. Печатайті 5 час чөж фотокарточкаяс. Ньоби «Натуралист-фотограф» книга. Воисны югославской «Борба» газетьяс.

Май 7 лун. Садьми асывнас да чуйми: общежитие йорын аккордеонон ворсіс Стекольников. А откымын студент трустик кежсыныс вөчисны зарядка. Ме кватиті фотоаппарат, петі балкон выло да кути найос снимайтны. Мися, мөдөда сэсся «Чушканзійо».

Май 8 лун. Ньоби Булгаковлысь «Лев Толстой в последний год его жизни». Лыдди. Зэв кажитчис, öні Толстой менам синьяс водзө сувтіс дзик мөд мортон: прөстөйон, варовон. А ме сійос Енмос моз лэптывлі.

Май 9 лун. Талун Победа лун. Мамлы гижі письмө. Дум выло усис 1945 вося май 9 лун.

Бара коли сьөмтөг. Колян во татшөмторйис эз вөв: уджалі редакцияын. Сельков эськө корис уджавны рытьяснас редакцияө, но мыйлакө эг мун. Вузавлөны зэв бур книгаяс, весиг завидь, но ньобнысө ог вермы. Дум вылын Анечка. Да, ме сійос радейта. Рытнас койка весьтө ошөді сылысь портретсө. Сійө — морской формаа, шляпаа. Зоньяс чуймалөны сылөн мичлун выло да завидьтөны.

Май 10 лун. Чукөрті кывбурьясөс радионын выступайтөм могысь. Мөвпала котыртны «Коми пединститутса том позьяс» нима передача.

Май 11 лун. Удждыс да ньоби «В любовь надо верить» книга. Ме өд кык во нин лыддя лекцияяс муслун йылысь.

Май 13 лун. Юрий Лихачевкөд фотографируйтім театрса став артистсө.

Май 19 лун. «Коми колхозник» газетө гижі театр йылысь рецензия. Мамлы мөдөді 160-өд письмө.

Май 21-өд лун. Вөлі писательяслөн Союзын. Г. Фёдоров корис, медым съезд кежлө ме дасьтө фотовыставка.

Май 23 лун. Талун менам шуда лун. Газетын печатайтөмаөсь рецензияос. «Красное знамя» газетө гижі «Два года в стране пингвинов» статья да нуи редакцияас. Шуисны, мый петас. Делөыс сын, мый менам земляк Валериан Лютоев кык во вөлөма Антарктидаын. Сійө и висьталіс меным интересной лөбмторьяс. Ме эськө эг вөв мортон, эг кө гиж та йылысь.

Талунья «Красное знамя» газет шызьөдіс став карсө. П. Сухоруков гижөма кутшөмкө мошенница Лещенко йылысь статья. Темаыс збылысь интересной. Но статьяыс вывті ыджыд, уна «ваыс».

Иван Вавилинкөд гуляйтім кар кузя. Ветлім пристаньө, сёрнитім поэзия йылысь. Интересной морт. Радейтө висьтасьны и ачыс кывзө мүкөдөс. Торйон нин вөралөм йылысь.

Май 29 лун. Альберт Ванеевкөд мунім кооптехникумө. Талун сэні профессор В. И. Лыткин лыддьө лекция. Темаыс — «Древнейшая история народа коми». Залын йөзыс тыр. Локтөмаөсь писательяс, наукаяслөн академияысь войтыр, институтысь преподавательяс.

Ми пуксим первой радас. Орччөн пуксис Серафим Попов да кутшөмкө старука. Гашкө, мамыс.

В. Лыткин лыддис лекциясө интересной, но зэв дыр: куйм час да джын. Альберт весиг пышйис пывсыны. Гортө вои 12 час войын. Вөлі лыддьөма абу лекция, а быдса университетской курс.

Май 30 лун.

— Тимушев, телефон дорё!

Котёрті.

— Тайё звонитё комсомол горкомыс первой секретарь Лучшев. Локтёй пыр жё!

Муні. Секретарь дорын пукалісны куимён. Кыксё эг тёд. Отыс чеччис да шуис меным:

— Мунамой мёд жирйё.

Ми петім. Сійё нуодіс менё МВД-ё кабинетё. Кабинетыс ичотик, быттьё гёбёч. Кёдзыд. Ошиньсё занавесалёма. Веськыдладорас диван, кольквиж рёма. Сійё корис менё пуксыны улёс вылё да нюмъяліг-тыр, шаня кутіс юасыны: кызди велёдча, ола, көні помавлі школа, коді коліс гортын да с. в. Ме чайті, мый делёыс бара Лия Мамонтова йылысь. Но сійё друг шуис:

— Вот мый, пыдди пуктаңай. Тэ, висьталёны, көсйёмыд вуджодны коми кыв вылё Евангелльё.

Ме муртса эг чеччышт серамойла! Висьталі, мый февральын вёлі тайё делёыс. Ветлі Попов дорё. Но Евангелльёсё эг босьт ни эг вуджод. Тані менё допроситысь друг горёдис:

— Ылөдлан! Тэ эн босьтчы вуджодны Евангелльёсё сёмын сы вёсна, мый тэныд Попов шуис, мый таысь оз вештысьны!

Ме шуи, мый вештысьём йылысь миян некутшём сёрни эз вёв.

Сэсса тайё мортыс кутіс казътывны, мый ме быд ногыс шуалі обшежитиеса комендант йылысь.

Кутіс менё кык час чөж. Аски 10 час кежлө корис бара. Быттьё сэсса меным нинём вёчны. Аддзёмаёсь преступникёс!

Май 31 лун. Кёдзыд, зэв кёдзыд. Ме бара МВД-ын. Стөч 10 часын сійё жё комнатаас, пукала сійё жё местаас, сёрнита сійё жё мортыскөд.

Юалис, мыйён ме интересуйтча. Ме, мися, мортыс сэтшөм — быдторйён. Но медся ёна радейта литература, сэсса музыка, живопись, фотография, театр, кино да с. в. Мёд кывйён кө, мыйён вермас интересуйтчыны морт. Но ставсё тайёс ме, кызди гөгөрвои, висьтавлі прёста. Тайё мортыс вёлём ставсё нин тёдө. Сёмын талун гөгөрвои, мый ме бёрся важён нин кодкө кыйөдчө (чайта, студентъяс пиысь). Аддзёмаёсь преступникёс!

Кабинетын пукалысь быдса час чөж долис меным, мыйла лыддя югославской «Борба» газет (и тайёс тёдёны). Мыйла? Да прёстё интереснө.

— А мыйла он болгарскойёс либё мөдөс, а буретш югославскойёс?— бара юасьё.

Абу мөй өткодъ? Дерт, өні Югославиякөд миян йитөдъяс торкисны. Но өд подписка дырйи ме та йылысь эг мөвпыштлы. Да и ме абу политик.

Пукалі 2 час чөж. Бёрас сійё меным вөзйис, медым ме босьтчи отсасыны МГБ-са уджалысьяслы, сылөн тшөктөм серти, гижі: «Я, Тимушев Алексей Степанович, даю слово, чтобы сообщать в МГБ о всех новостях, что говорят против советской власти и выявлять врагов нашего государства... Свои сообщения буду давать в письменном виде за подписью Холмогорский».

Сійё көсйысис көнкө быд вежон да джын мысти звонитлыны меным да сёрнитны.

Сідзкө, ме бёрся кутасны следитны. И оз сёмын өні, а вояс чөж. Гашкө, весиг олём помөдз. Обиднө. Комсомолец, пыр олі да уджалі честнөя, а өні... Но мед следитёны! Абу кө налы яндзим да нинём вёчысьё.

Сійё висьталіс ассьыс овсё, нимсё да вичсё. (Виталий Николаевичөн шуёны, а овсё вунөді).

Удждысьёмён ньоби книгаяс. Уджйөза нин 200 шайт. И век жё ветлі кино вылө.

Ок, кутшөм көдзыд ывла вылын! А аски Троица нин. Ок, кутшөм көдзыд!

Июнь 3 лун. Институтын вочааси өти курсын велөдчысь Светлана Жикинакөд:

— Ой, Алёша, тэнө судитны кутасны да вөтласны институтсьыд!

— Кысь тэ гайөс төдан?

— Тайөн өни занимайтчө прокурор.

Менө босьтис йирмөг. Нинөм эг гөгөрво. Муні директор дорө. Но сійө вөлөма экзаменьяс вылын. Воськөдчи прокурор дорө. Коридорын паныдаси өти морткөд, коді юалис, кодөс ме корся. Висьтаси.

— Да, вермасны вөтлыны институтсьыд,— вочавидзис.— Виччысь-лөй, ме кора следовательёс.

Кутшөмкө 5 минутөн юрын бергөдлі бөръя вояссө: кызди ме пыри велөдчыны институтө, кызди радліс таысь мамөй, кутшөм сьөкыда ме олі да велөдчи первой кык восө, кызди воөдчи 4-өд курсөдз. И өни менө вөтласны. Мый вөчны? Вины ачымөс? А мамөй? Мамөй, муса мамөй! Сійө пыр көсийс, мед ме вөлі шуда. Ме радейта олом! Ме көсья овны!

Ме дорө матыстчис еджыд юрсиа морт да корис пырны кабинетө.

— Сысольскөй прокуратураысь следователь.

Юасьыштөм бөрүн сійө висьталіс меным, мый Лиялөн бать-мамыс гижөмаөсь Коми АССР-са прокуратураө шыөдчөм, медым менө вөтласны институтысь. Кор пө мөдөдасны менсьым письмөясөс, кодьясөс ме гижлі Лиялы, сэк ставыс лоө ясыд.

Июнь 4 лун. Сдайті кык зачөт. Коймөд пара бөрүн котыртісны ме кузя комсомольскөй собрание. Откымын ныв уськөдчисны ме вылө, быд ногыс шуалисны. А асьныс кутшөмөсь? Коді медся ёна горзіс, сійө медьёна и гуляйтө.

Но собрание эз артмы. Бөрас шуисны нуөдны общениститутскөй суд. Тьпу! Бара заводитчис. И бара экзаменьяс дырйи.

Июнь 5 лун. Сьөмөй коли 6 шайт. Надейтчыны некод вылө. Сьөлөм шог. Збыльысь мөй вермасны вөтлыны институтысь? Весиг ог вермы лыддысьны. А некымын лун мысти экзаменьяс. Ог төд весиг, мый вөчны. Аддза лөк вөгъяс. И некод менсьым оз юав, мый менам сьөлөмын. Весиг преподавательяс. Ставөн видзөдөны ме вылө көсья.

Төрйт комнатаса зоньяслы шуи, мый ме вылын лоө суд. А Альберт Павлов весиг горөдіс:

— О-о-о! Тайө лоө интереснө! Одийөджык нин мед эськө судыс лоас, а то регыд экзаменьяс.

Быдөн тірө аслас ку вөсна. Ме некодлы ог эскы.

Занятиеяс дырйи жырйө пырис комсорг да шога юөртис:

— Нывъяс, товарищескөй суд оз ло. Алексей Алексеевич шуис, мый өни кадыс та вылө абу: экзаменьяс.

— Кызди оз ло?— горөдісны ставөн.

Урокьяс бөрүн котыртісны нөшта өти собрание. Но некод эз выступайт, а сөмын пиняисны. Карманова вөзйис вөтлыны менө комсомлысь.

Мед, колөкө, вөтлөны. Сөмын мед институтө колясны. А ме кута велөдчыны да уджавны бурджыка став тайө комсомолец дорсьыс.

Июнь 9 лун. Юөртисны, медым 6 час рыт кежлө локті комитетө Лия кузя. Быдса час виччыси. Ог гөгөрво, мыйла менө тадзи ылөдлісны.

Июнь 11 лун. Локтісны гастрольясөн Воркутаса театрысь артистьяс. Накөд тшөтш Раиса Жемчужинава. Тётя Паша висьталіс, мый Воркутаын театрысь пөжар дырйи сотчөма дзикөдз. Жаль.

Июнь 13 лун. Экзаменьяс. Босьті билет. Вопросьясыс: «Маяковский о загранице», «Горький — о языке, о литературе».

Вочавидзны босьтчи первойөн. Уна висьтавлі.

— Төдан мый, Тимушев ёрт, ті нинөм он төдөй. Выльысь лыддөй да сэки воланныд.

Ме нинөм эг шу. Босьті зачөтнөй книжкаөс да петі.

Июнь 16 лун. Институтысь вөтлісны 5-өд курсысь Меньшиковөс да

Полевос. Кыдз йозос, кодыяс выступайтоны партиялы паныд. Ставо́н шуо́ны, мый вoтласны и менo.

Июнь 19 лун. Корисны ВЛКСМ комитетo. Сэсянь ыстисны директор дорo. Сийo лыддис комсомол комитетлысь решение, ко́ни найo корoны вoтлыны менo институтысь. Тадз пo и ковмас вoчны. Ме кыв шутoг петі. А мыйта эськo висьталанаыс вoлі...

Пыри партия обкомo, Торлопов дорo. Висьталі, мый менам ныло́й oшoдчис. Таысь менo вoтлоны институтысь да уджыштны эськo редакцияын. Сийo дыр менo кывзис да медбoрти шуис:

— Ладно, уджыс уна. Но век жо стoчмoда тайo делoсo.

Ме бара нинoм эг вочавидз. Нинoм, кызкo-мыйкo ола. Вот сомын мамoй жаль. 14 во велoдиc асьыс писo, вердиc-юкталиc, ачыс тшыгъялиc, а пиыс со кытчoдз воис. Но нинoм, мам, эн шогсы. Пийд нинoмoн абу мыжа.

Июнь 20 лун. Диаматысь экзамен сдайті «хорошо» выло. Рязанцев, коді примитіс экзаменсo, зэв eна жалитo, мый менo вoтлоны институтысь.

Вoлі театрын. Видзoди «Раскрытое окно» спектакль. Студентьяс йылысь. Сoрoм! Тадзи мoй oлоны студентьяс? Пьесаыс некытчo шогмытoм.

Июнь 21 лун. Зэв лeка узи. Вoтлыси кутшoмкo сьoд каньяс бoрся. Вoтoй збыльмис. Институтло́н приказьяс пoв вылысь казялі гижoдтор. Матыстчи. Сьoлoмoй eнтыштіс. Да, тайo ме йылысь. «За систематическую неуспеваемость, пьянство и за аморально-бытовое разложение и по просьбе комитета ВЛКСМ отчислить из института Тимушева А. Директор Коми пединститута, доцент Куклев».

Ме дорo матыстчисны морт 8—10. «Но мый, Лeша?» «Мыйла?»— юрын жуис юалoм.

Муні директор дорo. Сeрниним вoлі дженьыд. Сийo вoзйис меным пырны заoчнoй oтделение выло. Либo кык во мысти бoр пырны очнoй факультетo.

Лунтыр шoйті йoй моз. Пыр думайті, мыйла приказас тшoтш гижoмаoсь вина юoм, кор ставыс тайo сoрoм. Ме висьталі жо та йылысь директорлы, но мoдыс сомын шпынныліс: тадз пo шуoны.

Вoлі комсомол горкомын. Корисны выльлунo.

Июнь 23 лун. Вoлі комсомол горкомын. Сэсянь мoдoдиcны радиоo. Менo пoшти примитисны нин удж выло, но радиоысь нывбаба звoнитіс Торлоповлы. Чужoмыс весиг вежсис. Бoрас сомын шуис, мый обком сувтис удж выло примитoмлы паныд.

Июнь 24 лун. Муні Торлопов дорo. Oд сийo ачыс вoзйыліс меным редакцияысь удж. Но ставыс лoи ясыд, кор сийo кутіс сeрнитны сийo жо кывьяснас, кутшoмoн сeрнитіс и директор. Артмo, мый Куклев сийoс «ньбoбма».

Июнь 25 лун. Тoдлытoг шуи мунны гортo. Чукoрті книгаясoс, кo-луйoс, прoщайтчи eртъяскoд. Сьoм абутoм вoсна парoход выло ковмис бoсьтны перроннoй билет. 20 гoгoр верст мунoм бoрын бoсьті гудoк да заводиті ворсны. Чукoрмисны йoз, кутісны йoктыны. Бур йoзыд эмoсь быдлаын: менo вердиcны и юкталиcны.

Июнь 27 лун. Талун вои гортo. Кор вуджи порoг вoмoн, мам весиг дрoгнитіс, гoгoрвоис, чайта, мый мекoд мыйкo неладно. Ме пoрчыси. Заводиті висьтасыны мамы. Сийo пукаліс да лoня кывзис...

...Кoльoны луньяс. Первой вуграси. Сэсяс кунм вежон уджалі кылoдчан участокын. 10 лун ветлoдлі район пасьта да лыдди «История возникновения частушек» тема выло лекцияяс. Быдлаын сьoлoмсянь кывзисны.

«Советская Россия» газетын петіс менам кык информация. Кулі институтса директор П. Е. Куклев. Прoщай! Бур мортoн вoлін.

Мoд кывйoн кo, гoжoмсo коллялі бура, но сьoлoм вылын вoлі деливo. Кeрчoмьясаяс тoдoны менo вoтлoм йылысь да тшoкыда юасьoны.

Август 27 лун. Лэччи карё. Кор прёщайтчи мамкөд, эг вермы шуны весиг өти кыв. И синваой петис. Карё локтём бёрын вежон олі гостиницаын. 4 лун чөж корси квартира, но весьшөрө. 5 лун чөж ветлөдлі карса учреждениеясөд, корси удж. Одва аддзи ДОСААФ-ысь, кёні и уджала өні. Удждон нин босьтлі, 200 шайт. Тані ме лоа выль воөдз, а сэсся вуджа «Коми колхозник» газетө.

Ветлі республиканскөй музыкальнөй театр востьтөм вылө. Вуджи овны витөд квартираө нин. Ола отлаын Алексей Пименовкөд. Узьла спасательнөй станцияын, сы вöсна мый комнатаын менам абу ни койка, ни матрас. Луннас шөйта карөд, а войнас буретш и дежурита станцияас (видзөда, медым эз гусявны спасательнөй шлюпкаяс).

Сентябрь 17 лун. Воссис Коми АССР-са писательяслөн медводдза съезд. Перерывьясас ветлөдлі зал кузя да снимайтi интереснөй кадрьяс. Мойвиис, шам, снимайтны, кыдзи Ив. Молчанов, Успенский да А. Рекемчук лыддьöны сатиричesköй стенгазет. Меным козьналісны автографьяса уна книга.

Сентябрь 18 лун. Съезд муніс водзө. Прениеясын сёрнитісны унаөн. Медбур выступлениеыс вöлі Геня Юшковлөн.

Сентябрь 29—30 луньяс. Прөйдиті комиссия. Менө босьтöны армияө. Нуасны ноябрь 8 лунө. Чукөрти чемоданөс да некодлы нинөм висьтавтөг ни гижтөг кайи пароходөн гортө. Мамлы ставсө висьталі сöмын мөд лунас. Бөрддзис.

Октябрь 10 лун. Мам гижис Коми АССР-са военкомлы письмө. Воліс комиссия. Помасис ставыс сійөн, мый ноябрь 21 лунө меным сетісны военнөй билет.

Декабрь 27 лун. Бөрья кадас воис зев уна письмө. Öти на пиысь госбезопасностьысь (менө воштöмаөсь). «Советское фото» журналын петöма менам материал. «Коми колхозник» газетлөн форматыс кольö важыс. Сідзкө, удж тані меным оз вичмы. Вöлі районнөй редакцияын. Секретарыс көсйө мунны, а сы местаө редактор корö менө. Сыкөд отлаын лыддим «Азьлас» сатиричesköй приложение. Ме гижі 5 кывбур. Редактор корөм серти ветлі командировкаө Пруптскöй леспромхозө. Гижі бур очерк.

Тайö тöлысяс менам да мамлөн олöмын ыджыд лоөмтор — шумм кыпöдны ас керка. Вöрсө пöрөдöны нин. Колö, көнкө, 15—20 тысяча, а мян нинөм на абу.

Да, ми некор ог доньялөй кадтө. Надейтчам аски вылө. Со меным 24 арөс нин. А мый ме вöчи, медым менө казьтывлісны 100—150 во мысти? Нинөм. Гөтыр абу, челядь сідзжө. Этша на гижі, медым менө казялісны.

Но век жö надейтча аскиа лун вылас, мый верма на вöчны унатор, медым йöзыс коркө казьтывлісны менө.

Асшөрлун—комилён виль кадколаст

Автономия корсян туй

Рочьяслөн сё воясён кыссысь нартитана политика коми войтырын чужтис ас кежысь овны кёсийм. Кыдзи и мукöд увтыртöм йöз, найö эз нин эскыны бур олöмыслы, сöмын виччысисны сийö кадсö, кор позяс шедöдны асшөр мездлун.

Но кольöм нэм заводитчигöн Европаын лонсны ыджыд вежсьöмъяс (Французскöй революция, Наполеонлөн война), кодъяс мörччисны Россияса правительство вылö. Этша лыда войтыръяс вылö налөн видзöдласыс неуна вежсис. 1822 воö бырысь войтыръяслысь коляссö царскöй указöн вöли дорйöма да неуна личöдыштöма нартитöмсö. Сэки и коми йöзлөн заводитчö ловзьöм, кыптан кадколаст.

Татчöдз кыкнан коми йöзсö вöли пöшти быдлаын бырöдöма. Сöмын ичöt сиктъяс да öтка котыръяс вöлисны кольöмаöсь пемыд вөръясын, нюръяс сайын и сэни, кытчö муыс да сылөн озырлунъясыс эз кыскыны роч переселенецъясöс. Тöдса, мый 1835 воö коми йöзлөн лыдыс вöли 123.000 морт, кодъяс олисны пемыд вөръясö дзебсьöм ичöt сиктъясын. 1897 воö нуöдан гижалöм серти, комияслөн лыдыс вöлис 258.000 морт. А 1926 вося перепись петкöдлис коми йöзлысь лыд сöдöмсö, кодй воис 375.000 мортöдз. Вöлисны нин каръяс, ыджыд сиктъяс, кыдзи Усть-Сысоьльск, Емдин, Кулöмдин, Ижма, Кудымкар да с. в.

Национальнöй чукöръяслөн ловзян кад воис. Россияын 1917 вося (февральса да октябрса) революцияс ёна жö отсалисны талы.

Паськыда олысь коми йöз чукöртчисны, медым котырtnы ас кыв вылын литература, пуктыны овмöслы подув, ас водзаныс сувтöдны духовнöй могъяс. 1919 вося ноябрь 29 лунö квайт мортысь чукöртчöм конгресс шуис коми да роч газетъяс пыр шыаьсны Северо-Двинскса, Архангельскса, Вяткаса да Пермса губерниясын разй-пели олысь коми йöз динö. Гижöдыс заводитчис татшöм историческöй кывъясöн: «Став Коми муса велöдысьяслы да Северо-Двинскса, Пермса, Вяткаса да Архангельск губерниясса коми йöзлөн интеллигенциялы. Дона, но омöля сöвмöм мян чужан му корö тйанöс сюртчыны уджö, медым лöсьöдны школаяслы да став олысьяслы национальнöй литература...»

Тайö вежа, кыв кутана зэв ыджыд уджыс эз кокниа мун, быд воськолын вöлисны уна мытшöд да сьöкыдлун. Но, та вылö видзöдтöг, быд воськолын вöлисны и тöдчана вермöмъяс.

1921 вося январь 5 лунö Усть-Сысоьльскын коми йöзлөн культурнöй центрын вöлис конгресс, кытчö волисны Коми муса делегатъяс. Тайö вöлис коми йöз олöмын историческöй здук, кор коми йöз медводзаясь чукöртчисны öтлаö. Тайö чукöртчöм вылас шуисны корны Россияса правительстволысь став коми йöзлы — коми-зыряналы да коми-пермякъяслы — автономия.

Москваса правительство вынсьöдис коми йöзлысь корöмсö, и 1921 вося май 5 лунö йöзöдис Коми мулы автономия сетöм йылысь указ.

Тайö юр воём бöрас став коми йöз радлисны. Тайö лунъяссö казьтылöм могысь востыисны кык музей: Сыктывкарын да Кудымкарын. Налөн фондъясыс талунöдз ёна озырмисны, торйөн нин Сыктывкарын.

Но коми йöзлөн долыд лунъяс эз вöвны кузьöсь. Коми му вылын, да торйөн нин Пермса губернияын, кыв кутисны коми йöзöс öти адми-

нистративной округо отлаодом всна роч чиновникъяс. Пермской губерниясн чиновникъяс дзик пыр заводитисны падвежасьны коми-пермякъяслон территория вылын да корисны дугодны став уджсо автономия котыртом могысь. Вблисны и сэтшомторъяс, мый комиясс арестуйтлисны сысысь, найо ко лысытисны шуны «Коми автономия» кывъяс. 1921 вося август 22 луно Москвас шор правительство указон воли урчитома Коми автономиялысь граница. Сы всна, мый Пермской губерниясыс исполнительный комитетса представитель эз воли съезд выло, автономия лон сетома сомын коми-зыряналы. Коми-пермякъяслон территория водзо колис Пермской губернияса юконн.

1921 вося ноябрь 28 луно шор правительствоын выльысь воли лэптома вопрос коми-пермякъяслон торья территория йылысь, но Пермской губернияса представитель бара эз во. Сэки правительство дзик пыр мододис телеграмма Пермской исполнительный комитето, медым пырысьтом-пыр налон представитель воис Москвао правительстволон заседание выло. Представителькод тшотш корисны став колана документъяс, код серти позис эсько урчитны Коми автономия да Пермской губерния костын граница. Но, телеграмма выло видзодтог, представитель и документъяс колисны Пермю.

Татшом юорьяссю лыддигон чужо мовп: Пермской губернияса роч представителяслы татшомторйыс эз вов ки выв. Та сайын од воли ачыс шор правительствоыс, код мододавлис налы гуся индодьяс: падмодны автономия котыртм.

Коми йозлысь отсоголаса и дугдывтом коромьяс — лосьодны отувья административной граница — советской правительство видлавлис нельысь.

Дас во чожон Коми автономиялысь границаяссю вежлисны гозмодысь, но, та выло видзодтог, джын йозыс и водзо олис автономной территориялон границаяс сайын. Тадзи ота-модсыс ылыстчоны збыль фактъяс да Советъяслон законъяс.

Тайо тыш дырйныс шор правительстволон указон коми-пермякъяслы воли котыртома торья административной округ, но сийо колис Уральской областю. Сэки жо Коми-зырянской автономия выло дугдывтог усыласны Архангельской областяса веськодлысьяс, корисны Россияса шор правительствоос сетны автономиясо Архангельск улö. Шор правительство сэк сувтис комияс дор: колис автономиялы Архангельскысь независимость кызди веськодломын, сидзи и овмос кутомын и вынсьодис тайос 1926 во.

Но Архангельск водзо кыподо коромьяс.

Медборьясысь коми йозлысь коромьяссю видлавлисны 1928 вося гожомын, кор на кузя Россияса шор правительство выльысь ена да дойдана кучкис. Сэки буретш вуджодисны Коми автономияос Архангельск веськодломо улö. Тайо жо кадö коми территориялысь важ границаяссю воли вежом, кызвыннас комияслы шогмытома. Дерт, автономной территория динö отлаодисны Архангельск да Вятка губерниясысь некымын коми сикт, мый всна олысьяслон лыдыс содис и лонс 250.000 морт гогор, но сэки жо Войвылысь — Вой саридз дорысь да Кама йылысь — торйодисны коми йозос (коми-пермякъяссю 160.000 мортос кымын) и колисны найос граница сайо.

Советской правительство и они ылöдчомон вуджис беспартийной позиция выло, корис Российской академияос юортны, лооны-ö коми-зыряна да коми-пермякъяс оти войтыр. Та всна Российской академия чукортис комиссия, медым решитны коми йозлысь судьбасо. Во сайо комиссия видлавлис вопросо и борьявыв шуис, мый коми-зыряна да коми-пермякъяс кызди кыв боксянь, сидзи и олан сям серти тырвийо торья йоз, мый всна найос некызд оз позь отлаодны оти административной округо.

Та всна чужо юалом, лоо-ö тайо велөдомыслон результатыс, код паныд муно став збыль фактъяслы, академической скандалон или тайо воли Советской правительстволон да Россияса академиялон отувья

сёрнитчөм, «Юклы да ыджыдав» принцип серти коми войтырöс водзö увтыртöм.

Тайö событияс бöрас Российскöй Наукаяс академия официальнойнн признайтис, мый коми-зыряна да коми-пермякяс öти и сийö жö йöз — комияс и сёрнитöны öти кывйöн, а академияса учёнöйясөн сөтöм отзыв коми йöз йылысь лоö ылöдчана. Та вöсна коми йöзлөн положениеыс век жö эз на бурмы: найöс век на вöли торйöдöма, и найö омöля тышкасисны асланыс культура вöсна. Неминучаяс ылö видзöдтöг, коми йöз эз воштыны лача да эскисны, мый коркö век жö удайтчас чукöртны важöн паськыда олысь коми йöзлысь став колясёö öти административной округö.

Видзöдламö öни талунъя синъясөн, кутшöм тшупöдöдз кыпöдчисны коми йöз, овмöс, велöдчöм да му пытшкöсса озырлунъяс перйöм боксянь.

Коми-пермякяслөн талунъя олöм йылысь «Коми му» журнал 1927 воö гижö: «Коми йöзлөн став олöмыс вöли помасьлытöм мучитчöм да дугдывтöм адской пытка. Исторической документьяс висьтавлöны, мый коми йöз сё воясөн ас вывтис нуисны ыджыд тшыгъялöм, чорыд рабство да нартитöм. Коми йöзлысь вöли мырддьöма ашшöрлун, а сідзкö и морт ним. Пермяк — бöрынджык пондис кутны «няйт, пемыд морт» вежöртас. Та вöсна абу шензьöдана, мый кодкö кö коми-пермякяс пиысь быдмис учёнöйöдз, сийöс йöз водзын эз пыдди пуктыны сöмын сы вöсна, мый сийö коми-пермяк».

Академик Лепехинлөн, кодi воліс Коми муö 1769 воö, ветлöм-мунöм йылысь пасйöдъясысь лыддям: «Став тайö велöдöмторъяссö меным висьтавліс дзор юра пöль, кодi пöрысьлун вöсна оліс сиктас пöшти öтнас. Мукöдъясыс вöлісны меда уджыяс вылын. Мырдöна уджсö вöчисны көрт руда перьянінын да көрт сывдан заводьясын. Найö, кызди кывтöм пемöсыяс, полысь ыжъяс, пöшти дугдывтöг вöчисны меда джж походяшевса заводын, нуисны ас выланис вичкöөн сөлөдöм повинностьяс. Эскыны кö налөн кывъяслы, то на пиысь быд кага пыртöмысь заводлы колö дасьтыны сизим сыв пес, тэчны найöс чипасьясö, нöшта сотны шомöдз да вайны шомсö заводьясö...

Кор 325 верстсайса заводö воан да сэни висьман, абу кокни подөн воöдчыны гортад. И сэки «енлы эскысь» заводчик бурпырысь ыстас висьысьсö заводса больничаö. Но кор висьысь бурдас, сылөн заводьсь босьтöм став уджонис мунас бурдöдöм-видзöмысь мынтысьöм ылö. И тадзи тайö шудтöм йöзыс тшöкыда кык воöдз оз аддзывны гортсö да семьясö. Налөн коньöр гöтыръясыс бара кöдзасны да чукöртасны ёна этшаджык нянь, нуасны сийöс вузавны, медым мынтыны уджйöз, вот. Налөн гöльлуныс да коньöрлуныс синмö шыбитчана да помтöм, мый найö пöшти став олöм чöжыс сөйöны кач сора нянь — ньыв пу кырсьысь, кодöс медводз посньöдöны, а сэсся неуна сорласны рудзöг пызöн да сы бöрын пöжаласны сöчөнъяс».

Колö пасйыны, мый коми-пермякяслөн öни на эз ёна бурмы олöмыс. Налөн асланыс территория вылын 1925 воöдз эз вöв ни öти кар, ни öти завод. Став муыс — гöль видз-му вöдитысьяслөн пельöсыс — Российскöй государстволөн. 1927—1928 воясö став округлөн доходис вöли 22.093.200 шайт, көни видз-му вöдитöмлөн юкöныс вöліс 17.049.400 шайт. Лыдпасьясыс петкөдлöны, мый слысьяслы медшöр доходис воö видз-му вöдитöмысь.

Этша доход вöсна йöзыс корсьöны содтöд удж вöр лэдзаниньясын да чужан муысь бокин — Уралса заводьясын. Бөрö кольöм видз-му овмöс, а сідзжö көрт туй абутöм вайöдіс сэтчöдз, мый йöзыс оз вермыны немтор мөдöдны вузавны. Сідз, 1927—1928 воясö муысь нуисны видз-му овмöс прöдуктаяс (тöд ылö вöр да пуа тöвар босьтöмөн) сöмын 2600.000 шайт дон. Йöзыс пыр гöльмисны и асланыс муысь мунісны Сибирö. Та йылысь ясыда висьталöны татшöм лыдпасьяс: 1897 воясь 1926 воöдз Урал гөгöръясын олысьяслөн лыдыс содіс 35,6 процент ылö, но сэки жö коми-пермякяслөн территория вылын — сöмын 11,7 процент ылö, кöть олысьяслөн естественной содöмыс

ыджыдджык Урал бокса муясысь. Сідз, 1925 воё коми-пермякъяс содісны 2,21 процент вылө, а Урал территория вылын — сөмын 1,86 процент вылө.

Коми йөзлөн зэв этша видз-муыс сы вöсна, мый тайö местаяс эз нуодлыны выльысь му мурталан удж 200 во гөгөр, көть йöзыс семьясыны и содісны. Но сэні, көні, олоны рочьяс, видз-мусö муртавлісны да юклісны «сёйысь лыд» артыштöмөн, тшөкыдджыка, 20—35 вояс мысти, и, вичмыліс кө этша, сетлісны налы содтöдсö государственной муясысь. Коми йөзлы найöс эз сетлыны ни öтчыдысь 200 во чөжөн. Та вöсна Коми му, көть и паськыд, но этша йöза тшыг муён и коліс: войтырыс збыль вылас олоны сөмын ичөтджык юяслөн берегысдорса сиктыясын. Сідз, лыддьöма, мый Эжва пöлөн тшөкыдджыка олоны Москваса губерния дорысь воём йöз.

Коми йөзлөн сиктыяс да грездыяс пукалоны вөрьяс пöвстың, ичөт юяс пöлөн, кызди саридзын ичөтик діяс.

Коми-пермякъяслөн вылын казтылөм этша содöмыс — медясö тшыгъялөм вöсна.

Коми-пермяккөй округса олысьяслөн гөльлуны сувтöдіс мытшöдьяс йöзкостса культура сөвмөдан туй вылө. Сідз, шуам, 1927—1928 воясö Урал территориявывса народной правительстволөн рöскöдыс морт вылө лөö 5 шайт 25 ур, а коми-пермякъяслөн территория вылын сөмын 3 шайт 60 ур.

1925 воясь, кор котыртісны коми-пермякъяслы торъя административной округ, 1929 воөдз петкөдчисны кушшöмсюрö петасьяс: культура кутіс сөвмыны, но ошйысьнысö да нимкодьясьнысö вöлі водз на.

Мöд ног вöчисны коми-зыряналөн территория вылын, кодьяслы водзджык, 1921 воө на, сетісны торъя административной веськөдлөм. Культура юкөнны налөн вöліны ыджыд вермөмяс. Сідз, кор коми-пермякъяслөн территория вылын народной школаясын велөдісны чужан кыв вылын сөмын кык медводдза велөдчан воө, то коми-зырянскöй автономияса народной школаясын велөдісны став предметсö, рочысь кындзи, национальной кыв вылын. Коми-пермякъяслөн территория вылын 1929 воө петіс сөмын öти газет «Гöрысь», и сійö на кык кыв вылын (рочөн да комиён), а коми-зырянскöй автономияын петісны нин асланыс кывъя нель газет да öти литературной журнал, а сідзжö — роч кывъя кык журнал. Йöзöдöма вöлі ас кывъя 165 книга. Народной школаса велөдчысьясöс, видз-му овмөсса да мукöд уджалысьясöс дасьтісны нин аслас техникумъясын, көні велөдчисны 300 сайö коми студент. Народной просвещение вылө быд во лэдзисны кык миллион сайö шайт. Государственной да местаяс вылын учреждениеяс кызвыннас уджалісны ас кыв вылын жö.

Колö пасйыны татшöм збыльтор: мый роч үчөнойяс пукталісны быдсяма мытшöдьяс комияслөн высшöй образование босьтан туй вылын. Торйөн нин ясыда тайö тыдовтчö Питерса институтясын. Вит во чөж сэні бойкотируйтісны коми студентъясöс. Медводз гөгөрвоөдісны помкасö, мый быттьökö коми студентъяс оз вермыны сдайтавны институтö пыран экзаменъяс. Первой каднас талы эскисны. Но кор Питерса институтъясö пырöм могысь коми студентъясöс кутісны дасьтыны торйөн, весиг и сэки найöс сэтчö эз кутны босьтавны. Сөмын сэки казялісны, мый тані помкаис мөд. Та бöрын Коми автономияын видлісны восьтыны ассыныс институт (политехникум), но рочьяс тайöс эз сетны вöчны. Сэки коми студентъяс и водзö кутісны босьтыны высшöй образованиесö роч институтясын на жö. А Питерскöй институтъясса велөдысьяс и водзö бойкотируйтісны коми студентъясöс. Сідз, Россияса шөр правительстволөн индöд серти Питерса политехникумъясö колö вöлі босьтны коминысь дас студентсö, но политехникумö эз пыр ни öти морт. Коми автономиялы висьталісны, мый Питерса политехникум — Питерса олысьяслы, а абу комияслы. Та бöрын автономияса правительство шыясис Россияса шөр правительство дінö, медым гөгөрвоөдны лөмторсö. Кор Россияса шөр правительство корис Питерса политехникумысь объяснитöм, то тайö велөдан учреждениеыс

висьталіс правительстволы, мый коми студентьясӧс бытьӧкӧ эз босьтны политехникумас местаяс абутом вӧсна.

Кор Коми автономияӧс вуджӧдісны Архангельск улӧ, то и сэні заводитчис татшӧм жӧ увтыртӧм. Сідз, Ульянаса видз-му овмӧс велӧдан школаын, кодӧ дасьтіс коми йӧзлы асьыс видз-му да вӧр овмӧс кузя специалистьясӧс, тулысын школаса медбӧрья классыс 40 велӧдчысылы эз сетны велӧдчӧмсӧ помалӧм йылысь свидетельство. Помкаяс вӧлі сын, мый бытьӧкӧ велӧдчысыс костаc вужьясьӧма коми национализм, а тайӧ пӧ оз кажитчы Россиялы.

Коми автономияын вӧлі му мурталысьясӧс велӧдан дзик ӧти школа, кодӧ дасьтіс Коми автономиялы асьыс агрономьясӧс, но кутшӧмкӧ помкаяс вӧсна пӧдлалісны и сійӧс.

Татшӧм увтыртӧмьяс Россияын ас вылас нуисны велӧдчыны кӧсйысь том коми йӧз. Тадзи жӧ олісны мукӧд кывъя войтыр. Улын вайӧдӧм официальной издавнясысь босьтӧм лыдпасьяс висьталӧны кыкнан коми войтырлӧн хозяйственной да культурной положение йылысь.

Вӧр овмӧс

Коми йӧзлӧн му вылысь лыддисны медшӧр озырлунӧн вӧр. Коми-зырянской автономияын бур вӧра местаясыс 1929 воӧ вӧлісны 23.058.900 гектар вылын. Кералӧм да вузалӧм муніс 13.265.000 гектар вылысь. Вося быдмӧм-содмсыс кералісны сӧмын 23 процент. Коми-пермякьяслӧн территория вылын 1929 воӧ вӧра местаыс вӧлі 1.481.600 гектар. Но сэтысь онас кералісны сӧмын 2 процентсӧ.

1928—1929 воясӧ Коми автономияын вӧлі вузалӧм вылӧ лэдзӧма 2.550.000 гӧгӧр медся бур кер. Но ӧд став муыс и вӧрыс пырӧ Российской государством, сідзкӧ, вӧрсьыс прибыльсӧ босьтӧ Россия. Коми автономиялы вӧр вузалӧмсыс кольӧ сӧмын ичӧтик пай.

Москвасянь лэдзӧм план серти Коми автономиялы колӧ вӧлі дасьтыны нуӧм вылӧ вӧрсӧ 17.000.000 кубометр, и сэки тайӧ, кор локтан тӧвнас ӧтлаын став Войвыв Россияс дасьтіс вӧрсӧ сӧмын 20.000.000 кубометр.

Советской правительстволӧн арталӧм серти, Коми автономияысь рубеж сайӧ нуӧм вӧрысь воӧ валюта 217.000.000 шайт гӧгӧр.

Эжва вожысь вӧрыс зэв кокниа сюрӧ вузалӧм вылӧ. 17.000.000 кубометр вӧр вӧлі пӧрӧдӧма сӧмын Эжва бокысь, кӧні став вӧрсӧ лыдӧны 9.125.000 гектар гӧгӧр.

Локтан тӧв вылас планын индісны, мый тайӧ ю боксыс лӧӧ кералӧма 20.000.000 кубометр гӧгӧр нин, а нӧшта локтанас — 22.000.000 кубометр гӧгӧр. Тадзи и куштисны пармасӧ, кытысь вӧрыс ичӧт донысь да кокниа шедіс: пӧрӧд да кылӧд.

Медым Коми автономияысь вӧр озырлунсӧ жалиттӧг грабитӧм муніс майшасьтӧг, автономиялысь верховной властьсӧ коми йӧз киясысь мырддисны да сетісны татчӧ вайӧдӧм рочьяс да налы прислуживайтысьяс киясӧ. Тайӧ лонс сідз шусяна коммунистической партияс весалан воясӧ. Тадзи бырӧдісны-вешталісны бур войтырсӧ коми йӧз пӧвстын, автономияӧн веськӧдлысьясянь медбӧрья уджалысьӧдз. «Коми национализм», кодӧ вӧлі Советской государстволы ӧпанӧй прӧтивникӧн, шуисны вуж выйӧныс бырӧдны.

Біджыд курыдлун чужтӧ коми йӧзын и сійӧ, мый вӧр озырлунсӧ грабитӧны коми йӧзыслӧн жӧ вынъясӧн, мобилизуйтӧны найӧс вӧрӧ меда удж вылӧ.

Видз-му овмӧс да скӧт видзӧм

1928 воӧ кӧдза муяслӧн ыдждаыс вӧлі 92.000 гектар гӧгӧр (Коми автономияын — 39.500 гектар да Коми-пермяцкӧй округын — 53.000 гектар). Кӧдзисны рудзӧг, зӧр, ид, греча, анькытш, шабді да пыш, картупель, град выв пуктасъяс: лук, капуста да мукӧдтор. Асланыс нянь автономияын оз тырмы. Сідз, 1928 воӧ вӧлі вайӧма татчӧ няньсӧ 28.304 тонна, 2.380 тонна рудзӧг, 16.955 тонна рудзӧг пызь, 545 тонна ид, 4.488 тонна шобді пызь, 2476 тонна зӧр да 1.460 тонна быдсикас шыдӧс. Татшӧм положение вылӧ видзӧдтӧг юралысьяс тшӧктисны, медым Коми автономияын колхозъяс котыртӧм бӧрын содтисны шабді кӧдзаяс да сӧки эськӧ бара ковмис вайны роч муясысь нянь.

1928 воӧ Коми автономияын вӧліс 41.930 вӧв, 139.000 мӧс, 500.000 кӧр, 114.600 ыж да 9.700 порсь. Коми-пермяцкӧй территория вылын вӧлісны 44.463 вӧв, 74.563 мӧс, 105.013 ыж да 44.279 порсь.

Гортса пемӧсьяс кызвыннас вӧлісны ичӧт мыгӧраӧсь, жебиникӧсь. Йӧв унджык лысьтисны сӧмын Печора вожын да Емва вожын.

Став Россия пасьтала тайӧ кадас коллективизируйтисны 35 процент гӧгӧр став видз-муясысь, но Коми муын коллективизируйтисны медбӧръя гектарӧдз. Тайӧ выль му реформаыс ӧна кучкис коми йӧзлӧн овмӧс кузя: гортса пемӧсьяслӧн лыдыс тӧдчӧмӧн чиніс, кызвыннас — мӧсьяс, ыжъяс да порсьяс, этшаммисны кӧдза муяс. Тайӧ му реформаыс кисьтис коми йӧзлысь овмӧссӧ. Торъя помкаяс вӧсна ӧткымын видз-му вӧдитысьяс эз кӧсьыны пырны колхозъясӧ и унаӧс на пиысь нулісны гортсыныс. Кутисны ӧдйӧ киссыны ас овмӧсьяс.

Москваын сійӧ кадӧ нуӧдӧм конгресс вылын висьталісны, мый Украинаын да Войвыв Кавказын коллективизируйтӧма на 80 процент гӧгӧр мусӧ. Босьтны кӧ тӧд вылӧ, мый ӧтша лыда войтыръяслысь мусӧ коллективизируйтӧма 80—100 процент, да орччӧдны тайӧ лыдпасьяссӧ, артмӧ, мый рочьяс асланыс муясысь ӧтувъялісны сӧмын 5—10 процент мында.

Тайӧ му реформанас, кодӧс нуӧдӧны сӧмын сӧні, кӧні олӧны мукӧд кывъя ӧтша лыда войтыръяс, тыдалӧ, выльысь лӧсьӧдчӧны на кузя кучкыны, кызди 1920—1922 воясӧ, кор натуральной налог вӧсна йӧзыс тшыгла кулісны. И коллективизация кучкас войтырсӧ сідз, мый матысса воясӧ колӧ виччысьны мукӧд кывъя йӧз пӧвстын выль тшыгыалӧм.

Йӧзлӧн дзоньвидзалун, велӧдчӧм

Коми йӧзлӧн гӧля олӧм да челядьдырсянь сьӧкыд удж мӧрччисны морт вир-яй вылӧ да омӧльтчӧдісны сійӧс зӧв ӧдйӧ. А тайӧ воясас автономияын вӧлі сӧмын 26 больнича, а сӧні — 508 крӧвать. Врачыс вӧлі сӧмын 26.

Коми-пермяцкӧй округын вӧліс 19 врач, 6 больнича, а сӧні сӧмын 180 крӧвать.

Коми йӧз пӧвстысь гежӧда паныдавлан 70 арӧсаӧ либӧ сыысь пӧрысьджыкӧс. Войтырыс тшӧкыда висӧны, унаӧн кулалӧны врачьяс да больничаяс абутӧм вӧсна.

Медводдза народнӧй школаяс коми йӧзлы восьтисны 1870 да 1880 вояс костын. Сӧні войтырыс ӧдйӧ велалісны лыддысьны да гижны. Сідз, 1902 воӧ коми-зыряна пӧвстын 14 процентыс кужис нин лыддысьны да гижны. 1909 воӧ грамотнӧйджыкыс вӧлісны нин 19 процент, а 1925 воӧ — 37,4 процент. Коми-пермякъяслӧн лыддысьны да гижны кужысьяс вӧлісны ӧтшаджыкӧн. Тайӧ нӧшта и сы вӧсна, мый налӧн эз вӧв автономия, культура центр. Мукӧд увтыртӧм йӧз пӧвстын лыддысьны-гижны кужысьяс вӧлі нӧшта на ӧтшаджык. Шуам, мари-

яслөн вöліс 15 процент, башкиръяслөн — 9, удмуртъяслөн — 3, а кыргызъяслөн сöмын 2,5 процент.

1929—1930 воясö Коми автономияын вöлі I тшупöда 314 школа, көні велöдчисны 17.421 морт; II тшупöда школаын велöдчисны 1.350 морт; сизим класса 9 школаын — 880 морт; крестьянскöй том йöзлөн 4 школаын — 400; техникумын — 637; 6 профессионально-технической школын — 410 морт.

Сійö жö вонас Коми-пермяцкöй округын вöлі I тшупöда 135 школа, II тшупöда 3 школа, крестьянскöй том йöзлөн 1 школа, öти профессионально-технической школа да öти техникум.

Чужан кыв да литература

Революцияöдз коми йöзлөн эз вöв позянлун сöвмöдны чужан кыв вылын литература; мыйкö кө вöлі гижöма, то сійö векджык кольліс йöзöдтöм. Тадзи вöлі 1860 воö ыджыд таланта коми поэт И. Куратовлөн кывбуръяс чукöркöд. 1880—1890 воясö Г. С. Лыткин аслас научнöй уджын «Зырянский край...» вайöдö чужан кыв вылын некымын мойд да сыланкыв. Проф. К. Ф. Жаков вöлі зев продуктивнöй гижысь, но сійö гижис рочöн.

1905 во бöрын кутіс нимавны коми учёнöй А. А. Чеусов, а 1913 воö литератураö босьтчöны виль гижысьяс М. Н. Лебедев, Д. Я. Попов да Цембер.

Мирöвöй война падмöдö чужан кывлысь да литературалысь сöвмöсö. Но 1918 воö котыртöны торъя комитет, коді чукöртö чужан кыв вылын литература дасьтöм могысь медбур вынъяссö. Буретш сэки чужö уна талантливöй гижысь: В. Савин, В. Чисталев, А. Маегов, Е. Колегов да мукöд.

Медводдза газет коми йöзлөн кутіс петны коми да роч кывъяс вылын 1918 воö: тайö вöліс «Югыд туй», кык кывъя. Мöд газет роч кыв вылын кутіс петны Ижмаын — «Красная Печора». 1925 воö заводитіс петны ас кыв вылын «Коми сикт», а сэсса недыр мысти — «Коми му» да «Ордым» журналъяс. 1929 воö коми йöзлөн вöліс нин дас газет да журнал.

Но, кор Коми автономия сюрис Архангельск власть улö, коми йöзöс выльысь заводитісны топöдны да увтыртны. Вöвлöм ыджыд опыта комиясö автономияөн веськөдлöмысь вежисны, газетъяс да журналъяс тупкалісны. Öткымынъяс на пиысь выльысь заводитісны петны январь помянь либö февраль заводитчöмсянь, но 1930 вося апрельын некымынöс лэдзнысö бара дугдісны. Петöны-ö таво Коми автономияын газетъяс да журналъяс, Финляндияын оз тöдны¹.

Чужан кыв вылын, кызди вылынджык казтыштім нин, йöзöдöма вель уна книга; народнöй школаясын, а сідзжö ыджыд школаса улыс классъясын велöдöны ас кыв вылын. Коми автономияын став общественнöй да государственнöй учреждениеяс 1929 воö уджалісны нин ас кыв вылын.

Коми-пермяцкöй округын чужан кывлөн сöвмöм эз на во ылöдз. Сэні петö роч да коми кывъяс вылын сöмын öти газет «Гöрысь», а тавосянь кутас петны нöшта кык журнал. На лыдысь сöмын öтисö көс-йöны лэдзны ас кыв вылас. Чужан кыв вылын народнöй школаясын велöдöны сöмын кык медводдза восö. Видлісны найöс вуджöдны ас кыв вылö, но эз удайтчы сы вöсна, мый сэні 60 гөгöр процент велöдысьыс рочöсь.

¹ Тайö рукописёб дасьтöм бöрын воисны юöръяс, мый Коми-зырянскöй автономияын петö журнал «Культура фронт», а Коми-пермяцкöй округын — «Гöрысь» газет.

Вузасьом, промышленность

Россияын свободной вузасьом вӧлі бырӧдӧма пӧшти дзоньнас, торйӧн нин сійӧ районъясын, кӧні олісны мукӧд кывъя войтыр. Вузасьом вӧлі государство, кооператив да трестъяс княсын.

1929—1930 воясӧ автономияӧ вайӧм тӧвар вылӧ сэтись нуисны вӧрысь кындзи куяс, яй, няр, чери да вый.

Коми-пермяцкӧй округӧ тайӧ жӧ воясӧ вӧлі вайӧма 11.211.559 шайт дон тӧвар. Но нуисны сэтись сӧмын вӧр. Вузӧс вылӧ нуӧм тӧварлӧн донис вӧліс сӧмын 260.000 шайт.

Коми-пермяцкӧй территория вылын абу ни ӧти завод, кӧть сәні эмӧсь кӧрт рудалӧн озыр куйланінъяс. Позьӧ вӧлі стрӧитны целлюлоза, бумага да фанера вӧчан заводъяс, но та вылӧ эз вӧв деньгаыс. Ӧд вӧр нуисны донтӧм донис, а центр деньгасӧ стрӧитчӧм вылӧ эз сет. Округын кутшӧмакӧ вӧлі паськалӧма сӧмын кустарничайтӧм, мыйысь, дерт, казнайд оз озырмы.

Коми автономияын мыйсюрӧ эм нин, и водзӧ вылӧ индӧма кыпӧдны целлюлоза, фанера, истӧг вӧчан, вӧр плитан да кучик вӧчан заводъяс. Но пӧртсяс-ӧ олӧмӧ тайӧ индӧдыс? Воськыда кӧ — оз эскысы. Кольӧм, 1930 вояс январь 1 лунӧ Коми-зырянскӧй автономия вуджис Архангельсклӧн вьськӧдлӧм улӧ, сідзкӧ и бара ставыс лӧ рочьяслӧн кыын, на сайын.

Оні Комиын уджалӧны Нювчимса кӧрт сывдан завод, Сереговса сов пуан завод, консерв вӧчан Усаса завод, тӧчила из перйӧны Печораын. Вӧр плитан нель заводын уджалӧ 9 пилорама, эмӧсь нӧшта кучик да кирпич вӧчан заводъяс. Ыджыд посёлокъясын ӧзйӧ электричество, заводъясын машинаыс ток вылын жӧ уджалӧны.

Транспорт, связь

Туйястӧг-транспорттӧг оз вермы сӧвмыны-озырмыны ни ӧти овмӧс: сырьӧсӧ он вай ни вӧчӧмторсӧ вузӧс вылӧ он ну. Паськыда да гежӧда овмӧдӧм вӧръяса мулы колӧ вӧлі видзны уна сӧм да кад, медым кӧть нин муртса ветлан выйын вӧлісны туйяс. Но рочьяс став тайӧ тӧждлунъясӧ эновтисны коми йӧз вылӧ, эз отсавны деньгаӧн ни машинаысӧн.

Оні, дерт, ӧнджыка тӧждысьӧны транспорт вӧсна, зильӧны бурмӧдны важ туйяссӧ, стрӧитӧны и выльясӧс. Вит во чӧжӧн шуӧма стрӧитны 1.380 верст кузья выль туй. Пароходъяс тшӧкыда жӧ ветлӧны Сыктыв да Эжва кузя, бурмӧ пароходӧн ветлӧм-мунӧм Печора вылын. Стрӧитӧны кӧрт туй Пинюг станциясянь Сыктывкарӧдз, комияслӧн юркарӧдз. Сылӧн кузьяыс лӧ 350 верст гӧгӧр, и сійӧс кӧсийӧны полавны 1931—1932 воясӧ.

Бурмӧ и связь бӧръя кадӧ. Автономияса почтаяс обслуживайтӧны ӧні олысысысь 92 процентсӧ. Сыктывкарын эм почта да телеграф, а сылӧн эм вит отделение. Почтӧвӧй да телефонной станцияслӧн лыдыс — 68. Кыз кык сиктын, посёлокын эмӧсь телефонъяс. Сиктыясын уджалӧны 59 почталӧн.

Пӧшти татшӧмӧсь жӧ почта, телеграф да телефон учреждениеяс Коми-Пермяцкӧй территория вылын.

Мунытшкөсса озырлунъяс

Вөрһыс кындзи Коми муын эм уна мукöд озырлун.

Быд Коми му тöдмалыс висьталö, мый тані мупытшкөсса озырлунъяс весиг шемöсмöдöны ыджданас, и унаöн на пивыс весиг нимтöны Коми муöс Войвывса муяслөн зарни кладöвöйöн. Тайö шуöмыс подула, кöть войвыв мусö и омöля на тöдмалöма. Сэтывс аддзöма нин нефть, ыргөн, тöчила из, уна рöма сёйяс, краскаяс, пиритъяс, вальды (гипс), фосфор, асфальт, известь, сов, янтарь да мукöдтор.

Нефть петасъяс эмöсь Тиман-излөн асыввылын, Уква ковтысын (Изъвалөн вож).

Рытыввыв Европаын сы йылыс медводдзаыс казътывсьö 1602 воö Витсенлөн «Войвыв да асыввыв Татария» Голландияын йöзöдöм уджын.

Талунöдз тöдмалöма, мый нефть запасыс 13.700 кубической километр. А. А. Генцберг лыддö, мый нефтьяс эм 33.400.000.000 тонна мында, профессор Д. П. Коновалов серти сылөн запасыс 2.040.000.000 тонна, инженер В. Стукачев лыддö 92.000.000 тонна, геолог П. И. Полевой — 32.800.000 тонна, С. В. Фирмалөн арталöм серти 32.800.000, профессор Л. К. Рамзин серти — 32.800.000.

Нефтьс видлалöм-тöдмалöмыс петкöдлö: сийö пö зэв бур, пöшти öткодъ Пенсильванияса му выйкöд.

Коми муын эмöсь и сотчан сланецлөн (сотчыс излөн) петасъяс. Торйöн уна найöс аддзöма Уква да Сыктыв юяс бокыс. Тайö сотчыс изйыс, инженеръяслөн висьталöм серти, лöб бур ломтасöн. Уква ковтысын тайö из петасъясылөн запасыс лöб тысяча кубической километр гөгöр ыджда, но чайтöны: эм сийö Коми мулөн и мукöд места-ясын.

Кöрт рудалыс петасъяс аддзöма уна местаыс. Медся озыра паныдасьлöны Эжва, Луз да Сыктыв (Кажимса завод дорын) юяс бокъясын. Инженеръяс висьталöны, мый ставныслөн налөн сöмын ставывса тöдчанлун. Ыджыджык тöдчанлун кутöны Эжва вылыс Гам сикторса руда петасъяс, кодъясöс вöли аддзöма инженер В. Д. Рязановöн 1922 воö. Татчöс руда запасьяссö лыддöны 4.700.000 тонна гөгöр, а рудаас кöртыс — 52 процент.

Ыргөн руда аддзöма Цильма, Сула, Изъва, Унья юяс бокыс да Усва йылыс. Цильма юывса ыргөн рудаын эм сідзжö эзыс. Ыргөн руда петасъяс аддзöма сідзжö Эжва йылыс, Помöсдин дорыс, Визин сикт гөгöрыс.

Зарни сора лыа паныдасьлö Щугöр ю бокын. 1922 воö зарни перйисны Пот ю дорыс.

Ылыдз йылын Шантым прилук нима местаын паныдасьлöны свинеч петасъяс. Вöчöм анализъяс петкöдлöны — рудаас 61,12 процент чистой свинеч.

Зэв важысянь Емва бокын, Сереговын пулисны сов. Сэтшöм жö сов петасъяс эмöсь Эжва да Уква бокъясын.

Сыктыв бокын Кардор, Волся, Веепон, Визин, Карвуджöм да Пелдым сиктыяс дорын паныдасьлö фосфор. Торйöн нин Карвуджöм гөгöрын синмö шыбитчöны фосфор петасъяс. Найö сэнi 15 квадратной километр пасьтаö шылькнитчöмаöсь, а запасьяссö геолог-учёнöйяс арталöны 2—3 миллион тонна гөгöр. Сылөн составыс зэв бур.

Кайгородок дорса петасъяслөн кызтаыс 0,05—0,12 м. Сылыс пасьтасö абу на помöдз тöдмалöма. Квадратной метрыс позьö босьтны 110—200 килограмм фосфор.

Таыс öдтор Коми муын эм из шом, асфальт, графит да мукöдтор.

Тöдмалöны-ö аддзöмторсö да корсьöны-ö выль озырлунъяс Коми муын, эмöсь-ö найö и уна-ö — та йылыс кольöм 1930 вося январсянь немтор эг кывлы. Коми автономияын петывс журналъяс Финляндияö дугдисны воны. Но тешкодöн кажитчö татшöм юöртöм, мый Россия

тшöктöм серти автономияса газетъясын кольöм восянь дугдiсны гижны коми йöзлөн история йылысь, а сiдзжö Коми мулысь мупытшкöсса озырлунъяс тöдмалöм йылысь. Шензьöдö сiдзжö Российскöй Сöветскöй правительстволөн политикаыс: заводитöмаöсь быд ногыс вайöдавны Коми муö выль переселенецъясöс.

Ми видзöдлим коми йöзлөн важся да öнiя олöм вылö и казялим, мый комияслөн важ кадся олöмыс синмö шыбитчана. Талун комияс эськö вермисны быд боксянь, кызди материалнöя, сiдзи и духовнöя, сöвмöдны ассыныс культурасö да панласыны озыр государственскöд, эз кö вöв роч национализм, самоуправство да жаль тöдтöм нартитöм, кодъяс нөнiялысны вир юысь вампир моз коми войтырлөн сьöлöмсьыс вирсö да лыяссыйс вемсö.

Фини кыв вылысь вуджöдiс А. И. Туркин.



Кыпыда, гажаа

«Коми книгалөн праздник» вöли июнь 12-öд лунö Удора районса Буткан сиктын. Татчö волiсны гижысьяс А. Ванеев, Ю. Васютов, В. Тимин, Е. Афанасьев, П. Бушенев. Праздник кежлас дасьтысисны бура — лöсьöдiсны клубкöд орччөн, мича эрд вылын, пуклöсьяс, эстрада, вузасянiнъяс, но... зэра поводдя вöсна лои нуöдны ставсö клубын. Таысь, колö шуны, праздникыс эз чусмы — вöли кыпыд, гажа. Гижысьяс сёрнитiсны асланыс творчество йылысь, лыддисны кывбуръяс. Волiсны тшöтш и сьылысь-йöктысьяс райцентрысь, орчна сиктыясысь, да и буткансаяс эз жö кольны бокö.

Районын культура сöвмöдöмлы сетöны ыджыд тöдчанлун. «Коми книгалөн праздник» вылö волiсны Удораын администрацияса глава А. И. Елисеев, мукöд веськöдлысьяс.

Чукöртчöм йöз пöся чолöмалiсны 60 вося юбилейөн ассыныс нималана поэт-земляк А. Ванеевöс.



Славянскöй гижöд лун

Тавося май помын Мурманск карын көкъямысöдысь пасйисны славянскöй гижöд лун. Сэтысь и паськаліс праздникыс Россияын. А водзмöстчысьяснас вöлісны Кола көджса гижысьяс. 1990-öд воын карас вöлі сувтöдöма Кирилл да Мефодий вокъяслы памятник. Сійö кадсяныыс верстыö и челядь — праздник лунö памятник дорас öзтöны сисьяс. Таво памятник дорын нүöдіс служба Архангельскса да Мурманскса еписком Пантелеймон.

Славянскöй гижöд лункöд тшöтш Мурманск карын вöлі и коми да саами кывъяслөн праздник.

Мурманскöй областса Ловозеро районын олöны комияс, кык сюрсысь унджыкөн. Комияскöд орччөн олöны саами войтыр.

Ловозеро сиктын вöлі кыпыд рыт, көні юргисны сыланкывъяс коми, саами да роч кывъяс вылын. Коми муысь тайö праздник вылас ветліс челядьлы гижысь Елена Козлова. Вöліны тшöтш: Москваысь — Борис Романов, Ненецкöй автономнöй округысь — Прокопий Явтысый.

* * *

Славянскöй гижöд лун, коми да саами кывъяслөн праздник кежлö Мурманск карын петіс саами войтырлөн поэтесса Октябрина Вороновалөн «Ялла» («Олöм») нима выль книга. Петіс сійö коми да саами кывъяс вылын, коми вылас вуджöдіс Евгений Козлов. Йöзöдіс сборниксö Россияса культура фондлөн Мурманскöй отделение, книгасö дасьтöмö ассыс пай пунктіс и Культура фондлөн Коми отделение. Тайö книгаыс регыд воас библиотекаясö, и саамскöй поэтесса Октябрина Вороновалөн творчествоөн вермасны тöдмасьны тшöтш поэзия радейтысьяс коми кыв вылын.

* * *

«Дом в собственном сердце» — таdzi шусьö кывбура книга, коді петіс таво Сыктывкарын. Тайö ичöтик сборникас чукöртöма финно-угорскöй поэтессаяслысь кывбуръяс. Водзмöстчис да дасьтіс сборниксö финно-угорскöй культурнöй центрса директор, коми гижысь Галина Бутырева.

Лыддысьысьяс вермасны тöдмасьны Эстонияса, Мари Элса, Мордовияса поэтессаяслөн творчествоөн. Комиысь ассыныс кывбуръяссö йöзöдісны Александра Мишарина, Нина Обрезкова, Галина Бутырева да Нелли Терентьева, Нарьян-Марысь Лукерья Валей.

□

Кызди сөвмөдны коми кыв?

Буретш во тырö сийö кадеяныс, кор Коми Республикаса Верховной Совет коми кывнымöс вынсьöдiс государственнойöн. Тайö воськовсö коми йöз, дерт, важöн кодъ нин виччысыны. Колö быттьö эськö нимкодясны, мый чужан кывлы лои сетöма татшöм ыджыд статус. Но збыль вылас öд нинöм эз вежсы. Кызд комиыд вöли öтдортöма, сiдз сийö öтдортöмаöн и коли. Қöть эськö буртор нин, мый кывсö лои вынсьöдöма, мед сöмын кабала вылын, но шуöма государственнойöн. Öд тайö лöсьöдö сийöс водзö сöвмөдöм могысь правовой подув. Нöшта содта: Верховной Советын кызвын депутатыс роч, кöть оз ставыс, но унаöн на пысь гөгөрвоöны, мый колö пыди пуктыны кöрөнной войтырлысь кывсö. Öд эз кö вöв коми кыв, а сiдзкö и коми народ, эз эськö вöв и миян республика, а сiдзкö и Верховной Совет да Министръяслöн Совет. Ме думысь, тайö мөвпсö зэв бура подулаiс коми кыв сöвмөдöмлы сийöм правительстволöн заседание вылын Верхсоветын культура да национальной йитöдъяс кузя комиссияöн веськөдлысь Н. А. Боброва. Кызвын сёрнитысьыс сы дор сувтiсны. Но эз ставыс. Кодсюрö, медясö министръяс пöвстысь, паныд лонины: мыйла пö «Коми гор» телерадиокомпанияын джын кадсö сетöны коми кыв вылын мунысь передачаяслы. Скöрмасны пö роч йöзыс. Тешкодътор артмö. Роч кыв вылын уджалö куим телевизионной канал, но öткымынöн дузъялöны, содтöд кад корöны. Но öд коми кыв вылын «Вьлиторъяс» петöны сöмын дас минут... Мыйла нö оз позь содтыны коми кывъя передачаясö?

Правительстволöн программаын коми кывсö индöма сöвмөдны куим кадколастöн (этапöн). Первой юкöнас — лöсьöдны кыв велөдöмлы подув, 3—5 во чöжөн,

мөдас велөдны кывсö, коймөдас — тырвийö пыртны кывсö миян олөмö. Ог тöд, дыр-ö кад ковмас тайö став программа вылас, но думайта да, мый дас воысь ёна на дырджык.

Дерт, первойсö паныдасясны сьöкыдлунъяс, но век жö найöс позьö венны. Ме думысь, медся сьöкыдыс лоö коймөд этапас: кор кывсö ковмас пыртны миян олөмö. Кызди вöчны-шедöдны, медым йöзыс эз сöмын коми сиктьясын, но и роч каръясын, рабочöй посёлөкъясын да рочмöм сиктьясын, райцентръясын вермисны сёрнитны комиöн. Та вёлö, думайта, весиг сизимдас воыд оз тырмы. Но век жö позьö вочасöн да ньöжйöник сöвмөдны коми кыв. Та могысь абу быть республикаса быд школаö первой кадас мырдөн пыртны коми кыв велөдöмсö.

Кывсö сöвмөдiгөн медводз колö тöждысыны коми национальной школалысь подувсö лöсьöдöм-збыльмөдöм вöсна, медым коми челядь асынь бурджыка тöдiсны чужан кывсö, медым школаясын комиöн нуöдiсны став либö кызвын школьной предметсö. Сэки, тöдöмысь, оз рочмыны коми сиктьяс. Мөдарö на, чужан кывным кутас гораджыка юргыны.

А мый шуны роч школаясын коми кыв велөдöм йылысь? Народной образованиеса уджалысьяслысь тöдöмлунъяс кыпöдан институт бердын воссис роч школаын коми кыв велөдан лаборатория. Дерт, быть колö нуöдны тайö колана уджсö. Но эм-ö миян позянлун да вын, медым быд школаö пыртны коми кыв велөдöмсö? Весиг вежоннас 3—4 часöн. Öнiя челядьыд öдвакö öдйö велаласны коми кывъяд. Öд та вёлö абу медся коланаторйыс, рочөн кö, языкöвöй средаяс. Öд кутшöм кокни эськö вöли, комиыд кö юргис, вöли сёрнитан кывйöн республикалöн быд пе-

льöсын. А кызди на миян артмö? Роч школаясад сёрнитыштасны челядыд урокъяс вылас комиöн, а сэсса перемена дырйиыс рочасöны. Кывйыс оз вужъясь челядылöн вежöрас. Сы вöсна, мый комисö велöдöны иностранной кыв моз. Олöмыс петкöдлö: иностранной кывлы, кöть и сетсьö вель уна кад, но сыö челядь пöвстысь пöшти некод оз и велав. Ме английской кыв велöдлi пöшти дас во, на пиысь куимсö — вузын, пуктылисны сыысь меным «пять». Но öни ни сёрнитны, ни гижны ог куж. Дерт, ёна кö колö вöли английскоййыс, гашкö, водзö велöдi, зили не вунöдны. А кор тэ гөгöр некод оз сёрнит английской кыв вылын, сэки сийö зэв кокниа «вушйö». Пола, этша мый сетас и рочъяс пöвстын комиö велöдöмыд. Ог кö аддзöй кутшöмкö мöд петан туй, олöмылы лöсяланаджыкöс. Вермас лоны, мый öткымын школьник, кодъяслöн семьяс кодкö сёрнитö комиöн, мыйкö да мыйкö кутасны на тöдны, но кызвыныс, дерт, оз. А бура сёрнитны, öдвакö, кодкö кутас.

Мый жö колö вöчны, медым рочмöм каръясын да сикт-посёлкъясын сöвмöдны коми кыв? Ме думысь, танi медся лöсяланаыс со мый. Мед эськö коми кывтö велöдисны этшаджык школьник, но колана ногöн, мед эськö найö вермисны бура сёрнитны коминас. Тайöс позяс шедöдны сöмын сэк, лöкö мöгмöдöма коми кыв тöдны кöсйысьясöс став коланаторйöн. Тшöтш и кыпöдöма бур школаяс, кöни эськö позис лöсьöдны сiдз шусяна «языкөвöй средасö». Но öд и торъя школа-стрöйбасö, кызд петкöдлö Сыктывкарса национальной гимназия гөгöр нохсьöмыс, республикаса да столицаса властьяс оз тэрмасны дасьтыны. Тайö нин висьталö сы йылысь, мый вылиас пукалысьяслы коми кывйыд кöчлы витöд кок кодь. Та вöсна и кыв сöвмөдан уджыс ёна сьöктаммö. И национальной движениеяс да партияяс оз жö ставсö вöчны кывсö кыпöдöм мөгысь. Став уджыс усьö учебной заведениеяслöн пельпомъяс вылö.

Сыктывкарын коми кыв сöвмөдöмсö, дерт жö, колö заводитны национальной гимназиясянь. Но танi шензёданаторйыс бара жö сийö, мый велöдчысьясыс пöшти ставыс роч кывъясь, велöдöны комисö иностраннойöс моз, вежоннас нель час. Кутасны-ö найö гимназия помалöм бöрас сёрнитны комиöн? Öдвакö!

Сiдзкö, колö вежны гимназияын кыв велöданогсö. Медводз, дерт, содтыны коми кывлы кадсö. Заводитны вочасöн да некымын предмет велöдны коми кыв вылын.

Гөгöрвоана, мый сикт-грездыясын, каръясын серти, серпасыс бурджык. Сiдзкö сэни позьö восьтны торъя национальной детсадъяс да школа-гимназияяс. Чукöртны сэтчö коми челядыс. Став велöдан уджсö нуöдны сöмын комиöн. Öти кывйöн кö, татшöм сикас велöдчанинъясас колö видзны бырöмысь коми войтырсö. Роч кывсö сэни заводитны велöдны сёрнджык, сöмын школасянь либö детсадса медгырьсь группасянь.

Медым национальной заведениеясыс збыльысь сöвмисны да дзоридзалисны, коми интеллигенциялы быть тöждысьны на вöсна. Тайö тöждысьсöмсö веськөдöма абу роч йöзöс кедзөвтöм, а коми кыв дорйöм вылö. Дерт, и сьöкыдлуныс уна на. Шуам, Визинса шöр школайн квайт параллельной класс пиысь сöмын öти шусьö коми классöн. Но сэни став челядыс рочасöны. Кöть и кызвыныс тöдыштö коми кывсö, а некод комиöн öта-мöдыскöд оз сёрнит. Быдмасны найö, лöбны верстыö йöзöн, и нэмсö кутасны рочöн варовитны. Кутшöм вермас сэки лоны коми кыв сöвмөдöм йылысь сёрни? Öд тадзитö сийö дзикöдз бырас.

Ме думайта да, эм бур петан туй. Медсясö сийö лöсялö карса да райцентрясса челядылы. Школадыд, мыйкö, дерт, сетас, но век жö этша. А колö, медым карьясса да роч райцентрясса челядылы, кодъяс кöсйöны велöдны коми кыв, вермисны вонас некымын тöлысь, кöть нин каникулъяс дырйи, овмöдчывлыны

сиктъясö, коми семьяясö. Сэки, тöдöмысь, делöйд вöрзяс. И тани эмöсь мытшöдъяс.

Гöгöрвоана, мый быд кыв бурджык велöдны ас кöсийм серти. Сэки öдйöджык сийö сöвмас. Но кывлан на, мый весиг коми батьмам оз кöсийны, медым налөн челядь велöдисны чужан кыв. Оз кö кöсийны, плетьөн он тиöкты.

Том йöз сöмын сэк кутасны зильны да велöдны кывтö, кор сийöс тöдöмыс отсалас водзö овны, кыпöдчыны удж кузя.

Öд Финляндиян он вермы босьтны государственной властёлн органъясын весиг неыджыд чин, он кö тэ тöд финской кындзи и шведской кыв. Татшöмторсö кö шедöдам и Комиын, сэки, дерт, унджыкөн кутасны тöдны сийöс. Гашкö, мукöд кывъя йöз на велöдасны и.

Коми кыв сöвмöдöмас ыджыд пай пуктöны телевидение, радио, печать да с. в. Медся тöдчанаыс на пысь, думайта да, телевидение, öд массöвöй информация средствояс пысь сийö босьтö йöзлөн олöмын медся ыджыд места. Медым коми кывлөн тöдчанлуныс паськалис, телевидениеын колö торъя канал, кодi луннас уджалис кöть нин 3—5 час. Роч йöзлы коми телепереда-

чаяс дiнö колö эськö сетны роч кыв вылын титръяс.

Но бара-жö уна сьöккыдлуныс. Миян нефтьөн, из шомөн, газөн, зарниөн, вöрөн да мукöдторийөн озыр республикалы пö та вылö оз тырмы сьöмыс. Дивö тай!

Дерт, кодкö вермас шуны, нинöм пö телевидениеыд коми вылад оз вермы вöчны. Но öд Финляндиян олысь квайт процент шведлөн эм жö торъя канал, и аддзöны мый петкöдлыны. Медшöр подулыс тани сийö, мый миян коми войтырлөн эм жö право видзöдны чужан кыв вылын телепередачаяс, кывзыны радио, лыддыны газет-журналъяс. И тайö правосö мед пыдди пуктöны быдлаын.

Нинöм лёкыс эськö эз вöв, сетисны кö удждон дорö содтöд сьöм коми кывъя телепрограммаяс, радиопередачаяс вöчысьяслы, комиөн висетьяс, кывбурьяс, романъяс гижысьяслы. Тайö эськö унджыкöс кыскис чужан кыв дiнад. И оз ков чайтны, мый лоö кедзөвтöма роч кывъя йöзöс. Шöр могыс миян — дорйыны коми кыв. Та йылысь ясыда гижöма государственной кывъяс йылысь законын.

В. САЖИН,
Сыктывкар.

Техн. редактор А. Одинцов.

Корректор Е. Козлов.

Адрес редакции: 167610, г. Сыктывкар, Дом Печати, комн. 26.
Телефоны редакции: 2-47-52 (гл. редактор), 2-51-52 (отв. секретарь).

Сдано в набор 07.06.93. Подписано к печати 12.07.93. Формат 70×108^{1/16}. Печать высокая. Усл. печ. л. 7+0,36; усл. кр.-отт. 5,64; учетно-изд. л. 7,54+0,38. Тираж 4143. Заказ № 2639. Регистр. № 000013.

АО Коми республиканская типография. 167610, г. Сыктывкар, ул. Первомайская, 70.



Интаса 29 номера детсадын быдмõны пельк да вына челядь. Школаõ дасьтысьсыяслõн группаын воспитательница Юлия Коновалова нуõдõ физкультура урок.

Снимокыс С. Сухоруковлõн.



Зэрыштас — тайо гулыд яг вылас мыччыясны рысь кодь чига, кыз кока, гожся туланлөн гөн рёма паськыд шляпаа еджыд гобьяс.

Снимокыс В. Шультгинлөн.